



ქართველი ქალების პოლიტიკური  
წინააღმდეგობის ქრონიკა 2024-2025

# მარტოს უპიჯუბი



# მაროს უვილები

ქართული ქალების წინააღმდეგობის ქრონიკა 2024-2025

კოკა ვაშაკიძე



SilkRoadFragments



აბრეშუმის გზის ფრაგმენტები  
გამოცემა: 001 / ქართული ვერსია

გამოცემულია: თბილისში, საქართველო 2026  
ზომა: 176x250 მმ / ფერადი გვერდები

შესავლის რედაქცია: რუსიკო კობახიძე

ნამუშევარი ყდაზე: თინათინ ცხადაძე

რედაქცია და დიზაინი: კოკა ვაშაკიძე

წარმოდგენილი მასალები ეკუთვნით  
მათ კანონიერ მფლობელებს

ამ ნაშრომში მოყვანილი ყველა ციტატა  
საჯარო სივრცეშია დაფიქსირებული

ყველა უფლება დაცულია  
© 2026, კოკა ვაშაკიძე

[www.silkroadfragments.com](http://www.silkroadfragments.com)  
[silkroadfragments@gmail.com](mailto:silkroadfragments@gmail.com)



## შესავალი

მარტოხელა დედა სასტიკად ნაცემი დემონსტრანტების ჯგუფს გამოეყო და ფარებით აწყობილი პოლიციის კორდონი ფეხით შეანგრია... აქციაზე გასვლის წინ ქალმა ხელზე წარწერა გაიკეთა, რომ ის ალერგიულია და რომ უგონოდ პოვნის შემთხვევაში, ექიმებს გარკვეული წამლები არ გამოეყენებინათ. „ვორლდ პრესს ფოტოს“ გამარჯვებულია ქალის სურათი, რომელიც სპეცრაზმის წინ გაშლილი ხელებით დადგა და წაყვანას ითხოვდა, რადგან მისი მეგობარიც დაჭრილი იყო. იზოლატორში მას ამცირებდნენ და ვიდეოებს უღებდნენ. მაგრამ ვინ წარმოიდგენდა, რომ პროტესტის ერთი წლის თავზე, ადამიანები წყლის ჭავლისგან მიღებული დამწვრობების ფოტოებს გამოაქვეყნებდნენ და ამას წყალში გარეული ქიმიკატებით ახსნიდნენ, რომელიც პირველი მსოფლიო ომის შემდეგ აიკრძალა.

2025 წლის 28 ნოემბერს, საქართველოში უწყვეტმა პოლიტიკურმა პროტესტმა 365- დღიან ნიშნულს გადააჭარბა და ჯერ კიდევ არაფერია გარკვეული. თუმცა, ნამდვილად შეიძლება ითქვას, რომ ეს ამბავი უკვე მსოფლიოს უახლესი ისტორიის ნაწილია და რომ ის ქალის სახეს ატარებს. დიდი ცვლილებების მოლოდინში უკვე მოხდა ერთი შეუმჩნეველი რევოლუცია. მას სამოქალაქო თანასწორობის და თანასწორობის გადააზრება შეიძლება ეწოდოს.

სამხრეთ კავკასიის უკიდურესად კონსერვატიულ ქვეყანაში ქალთა საპროტესტო მუხტით ინსპირირებულმა მოძრაობამ 21-ე საუკუნის ერთ-ერთი ყველაზე ხანგრძლივი, უწყვეტი წინააღმდეგობის და გამძლეობის მაგალითი შექმნა. მაგრამ მცდარი იქნებოდა ამ პროცესის ახალი იდენტობის ფორმირებით განსაზღვრა... პირიქით, უმრავლესობისთვის ის საკუთარი იდენტობის დაცვისა და კულტურულ საწყისებთან დაბრუნების მცდელობასთან უფრო ასოცირდება, რომელიც საქართველოს გასაბჭოებამ, თითქმის ერთი საუკუნით შეაფერხა.

2024 წლის საპარლამენტო არჩევნების შემდეგ გამარჯვებულად გამოცხადებული პარტიის პრემიერ-მინისტრის განცხადებამ ევროკავშირში გაწევრიანების შეწყვეტის თაობაზე, საქართველოს გარდა, აბრეშუმის გზის შუა კორიდორზეც დიდი გავლენა იქონია. დასავლეთმა ალტერნატიული სატრანზიტო გზების ძებნა დაიწყო, რამაც სომხეთ-აზერბაიჯანს შორის 30 წლით გაყინული კონფლიქტის მშვიდობიანი მოგვარება

და ევროკავშირთან ეკონომიკური თანამშრომლობის მოდელებზე მოლაპარაკებების დაწყებას შეუწყო ხელი.

მშვიდობა - „ქართული ოცნების“ მთავარი საარჩევნო ლოზუნგი იყო. მაგრამ ევროპარლამენტმა სახაროვის პრემია მზია ამადლობელს გადასცა. მედია-მენეჯერს, რომელიც დამოუკიდებელი საქართველოს ისტორიაში პირველი პატიმარი ქალი ჟურნალისტი გახდა. საერთაშორისო დიპლომატები და ადგილობრივი პუბლიკა ერთხმად საუბრობენ ჰიბრიდულ ანექსიაზე და მედიისა და სიტყვის თავისუფლების შემზღვეველ ახლებურ მეთოდებზე... და, მიუხედავად იმისა, რომ ქვეყნის სათავეში მყოფი პოლიტიკური ძალა ბრალდებას უარყოფს და მის ევროპულ ინსპირაციებს ამტკიცებს, შემდგარი ფაქტია, რომ 16 ოქტომბერს ქვეყანაში ოფიციალური ვიზიტით მყოფი ეუთოს თავმჯდომარე და ფინეთის საგარეო საქმეთა მინისტრი - ელინა ვალტონენი გზის გადაკეტვის ბრალდებით 5 ათასი ლარით დააჯარიმეს. თუმცა ესეც მსუბუქ სასჯელად შეიძლება ჩაითვალოს, თუ იგივე აქტს, გამეორების შემთხვევაში, სისხლის სამართლის დანაშაულთან გაიგივებას შევადარებთ.

დახურვის საფრთხის წინაშე დგას თითქმის ყველა მცირე გამოცემა, რომლებმაც ცალკე კამპანია კი გამართეს სახელწოდებით - სინათლე არ უნდა ჩაქრეს. უკვე დაიხურა ერთ-ერთი მთავარი ოპოზიციური არხი - მთავარი და კიდევ ორი, ტვ პირველი და ფორმულა მუდმივი ფინანსური და სამართლებრივი რისკის ქვეშ იმყოფება.

ბევრი რომ არ გამიგრძელდეს, ეს წიგნი ამ ერთი წლის განმავლობაში მედია საშუალებებით და უშუალოდ მონაწილე ადამიანების სოციალური გვერდებით გავრცელებული მასალების სისტემატიზაციით შექმნილი საარქივო ინსტალაციის მხოლოდ მცირე ნაწილია, რომელიც მკითხველს პოლიტიკური პროტესტის არსისა და მისი ქალური სახის შექმნის ქრონოლოგიურ და სუბიექტურ გააზრებას სთავაზობს. თავისდაუნებურად „მაროს შვილები“ იმ გლობალურ ფენომენსაც ეხმიანება, რომელსაც უკვე წლებია ვხედავთ ირანში, ბელარუსში, ვენესუელაში... და რომელშიც, საქართველოსაც განუზომელი წვლილი შეაქვს.

არქივიც ხმამაღალი ნათქვამია. „მაროს შვილებს“ ქრონიკა უფრო შეიძლება ეწოდოს, რადგან იმ გაფართოებული ვერსიის მიღმაც უამრავი ადამიანის სახელია დარჩენილი, რომელთა გარეშეც ამ თავგანწირულ წინააღმდეგობაზე საუბარიც კი უბრალოდ წარმოუდგენელი იქნებოდა.

უნდა ითქვას, რომ ქართველი ქალების სამაგალითო ბრძოლის მიუხედავად, ეს არ არის ამ ხალხის იდეალიზაციის მცდელობა. დადგება დრო, როდესაც საქართველოში განვითარებული მოვლენების დეტალური ანალიზი გახდება საჭირო. მაგრამ ეს დეტალები კოლექტიური მეხსიერების ნაკადში და სოციალური ქსელების უწყვეტ ფილში იქნება დაკარგული ისე, რომ შეიძლება თავად ავტორმაც ვერ გაიხსენოს მათი არსებობა. მედია-ორგანიზაციების დახურვის მცდელობაზეც რომ თავიდან აღარ ვილაპარაკოთ, რაც გამოქვეყნებული მასალების ქსელიდან გაქრობას გამოიწვევდა. სამწუხაროდ, უკვე არსებობს ამის მაგალითები...

მეხსიერების გაქრობა - სწორედ ამაზე ვლელავდი, როდესაც ნამუშევარს „მაროს შვილები“ ვუწოდებ... მარო, საქართველოში საკმაოდ გავლენიან და უხრუნველყოფილ ოჯახში დაბადებული ახალგაზრდა გოგოს სახელია, რომელიც 1921 წელს თბილისთან მოახლოებულ წითელ არმიასთან მებრძოლთა რიგებს შეუერთდა. სამწუხაროდ, 19 წლის მედლა - მარო მაყაშვილი, ბრძოლის დაწყებიდან მეორე დღესვე აფეთქებულმა ყუმბარამ იმსხვერპლა. ხოლო საბჭოთა ოკუპაციის შემდეგ მისი და მისი თანამებრძოლების სახელის ხსენებაც კი აიკრძალა და სასტიკ დევნას დაექვემდებარა ყველაფერი, რასაც მეხსიერების ფრაგმენტული გაცოცხლება მაინც შეეძლო. მხოლოდ ათწლეულების შემდეგ, 2015 წელს, მარო მაყაშვილს პირველი ქალი ეროვნული გმირის წოდება მიენიჭა. ხოლო მისი სახელი პოლიტიკური წინააღმდეგობის ერთ-ერთ სიმბოლოდ იქცა. მაგრამ კიდევ უფრო სიმბოლური ისაა, რომ დღეს ამ პროტესტის ეპიცენტრი ზუსტად იქაა, სადაც მარო მაყაშვილის ნეშტი იყო დაკრძალული - საქართველოს პარლამენტის შენობის კიბეებთან, რომელიც რუსული სამხედრო ეკლესიის ნანგრევებზეა აშენებული...

მეშინოდა, უწყვეტი პროტესტი ენერგეტიკულად მარცხთან არ დამეკავშირებინა, მაგრამ, მასში ჩართული აბსოლუტური უმრავლესობის აზრით, ის, რაც ეხლა საქართველოში ხდება, ასი წლის წინ დაწყებული ამბის პირდაპირი გაგრძელება და შემდეგი თავია. როგორც უკვე აღვნიშნე, ეს ნამუშევარი პროტესტში ჩართული ქალების ინდივიდუალური ან ჯგუფური საპროტესტო აქტებით და გამოცდილებით მოვლენების თანმიმდევრული და პირველ პირში მოყოლილი ამბის გააზრებასთან ერთად, იმ ცალკეული მაგალითების შენახვის მცდელობაცაა, რითიც თავად ისტორია იწერება.

რაც არ უნდა სენტიმენტალურად ჩანდეს, დასასრულს ერთი მნიშვნელოვანი დეტალი უნდა დავამატო, რამაც ამ ნამუშევრის ბოლომდე მიყვანის მთავარი ინსპირაცია მომცა. მიუხედავად ზემოთ თქმულისა, პირველ რიგში „მაროს შვილები“ არც ქალთა წინააღმდეგ ძალადობაზე, არც სიტყვის თავისუფლების შეზღუდვაზე და არც თვითგამორკვევის პროცესზეა. ჩემთვის ამ ნამუშევარზე მუშაობის მთავარი მოტივატორი ჩემი შვილი - ვივიენი იყო, რომლისთვისაც მინდოდა ცოცხალი მაგალითებით მეჩვენებინა, თუ რა წინააღმდეგობებს შეიძლება შეხვდეს ის საკუთარ ბრძოლაში, რომელიც ყველა ადამიანს აქვს გადასატანი და მიუხედავად ყველაფრისა, როგორი შემართებით უნდა შეხვდეს შესაძლო გამოწვევებს.

იმედია, „მაროს შვილებში“ დაარქივებული ინტერვიუები და პირადი ჩანაწერები მომავალში სხვა მკვლევარებსაც გაუადვილებს შრომას და ხელს შეუწყობს განვითარებული მოვლენების ინტერპრეტაციაში.

დეა მამისეიშვილის კომენტარი  
საქართველოს საპარლამენტო  
არჩევნებზე / 2024 წ.  
მთავარი არხის ეთერი

უწყვეტი პროტესტი ქუჩაში და დროსა და კონტექსტს მოწყვეტილი „ქართული ოცნება“, რომელიც ეგრედ წოდებულ პარლამენტში შესაკრებად ემზადება. იმ ეგრედ წოდებულ პარლამენტში, სადაც მხოლოდ 89 სკამი შეივსება და ყველა „ოცნების“ მიერ. არჩევნებიდან ერთი თვე მიილია და ე.წ. ხელისუფლებისთვის ევროპიდან მიმლოცველი არავინ გამოჩნდა. ბოდიში, ერთი გამოჩნდა, ისიც ვითომ ევროპელი, პუტინის მეგობარი ორბანი. ქუჩაში გასულ ახალგაზრდებს ისევ გომელაურის პოლიციელები დასდევენ, ძალადობენ და აკავებენ. ისევ ცნობილ ციკლს მიჰყვება ეს საოცნებო ქვეყანა. ასეა, როდესაც მუნდირზე დიდი ფასი შენთვის ერთი აშლილ-მოშლილი კაცის სიტყვას აქვს, იქ ფეხქვეშ ყველას და ყველაფერს თელავ. შუბლზეც ძარღვი ერთხელ თუ გაწყდა, აღარ მთელდება და სულ იმ წითელ ხაზს მიღმა მოქმედებს, რომელიც გადალახა.

შუბლის ძარღვზე გამახსენდა. მას შემდეგ რაც ყველა გამოკითხეს, ვისაც არ ეხებოდა, ბოლოს პროკურატურამ ცეცხლს თავმჯდომარე – კალანდარიშვილი მიიხმო. მისვლა დაგვიმალეს და გამოსვლის დროს კი, ცეცხლს გიორგი გაიქცა. კალანდარიშვილი პროკურატურიდან მიიშალა. რომელი გასასვლელით არ ვიცით. მაგრამ ჟურნალისტების თვალს რომ მიეფარა, ეგ შემდგარი ფაქტია. აბა მართალი კაცები არ გარბიანო? დღეს და ერთხელ კარგი, მაგრამ ზოგადად თვალს რომ მოეფაროთ, გაგიჭირდებათ ბატონო გიორგი. ოცნების ბევრი წევრისგან განსხვავებით, თქვენ სიმბოლოც გაქვთ... კი არაა ხართ, შავი ლაქა.

მთლად ურიგო არ უნდა იყოს არა? ოცნების რამდენი ჯარისკაცი უძეგლოდ დაიკარგა და თქვენი სახელობის დროშებიც კი შეიქმნა.

და ბოლოს, თბილისის სახელმწიფო უნივერსიტეტს ისევ სპეცრაზმი შეესია. რა თქმა უნდა სწავლა-განათლებისთვის არა. იქ მყოფი სტუდენტ-ახალგაზრდობის დასაშლელად და ტერიტორიის მოსასუფთავებლად. ამ უნივერსიტეტს შეიარაღებული ბანდ-ფორმირებების კარმა, შორეული წლებიდან მოჰყვება და გამონაკლისი არც 21-ე საუკუნე და ქვეყნის ეგრედ წოდებული მმართველი – რუსი ივანიშვილია. ეს ღამის მთავარია და მე დეა მამისეიშვილი.

ვსაუბრობთ საქართველოზე, რომელიც იბრძვის.

ანნა გოგოლაძის ინტერვიუ  
ქალთა მარშიდან  
მთავარი არხის ეთერი

უკანასკნელი სამი წლის განმავლობაში, მარტო სამი წელი რომ ავიღოთ რეალურად, 160 ათასმა ქალმა დატოვა ქვეყანა, რაც ნიშნავს იმას, რომ ასი ათასობით ბავშვი ამ ქვეყანაში იზრდება დედის გარეშე. ყველაზე მძიმედ თუ ვინმეს შეეხო ავტორიტარული რეჟიმი, ბოლო 12 წლის განმავლობაში, ეკონომიკური სიღუბნით, უსამართლობა, დემოკრატიის არქონა – ესენი იყვნენ ქალები და ბავშვები, რომლებიც აქ დატოვეს რეალურად.

ერთადერთი ალტერნატივა, რომელიც ბიძინა ივანიშვილმა ჯერ კიდევ აპრილში დაგვიანონსა, მაშინ როდესაც გვითხრა, რომ არჩევნებს წაგვართმევდა და არჩევნების წართმევასთან ერთად, სამშობლოს წაგვართმევდა – გვითხრა რომ იყო მხოლოდ ემიგრაცია. და დღეს გვთავაზობს ამას... ემიგრაციას გვთავაზობს მათ, ვისაც არ გვინდა რუსეთში ცხოვრება და მათ, ვისაც არ გვინდა უპერსპექტივო ქვეყანაში ცხოვრება. ყოველთვის საქართველოში ბრძოლის მთავარი ხაზი და ძირითადი ხაზი, გადიოდა მეზობლო ქართველ ქალებზე. და აი ამ მოძრაობის სათავეშიც აუცილებლად, იყვნენ, არიან და ვიქნებით ქალები. მნიშვნელოვანია, რომ დღეს ბიძინა ივანიშვილს ქვეყანა ჰყავს ჩიხში შეყვანილი და ამ ჩიხიდან ერთადერთი გამოსავლი არის მოძრაობა ცვლილებებისთვის და მოძრაობა ცვლილებებისკენ. თუ რამე უნდა დღეს „ქართულ ოცნებას“ ეს არის ამ მოძრაობის გაჩერება. უნდა გვახსოვდეს, რომ ეს მოძრაობა არ გაჩერდება მანამ, სანამ ახალი არჩევნები ამ ქვეყანაში არ ჩატარდება



ქალთა მარშის მიერ ორგანიზებული ცარიელი ჩანთების პერფორმანსი ივანიშვილის სასახლესთან  
ფოტო: ვახო ქარელი/აპრილი მედია

*ახლად დანიშნული პრემიერ მინისტრის - ირაკლი კობახიძის გამოსვლის სრული ტექსტი, ევროკავშირთან მოლაპარაკებების შეჩერების თაობაზე*

საქართველო არის ევროპული ქვეყანა, რომლისთვისაც ორგანული და ძვირფასია ტრადიციული ევროპული ღირებულებები. როგორც უძველესი ქრისტიანული ქვეყანა, საქართველო ყოველთვის იყურებოდა ევროპისკენ, როგორც ქრისტიანობის დაცვის მთავარი ბასტიონისკენ. ჩვენ ვართ ილია ჭავჭავაძისა და ვაჟა-ფშაველას ქვეყანა, რომლებმაც ევროპული ღირებულებები ქართული სამოქალაქო აზროვნების ლაიტმოტივად აქციეს.

ჩვენი პასუხისმგებლობაა საქართველოს ისტორიისა და ჩვენი დიდი წინაპრების წინაშე, საქართველო ევროპული ოჯახის სრულფასოვან წევრად ვაქციოთ. შესაბამისად, ჩვენი სახელმწიფოებრივი ამოცანაა, საქართველო 2030 წელს გახდეს ევროკავშირის წევრი ქვეყანა, რისთვისაც ძალისხმევას არ დავიშურებთ.

საზგასმით უნდა აღინიშნოს, რომ საქართველო-ევროკავშირის ურთიერთობები, თავისი შინაარსით, ორმხრივია და მხოლოდ ორმხრივი შეიძლება იყოს. ჩვენ ვართ ამაყი და თავმოყვარე ერი დიდი ისტორიით. შესაბამისად, ჩვენთვის კატეგორიულად მიუღებელია, ევროკავშირში ინტეგრაცია განვიხილოთ როგორც მოწყალეობა, რომელიც ევროკავშირმა ჩვენთვის უნდა გაიღოს. მეტიც, მიგვაჩნია, რომ საქართველოს, თავისი მდიდარი კულტურითა და პოტენციალით, ზუსტად ისევე შეუძლია გაამდიდროს ევროკავშირი, როგორც ევროკავშირს შეუძლია გაამდიდროს საქართველო.

ამ ფონზე, ქართველი ხალხისთვის კატეგორიულად მიუღებელია ევროპული პოლიტიკოსებისა და ბიუროკრატების ნაწილის მცდელობა, საქართველო-ევროკავშირის ურთიერთობები ცალმხრივ მოვლენად წარმოაჩინონ. კიდევ უფრო მიუღებელია შეურაცხყოფების მთელი კასკადი, რომელსაც მთელი ამ წლების განმავლობაში ამ ადამიანებისგან ვისმენთ.

ჩვენი ქვეყნის არაკეთილმოსურნეებმა ევროპარლამენტი აქციეს საქართველოს წინააღმდეგ შანტაჟის შიშველ იარაღად, რაც ევროკავშირის უდიდესი სირცხვილია. ევროპარლამენტმა გასული 3 წლის მანძილზე მიიღო სიცრუითა და შეურაცხყოფით სავსე 5 რეზოლუცია, რომლებიც არათუ ქართულმა საზოგადოებამ, ევროკომისიამ და ევროპულმა საბჭომაც კი არ გაიზიარა.

სრულიად საქართველო იყო საპარლამენტო არჩევნებში ევროპელი პოლიტიკოსებისა და ბიუროკრატების ნაწილის ჩარევის მომსწრე, რაც დემოკრატიული საარჩევნო პრინციპების უხეში დარღვევაა. დღეს კი, იგივე ადამიანები ლეგიტიმურ არჩევნებს თავს ესხმიან. მეტიც, ისინი ზუსტად ისეთივე შემართებით ესხმიან თავს ეუთო/ოდირის არჩევნების შემფასებელ მისიას, რომელმაც არჩევნები კონკურენტულად შეაფასა, როგორც ამას საქართველოში რადიკალური ოპოზიციის ლიდერები აკეთებენ.

ასევე, ვხედავთ, რომ ევროპელი პოლიტიკოსები და ბიუროკრატები გამოყოფილ გრანტებსა და სესხებს საქართველოს წინააღმდეგ შანტაჟისთვის იყენებენ. ყველას გვახსოვს, როგორ გეგმავდნენ 2021 წლის არჩევნებამდე ორიოდ კვირით ადრე საქართველოსთვის 75 მილიონი ევროს მოცულობის სესხის გაუქმებას, რათა ამით არჩევნებზე არალეგიტიმური გავლენა მოეხდინათ. მსგავსი ნაბიჯი გადაიდგა 2024 წლის საპარლამენტო არჩევნების წინაც, თუმცა, ამან ქართველი ხალხის არჩევანზე ვერავითარი გავლენა ვერ იქონია. ფულის შანტაჟისთვის გამოყენებაც არის შეურაცხმყოფელი პრაქტიკა, რომელიც თავმოყვარე ქართველი ხალხისთვის არასოდეს გახდება მისაღები.

ყველას გვახსოვს ისიც, თუ როგორ იქნა გამოყენებული კანდიდატის სტატუსის საკითხი საქართველოს დასაშანტაჟებლად, ქვეყანაში არეულობის შემოსატანად და საზოგადოების გასახლეჩად. უკრაინაში ომის დაწყების ფონზე, იმ დროს, როდესაც საქართველოს ყველაზე მეტად ესაჭიროებოდა სიმშვიდე, ევროპელი პოლიტიკოსებისა და ბიუროკრატების ნაწილმა კანდიდატის სტატუსის თემა ქვეყანაში რევოლუციის მოწყობის მცდელობისთვის გამოიყენა. აღნიშნულ რევოლუციის მცდელობაში ღიად იყვნენ ჩართული ორგანიზაციები, რომლებიც ევროკავშირიდან იღებენ დაფინანსებას. თითქმის 2 წლის განმავლობაში, კანდიდატის სტატუსის თემა გამოიყენებოდა საქართველოში რადიკალიზმისა და ე.წ. პოლარიზაციის გაღვივების მთავარ ინსტრუმენტად, რაც საქართველოს მიმართ არაჯანსაღ დამოკიდებულებაზე კიდევ ერთხელ მეტყველებს.

ახლა კი, ვხედავთ, რომ ამ ადამიანებმა კანდიდატის სტატუსი მოლაპარაკებების გახსნით ჩაანაცვლეს. მოლაპარაკებების გახსნა დღეს ზუსტად ისევე გამოიყენება ჩვენი ქვეყნის დაშანტაჟებისა და საზოგადოების გახლეჩის ინსტრუმენტად, როგორც მანამდე კანდიდატის სტატუსი გამოიყენებოდა. ესეც არის სრულიად ხელოვნური მოვლენა, მით უმეტეს, რომ

მოლაპარაკებების გახსნის თარიღზე გაწევრიანების თარიღი საერთოდ არ არის დამოკიდებული.

მთავარია არა ის, თუ როდის გავხსნით მოლაპარაკებებს, არამედ ის, თუ როდის დავხურავთ მას. როგორც მოგეხსენებათ, საქართველომ უკრაინაზე და მოლდოვაზე გვიან დაიწყო მოლაპარაკებები ასოცირების შეთანხმების ხელმოწერასთან, თავისუფალი ვაჭრობის შეთანხმების გაფორმებასთან და უვიზო რეჟიმის მიღებასთან დაკავშირებით, თუმცა, სამივე შემთხვევაში წარმატებას ამ ქვეყნებზე ადრე ან ამ ქვეყნების თანადროულად მიაღწია. იმასაც შეგახსენებთ, რომ მონტენეგრომ და სერბეთმა, შესაბამისად, 2012 და 2014 წელს გახსნეს მოლაპარაკებები ევროკავშირთან, თუმცა, ამას მათი ევროინტეგრაცია ოდნავადაც არ დაუჩქარებია. თურქეთს კი, ევროკავშირმა 2005 წელს გახსნილი მოლაპარაკებები 2016 წელს, საერთოდაც, შეუწყვიტა.

ტექნიკური თვალსაზრისით, მოლაპარაკებების გახსნიდან ევროკავშირში გაწევრიანებამდე მხოლოდ წელიწადნახევარი - ორი წელიწადი არის საჭირო, 2030 წლამდე კი, ევროკავშირის აღმოსავლეთით გაფართოება არავის აქვს დაგეგმილი. აქედან ჩანს, თუ რამდენად ხელოვნური და შესაბამისად, უკიდურესად შეურაცხმყოფელია ის შანტაჟი, რომელსაც ევროპელი პოლიტიკოსებისა და ბიუროკრატების ნაწილი მოლაპარაკებების გახსნის თემით საქართველოს სახელმწიფოს წინააღმდეგ აწარმოებს.

ამასთან, ამ ფონზე, საქართველოს თხოვენ არა რეფორმებს, არამედ მხოლოდ ისეთ ნაბიჯებს, რომლებიც ღირსებაზე უარის თქმას ნიშნავს. ეს არის „ენჯელების“ გამჭვირვალობის შესახებ კანონის გაუქმება, ლგბტ-პროპაგანდის წინააღმდეგ კანონის გაუქმება, სანქციების დაწესება და საქართველოს ეკონომიკის ჩვენივე ხელით ჩამოშლა, მიხეილ სააკაშვილის განთავისუფლება და სხვ.

ჩვენ მხოლოდ ღირსებით ვივლით წინ ევროკავშირისკენ. ეს არის ქართული საზოგადოების, იმ 1 120 000 ამომრჩევლის დაკვეთა, რომელმაც „ქართულ ოცნებას“ და „ქართული ოცნების“ კურსს მყარი ნდობა გამოუცხადა.

ყოველივე ზემოაღნიშნულის გათვალისწინებით, დღეს მივიღეთ გადაწყვეტილება, 2028 წლის ბოლომდე დღის წესრიგში არ დავაყენოთ ევროკავშირთან მოლაპარაკებების გახსნის საკითხი. ასევე, 2028 წლის ბოლომდე უარს ვამბობთ ყოველგვარ საბიუჯეტო გრანტზე ევროკავშირის მხრიდან.

2028 წლის ბოლო არის ის დრო, როდესაც საქართველო იქნება ეკონომიკური თვალსაზრისით სათანადოდ მომზადებული, რათა გახსნას მოლაპარაკებები 2030 წელს ევროკავშირში გასაწევრიანებლად. ჩვენ არ ვჩერდებით და განვაგრძობთ ასოცირების დღის წესრიგითა და თავისუფალი ვაჭრობის შეთანხმებით გათვალისწინებული ვალდებულებების შესრულებას და როგორც დღეს დამტკიცებულ სამთავრობო პროგრამაშია აღნიშნული, 2028 წლისთვის ამ ვალდებულებების 90 პროცენტზე მეტი გვექნება შესრულებული. ამასთან, ყველა ამ ვალდებულებას შევასრულებთ საკუთარი დაფინანსებით, ევროკავშირის ყოველგვარი ფინანსური დახმარების გარეშე. ჩვენ ვაპირებთ არა მათხოვრობით და ცალ ფეხზე დგომით ევროკავშირში შესვლას, არამედ ევროკავშირში ღირსეულად გაწევრიანებას, გამართული დემოკრატიული სისტემითა და ძლიერი ეკონომიკით.

ჩვენ განვაგრძობთ სვლას ევროკავშირისკენ, თუმცა, არავის მივცემთ საშუალებას, დაგვტოვონ მუდმივი შანტაჟისა და მანიპულაციის რეჟიმში, რაც ჩვენი ქვეყნისა და საზოგადოებისთვის სრულიად შეურაცხმყოფელია. მიგვაჩნია, რომ ჩვენი დღევანდელი გადაწყვეტილება მნიშვნელოვან წვლილს შეიტანს ურთიერთობების გაჯანსაღებაში საქართველოსა და ევროკავშირს შორის. შესაბამის ევროპულ პოლიტიკოსებსა და ბიუროკრატებს, რომლებიც სრულად არიან დაცლილი ევროპული ღირებულებებისგან, ჩვენ მკაფიოდ უნდა დავანახოთ, რომ ისინი საქართველოს არა შანტაჟითა და შეურაცხყოფით, არამედ ღირსეულად უნდა ელაპარაკონ. მოლაპარაკებების განხილვის საკითხის გამოყენება საზოგადოების გახლეჩისა და მანიპულაციის ინსტრუმენტად, ევროკავშირს საქართველოში სერიოზულ რეპუტაციულ ზიანს აყენებს. ჩვენი დღევანდელი გადაწყვეტილება ევროკავშირს ამ რეპუტაციულ ზიანს სამომავლოდ აარიდებს თავიდან.

დასასრულს, კიდევ ერთხელ თამამად გვინდა განვაცხადოთ, რომ 2030 წლისთვის საქართველო ყველა კანდიდატ ქვეყანაზე მეტად იქნება მზად ევროკავშირში გასაწევრიანებლად. საქართველო მხოლოდ მშვიდობით, ღირსებით და კეთილდღეობით გახდება ევროკავშირის წევრი სახელმწიფო. ეს არის ჩვენი დაპირება ქართველი ხალხის მიმართ, რომელსაც აუცილებლად შევასრულებთ.

მოქალაქეთა პროტესტი  
“ქართული ოცნების” შტაბთან  
სოფიო შამანიდის კომენტარი  
ევრო-ინტეგრაციის შეჩერებაზე  
მთავარი არხის ეთერი

რეალურად ჩვენ ყველამ ვიცოდით რომ აქეთ მიდიოდა ქართული ოცნება. სამწუხაროდ ქართული ოცნების მხარდამჭერები ამას უარყოფდნენ და იძახდნენ, რომ არა, აი ჩვენ ორ ფეხზე და ღირსებით... აი ეხლა ორ ფეხზე და ღირსებით, მიბრძანდით რუსეთში, ქართული ოცნების მხარდამჭერებო.

იმიტომ, რომ ის რაც ეხლა თქვენ გამოგიცხადათ რუსმა ირაკლი კობახიძემ, და ის, რომ პუტინმა მას მიულოცა და მოუწონა ეს... იქნებ ეხლა მაინც ცოტათი გაანძროთ ტვინი და მიხვდეთ საით მიჰყავხართ ქართულ ოცნებას.

არ ვიცი, რავიცი აი ამაზე მეტი რა უნდა ქნას. დანარჩენი ეხლა დარჩა, რომ რუსის ჯარი შემოიყვანოს, თორემ ყველაფერი იკადრა ივანიშვილმა აი ამ თავის მაჯლაჯუნებით

წარმოუდგენელია მართლა რა გვაკადრა. გადაიხია კონსტიტუცია თავზე. 78-ე მუხლი წაიკითხოს. უგულუბელყო საქართველოს მოსახლეობის 85% -ს სურვილი ევროინტეგრაციისა. არაფერი არ აინტერესებთ, ამათ აინტერესებთ მარტო ფულის კეთება.

ესენი არიან ბიძინა ივანიშვილის ფულის მცველები. როგორც გრალს, ისე იცავენ ბიძინა ივანიშვილის ფულს. მეტი ამათ არაფერი არ აინტერესებთ. აქამდე გვეგონა მარტო ბიძინას მონები არიან, ეხლა აღმოჩნდა, რომ პირდაპირ პუტინის მონები არიან. დუგინი ულოცავს, კაი სპორტსმენიაო კობახიძე – დღეს ვნახეთ და რა ვიცი მეტი რაღა უნდა მოხდეს, მართლა არ ვიცი



## ფიცი ვის წინაშე დადეთ?

*პრეზიდენტი სალომე ზურაბიშვილი თავისუფლების მოედანზე განლაგებულ სვეტრაზმს მიმართავს ფორმულას ეთერი*

თქვენი მოვალეობა არის, რომ დაიცვათ ამ ქვეყნის სახელმწიფოებრიობა. დაიცვათ მოქალაქეები. თქვენი მოვალეობა არ არის, რომ დაშალოთ ხალხი. რუსეთს ემსახურებით თუ საქართველოს? ფიცი ვის წინაშე დადეთ? მაინტერესებს პასუხი... თქვენ პრეზიდენტს არ პასუხობთ? შეიძლება ჩამოწიოთ?... არ პასუხობთ თქვენ პრეზიდენტს?.. თქვენს მომავალზე არ ფიქრობთ ხომ? არც ქვეყნის, არც შვილების? ისარგებლეთ შემთხვევით, სანამ რუსი პრეზიდენტი არ გეყოლებათ...



29 ნოემ / 2024

## ძლივს გამოვიხედე თვალებიდან

*ანა მდივანი აღწერს წყლის ჭავლის ეფექტს, სასწრაფო დახმარების მანქანიდან ტვ ჰირველის ეთერი*

ვაშუქებდით ამ მოვლენებს, რა დროსაც წყლის ჭავლის მანქანა წამოვიდა ჩვენსკენ და მთლიანად სახეში შემესხა... ოცი წუთია სასწრაფო დახმარების მანქანაში ვარ და ძლივს გამოვიხედე ეხლა თვალებიდან. მე გამიშუქებია სხვა ბევრი აქცია, გამოუყენებიათ წიწაკის სპრეი, მაგრამ ის, რასაც ეხლა იყენებენ წარმოუდგენელია. სპაზმური შეტევაა მქონდა, არ შემეძლო სუნთქვა. აი გუბნებით, ოცი წუთია ვზივარ მანქანაში... დამწვრობა მაქვს, მეწვის ყველაფერი სადაც მომხვდა ეს წყალი. თვალები მეწვის, სახე მთლიანად მეწვის. თვალებიდან ვერ ვიხედებოდი. მე ნამდვილად არ ვიცი რა არის შიგნით შერეული ამ ხსნარში, ამ წყალში, მაგრამ არის წარმოუდგენელი... უბრალოდ ვერ სუნთქავს ადამიანი... არ ვიცი რა არის, ამაზე პასუხი უნდა გასცეს ალბათ შინაგან საქმეთა სამინისტრომ.

შშმ უფლებათა აქტივისტი -  
ანნა სიხაშვილი საუბრობს  
საპოლიციო ძალების ფონზე  
წყარო: ნეტგაზეთი

გადაწყვეტილება, რომ შეაჩეროს ევროპასთან ინტეგრაცია, არის მომაკვდინებელი. სხვათაშორის, მინდა გითხრათ, რომ ქვეყანა აუცილებლად გადარჩება იმიტომ, რომ ჩვენ გადავარჩენთ, ჩვენ არ დავუშვებთ ამას, რომ ეს ასე მოხდეს, მაგრამ „ქართული ოცნების“ თვითმკვლელობა ნამდვილად იყო, რაც გააკეთეს დღეს.

მე რატომ მოვედი? მე მოვედი იმიტომ, რომ უნდა ვაჩვენოთ, კიდევ ერთხელ ძალიან მკაფიო არა უნდა ვუთხრათ რუსეთს იმიტომ, რომ ქვეყანა არ უნდა გავატანოთ. ეს ქვეყანა მოიტანეს ჩვენმა წინაპრიბმა, ძალიან ბევრი სისხლი დაიღვარა და არ შეიძლება, რომ დავუშვათ ამ ქვეყნის მკვლელობა. არ შეიძლება დავუშვათ ამ ქვეყნის მკვლელობა ისევ ქართველების ხელით იმიტომ, რომ ჩემს უკან სპეცრაზმი თუ პოლიცია, რაც დგას აქ ხო, ვინც დგას... დგანან... ესენიც ქართველები არიან და ამათ გადაწყვიტეს, რომ ჩვენი სახელმწიფო მოკლან



გურამ როგავას გადაღებული  
სელოფი ჰოსპიტალიდან, მასზე  
სპეცრაზმელის თავდასხმის შემდეგ

სოფიო ხუნწარია მოითხოვს  
ღია ეთერს და მოვლენების  
სამართლიან გაშუქებას  
საზოგადოებრივი მაუწყებლისგან  
პირველი არხის ეთერი

- გუშინ ჩვენს შვილებს რომ კლავდნენ, მაგ ფორმაზე  
მელაპარაკები? რომელ ფორმაზე მელაპარაკები? სად  
იყავი ჩვენს შვილებს რომ კლავდნენ, რატო არ იყავი  
აქციაზე, რატომ არ გამოხვედი, მითხარი? მე, როგორც  
ჟურნალისტი თუ იქ ვდგავარ დიდიდან დამემდე და ჩემს  
შვილებს ვიცავ, ოღონდ ჩემსას კი არა, ყველას შვილს...  
თქვენ სად იყავით, გამაგებინეთ?

- ვაშუქებდით... – ვასილ მალაფერიძე

- რას აშუქებდით? პაპუაშვილი რომ გეჯდათ  
პარალელურად გუშინწინ... პარალელურად პაპუაშვილი  
რომ გვატყუებდა დარბევის დროს რაღაცეებს, რაზე  
მელაპარაკები საერთოდ? რომელ სიმართლეზე, რა  
გაცინებს ვასიკო? - სოფო ხუნწარია

- სიმწარე მაცინებს

- მეც სიმწარე მაყვინებს, ვასიკო

- თქვენ გგონიათ რომ ადამიანის შეურაცხყოფით და  
ბულინგით გამოხატავთ...

- რომელი შეურაცხყოფით და ბულინგით... მათხოვე  
ერთი ეს... გურამ როგავა მომეცით – წინა დამით განზრახ  
დაზიანებული ჟურნალისტის, გურამ როგავას ფოტოს  
ითხოვს – ესენი არიან ჟურნალისტები. ესენი და აი ამათი  
დარბევის პარალელურად...

- ჩვენი რატო არ მოიტანე? ფოტო, რატო არ მოიტანე?  
ძალიან მომეწონებოდა – თინა ბერძენიშვილი

- თინა, მე ვილაპარაკე პირდაპირ ეთერში დღეს.  
გადაახვიე და ნახე სად ვილაპარაკე და როგორ  
ვილაპარაკე...

- ჟურნალისტს და ოპერატორს და მემონტაჟეს... მე  
შემეხე, ამათ არ შეეხო... – თინა ბერძენიშვილი

- ნუ გადაგაქვს ლაპარაკი სხვაგან იმიტომ, რომ მე არ  
ვეხები არც ჟურნალისტს, არც ოპერატორს და არც  
მემონტაჟეს. ისინი არიან ჩვენი კოლეგები... - ...ეხლა  
ჯობია შეხვიდეთ და გადაცემა გააკეთოთ – სოფიო  
ხუნწარია



ნინო ლაღიძე მოპოვებული ღია  
ეთერიდან საუბრობს პროტესტზე  
და მის მიზეზებზე  
პირველი არხის ეთერი

## იციტ რა არის კარგი სახელმწიფო?

მე იქ ასი ათას კაცთან ერთად ვდგევარ და მაინც მეუბნებიან, რომ ცოტანი ხართ... არასაკმარისი ხართ, თურმე. იციტ, რა არის კარგი სახელმწიფო? მე რომ ვდგავარ მარტო და ჩემი ხმა ისმის მთელ ქვეყანაზე, აი ეს არის კარგი სახელმწიფო... მე ამ სახელმწიფოს ვერ ვეღირსე ამ ქვეყანაში ვერასოდეს. ყოველთვის, როდესაც მივდიოდი და ვამბობდი მართალ სიტყვას, ისევე მესეოდნენ ტურები, როგორც დღეს ფოიეში შემომესივნენ ეს ტურები, რომ თურმე მე ვარ ცუდი და თურმე მე ვილაცას რუსი ვეძახე...

მე ხალხს შევპირდი ვთქვა სამი რამ ამ სტუდიიდან: თუ თქვენ გეშინიათ და აუცილებლად შეგეშინდებათ... ყველა პოლიციელს უნდა ეშინოდეს მისი შვილის ამ ქვეყანაში... იმიტომ, რომ სწორედ მათ შვილებს ყველაზე მეტად გამოიყენებენ ამ სიბინძურეში... მათი შვილები იქნებიან ყველაზე მთავარი საშანტაჟე ინსტრუმენტი მათ მომავალში, იმიტომ, რომ დამპალია ეს რუსული სისტემა, რომელშიც ვცხოვრობთ და ვერასოდეს ვერ გამოვედით აქედან...



## დაწიეთ კამერები!

სპეცრაზმი თავს ესხმის  
ჟურნალისტებს წიწაკის სპრეით  
მთავარი არხის ეთერი

- თქვენ ეხლა კადრში ხედავთ, აი ეს შავ-ნიღბიანი...  
ხელი გაუშვი... ხელი გაუშვი... ნორმალურად იყავი და  
ხელს ნუ მირტყამ... ხელს ნუ მირტყამ... ძალიან ბევრი  
მოქალაქე დააკავეს და ეხლა მედიასაც გვიშლიან აქ  
მუშაობას... გვეჯიკავებიან და... ნორმალურად... გადაიღე  
ეს ადამიანები... გვაგინებენ ჩვენც იმიტომ, რომ არ  
უნდათ რო გადავიღოთ როგორ აკავებენ და რა ძალის  
გამოყენებით აკავებენ ადამიანებს, რომლებიც აქ –  
შეჯიხვოს ქუჩაზე იდგნენ. აქეთ რომ გადაიღო შეგიძლია?  
ძალიან ბევრნი არიან...

- კამერები დაწიეთ!

- ჩვენს მოვალეობას ვასრულებთ და შეგიძლიათ  
გახვიდეთ აქედან

- დაწიეთ კამერები!

- ჩვენს მოვალეობას ვასრულებთ და აქედან გადით...  
იგინებიან...

- გადი მაქედან, ნუ უშლი ხელს

- ბალუ, ამ გოგოს გადაუღე, როგორ ექცევიან... მოქალაქეა,  
რომლის მეგობარიც დააკავეს და შიგნით შეათრიეს...  
ჩვენც, მედიის წარმომადგენლებსაც გვექცევიან  
აგრესიულად იმიტომ, რომ არ სურდათ გადაგვეღო ის  
კადრები, რომლებიც იყო ცოტა ხნის წინ პირდაპირ  
ეთერში...



პირდაპირი ეთერის დროს, მძიმედ  
დამავებული ჟურნალისტი -  
მარიამ გაფრინდაშვილი  
ტვ პირველის ეთერი

მოქალაქე საუბრობს დენის და  
თავდასხმის მეთოდებზე  
ფორმულას ეთერი

ყელში წამიჭირეს, როგორ მაგინეს, უბრალოდ ვერ  
წარმოიდგენ რა გააკეთეს. აბსოლუტურ შოკში ვარ, ეს...  
ეს... ეს... ეს... თავს ვაფარებდი ჩვეულებრივად, გაგვიხსნეს  
კარები, საკმაოდ ბევრნი, მაგრამ ვერც მოვასწარით სხვები  
შემოგვეყვანა იმიტომ, რომ გვივარდუოდნენ კარებში და  
გვირტყავდნენ. არ ვიცი ეხლა არ მინდა რომ პირდაპირ  
ეთერში ის უზრდელური სიტყვები ვთქვა. როგორც  
მაგინეს როგორც მირტყეს თავში, გამზრდელიც... თქვენ  
ვის გამზრდელს უნდა შეუხოთ...

თქვენ ეხლა ორ მეტრიანი ვაჟკაცები... ვაჟკაცები კი არა,  
არაკაცები რო იყავით... უბრალოდ რო შეგეძლოთ რო  
ქალზე ხელი აგეწიათ და თქვენი ძალის დემონსტრირება  
მოგეხდინათ... თქვენი უღირსება დამტკიცდა იმით,  
რომ ყელში წამიჭირეთ, მირტყით, მაგინეთ, წიხლი  
ამომარტყით, ძალიან შოკში ვარ, ძალიან ვცდილობ რომ  
ამხელა აგრესია შევიკავო.

ვინც ჩვენ შემოვასწარით... ცდილობდნენ რომ გაეღოთ  
ეს კარები, თუმცა ჩვენც ბევრნი ვიყავით და უკნიდან  
ვანჭებოდით, შესაბამისად შევძელით რო დაგვეკეტა ეს  
კარები... იცი რა მიქნეს? მირტყეს ტანში, ხელში, თავში...



## დასისხლიანებული ხალხი ნახე?

დეა მამისეიშვილი მიმართავს  
პოლიციის დეპარტამენტის  
მოადგილეს - სერგი ბზიშვილს  
მთავარი არხის ეთერი

- სერგი, ეს პროპორციული ძალაა? მითხარი რა ხდება  
რუსთაველის გამზირზე? - დეა მამისეიშვილი

- არაფერი არ ხდება - სერგი ბზიშვილი

- დასისხლიანებული ხალხი სერგი, ვერ ნახე?


- არაფერი არ ხდება

- რის ან ვის სამსახურში ხარ, გამაგებინე? სერგი,  
ვის სამსახურში ხარ? სერგი, ვის ბრძანებას იცავთ?  
დასისხლიანებული ხალხის კადრები ნახე, თუ ტელეფონი  
არ გაქვთ და მხოლოდ რაცია გაქვთ? დასისხლიანებული  
ხალხის კადრები ნახეთ, სახეში რომ ურტყამენ? სახეში  
რომ ურტყამენ... სერგი, რაზეც არ გინდათ პასუხი, არა  
გაქვთ... სერგი ბზიშვილი იყო ეს...

დემონსტრანტი ბარიკალებზე  
ფოტო: გურამ მურადოვი








ქართლის დედა ეხვევა სასტიკად  
ნაცემ - ზვიად მაისაშვილს  
ავტორი: ეკატერინე კატო ბუეიშვილი

დემონსტრანტის თავით ფეხბურთის მოთამაშე  
სპეცრაზმელების ეს ვიდეო ამონარიდი, საერთო სიტუაციის  
საილუსტრაციოდაა მოყვანილი | ვიდეო: თონა ჭალიძე



67f60

un

2023/09/01

10/10/2023

30 ნოემ / 2024

---

დექსა არ გამიკეთოთ, ალერგიული  
ვარ - იწერს ქალი ხელზე  
დემონსტრაციაზე გასვლამდე  
ფოტო: ინგა აბიგლუკოზა

ბარიკადებზე მარტო მდგომი მანანა სამხარაძე, სპეცრაზმელებს მიმართავს. ორი დღის შემდეგ, მის მუუღლეს - ანტონ ჩეჩინს, პოლიცია დიდი ოდენობით ნარკოტიკების შენახვის ბრალდებით დააკავებს. ტვ პირველის ეთერი

- ბარიკადების მიღმა არის გოგონა, რომელიც სპეცრაზმს მიმართავდა წყლან... რა გინდოდათ გეთქვათ, თქვენი ხმა ახლა მთელ საქართველოს ესმის?

- ჩემი ხმა არის ის, რომ დაფიქრდეთ, ჩაიხედეთ გულებში, გაიხსენეთ, რომ ჩვენ ერთნი ვართ, ჩვენ ვართ ძმები, მეგობრები. მაგრამ ასე ძმებს არ ექცვიან, მტრებს არ ექცვიან ასე. ქართველი ქართველს არ უნდა ექცეოდეს მსგავსად.

- დიდი მადლობა, საკმაოდ ემოციურ მიმართვას მოუსმინეთ ახლა მთელმა საქართველომ პირდაპირ ეთერში. ეს არის გოგონა, რომელიც დგას ბარიკადების მიღმა. ერთადერთი გოგონა შემორჩა იმიტომ, რომ აქ ცოტა ხნის წინ გაუშვეს მხუთავი აირი და შეუძლებელი იყო ინგა, ფაქტიურად დგომა.



ორი შვილის დედა მთავარი არხის ეთერი

შეუძლებელია სახლში გაჩერება

ბოლო რამდენიმე დღეა ფაქტიურად ვარ ქუჩაში. ძალიან მინდა ჩემი საქმით ვიყო დაკავებული. ორი შვილის დედა ვარ და ძალიან მინდა რომ ჩემს შვილებთან ერთად ვიყო ეხლა სახლში... მაგრამ როგორც ყველამ დავინახეთ ბოლო დღეებში მოვლენები უკვე იმ დონეზე განვითარდა, რომ არათუ ხმა არ დაგვიტოვებს, არაფრის უფლება არ დაგვიტოვებს, კონსტიტუციაც თავზე დაგვანჩის. და აბსოლუტურად ყველა ადამიანური უფლება ფეხქვეშ გაგვითელეს. ყველანაერი ღირსება, ყველაფერს გადააბიჯეს. ყველანაერი ღირებულებები, იქნება ეს

ქრისტიანული, მოქალაქეობრივი, ადამიანური... არ ვიცი ჩემთვის შეუძლებელია ეხლა ვიყო სახლში და ეკრანზე ვუყურო ჩემი შვილების ტოლ ან ჩემი მშობლების ტოლ ადამიანებს როგორ უსწორდებიან ქუჩებში. მე პირადად ევროპაში ვსწავლობდი. ვიცი რა არის ევროპა და ძალიან მინდა საქართველო მალე ვიხილო ევროკავშირის წევრად, რადგან ჩვენ ეს ისტორიული არჩევანი გავაკეთეთ თავის დროზე და ვერც წარმომიდგენია სხვანაერად როგორ უნდა გავაგრძელოთ გზა.

2 დეკ / 2024

## შვილების და შვილიშვილებისთვის

ხნიერი ქალი პროტესტიდან მთავარი არხის ეთერი

თავისთავად ცხადია, ჩვენ არ დავთმობთ ჩვენს ქვეყანას. ამდენი საუკუნეა ვებრძვით ამ რუსებს და ვერ მოვიშორეთ. რა თქმა უნდა ახლა, როცა მივალწიეთ დამოუკიდებლობას, არ დავთმობთ, რომ დაგვიჯდეს სისხლის ფასად.

მე ახლა უკვე დავბერდი, წამსვლელი ვარ. ჩემი შვილებისა და შვილიშვილებისა და თაობების გამო ვდგევარ, შვილო. გავიმარჯვებთ, არ შეგეშინდეთ, ღვთისშობლის წილხვედრი ქვეყანაა. ღვთისშობელი გვფარავს და დაგვიფარავს აუცილებლად... მე კიდევ ბევრი ვიცი, მაგრამ ვერ ვიტყვი...

## ქვები

დიდი ალბათობით ეს იყო ქვა, რომელიც ისროლა სპეცრაზმელმა, რადგან უკნიდან მომხვდა. და ამის შედეგად ვიგრძენი ძლიერი სისხლდენა. აღმოჩნდა რომ თავზე მაქვს ჭრილობა. სამი ნაკერი დამადეს გუშინ



დაზარალებული ახალგაზრდა ქალი, სასწრაფო დახმარების მანქანიდან, პოლიციას ქვების სროლაში ადანაშაულებს ტვ პირველის ეთერი

ფაქტებზე კომენტარისგან თავის არიდების შემდეგ, შსს მინისტრის მოადგილეს - ალექსანდრე დარახველიძეს, ჟურნალისტმა ქეთა ციციშვილმა, ბრიფინგზე საკუთარ ტელეფონში ჩაწერილ ძალადობის სცენებს აყურებინა. მთავარი არხის ეთერი

- ბატონო ალექსანდრე თქვენ ეს ფოტოები ნანახი გაქვთ? თქვენ ეს ვიდეო ნანახი გაქვთ? თქვენ გურამ როგავაზე თავდასხმის ეს ვიდეო ნანახი გაქვთ?

- ყველა ვიდეო ნანახი მაქვს... დაბრძანდით, დასვით შეკითხვა და გაქცემთ პასუხს...

- შეგიძლიათ მითხრათ ეს სამართალდამცველი ვინ არის?

- დაჯექით... დასვით კითხვა

- განსაკუთრებული დავალებების დეპარტამენტის ეს თანამშრომელი ვინ არის? მინდა რო გამცეთ პასუხი

- დაბრძანდით, გაქცემთ პასუხს... პროვოკაციებს ნუ ვაწყობთ, დასვით შეკითხვა და გაქცემთ პასუხს...

- ბატონო ალექსანდრე გამეცით კითხვაზე პასუხი... ვინ არის გდდ-ს ეს თანამშრომელი

- დამშვიდდით, დასვით შეკითხვა და გაქცემთ პასუხს...

- მითხარით გურამ როგავაზე თავდამსხმელი, რომელიც განახეთ ეხლა, სახელი და გვარი ამ ადამიანის, რომელიც არის განსაკუთრებულ დავალებათა დეპარტამენტის თანამშრომელი... დაწყებულია თუ არა მის მიმართ სისხლის სამართლის საქმე? და გასულია თუ არა რიგებიდან და არის თუ არა აქციებზე? თუ ისევ აგრძელებს მუშაობას, ეს მაინტერესებს მე?

- მე მინდა ყველას მოგიწოდოთ დავრჩეთ პრეს-კონფერენციის ფარგლებში... მე მზად ვარ ყველა კითხვას ვუპასუხო და შესაბამისი ინფორმაცია მოგაწოდოთ, ოღონდ მსგავსი პროვოკაციები ჩემთვის მიუღებელია... რაც შეეხება თქვენს შეკითხვას, შსს-მ ამ საკითხზე გააკეთა არაერთი განმარტება. მოგეხსენებათ რო ეს იყო ძალიან მძიმე ფაქტი და ჩვენ ამის შესახებ ვისაუბრეთ... თუმცა რაც შეეხება სამართალდამცავის მხრიდან შესაძლო დანაშაულის ფაქტის გამოვლენას...

- შესაძლო, ბატონო ალექსანდრე?

- ეს წარმოადგენს სხვა უწყების კომპეტენციას... შესაბამისად დაწყებულია თუ არა ამაზე გამოძიება, ამაზე გააკეთა შესაბამისმა სამსახურმა რომ დაწყებულია



გამოძიება... ტარდება შესაბამისი საგამოძიებო მოქმედებები. რაც შეეხება დადგენილი არის თუ არა შესაბამისი პირი და მის მიმართ გატარდება თუ არა შესაბამისი სამართლებრივი ღონისძიებები, ამაზე შესაბამისი უწყება გაქცემთ პასუხს.

- კარგით მეორე კითხვა: ხმის გამაძლიერებლიდან განსაკუთრებულ დავალებათა დეპარტამენტის რომელიღაც წარმომადგენელი, რომელსაც ჩვენ ვერ ვხედავდით, დიდი ალბათობით ეს იყო ზვიად ხარაზიშვილი, დაახლოვებით ათი წუთის განმავლობაში უწყვეტად რომ იგინებოდა, ეს რა ფარგლებში ჯდება, თუ შეიძლება თქვენ გაგვეცით პასუხი. ვიდეოს განახებით თუ არ გაქვთ ნანახი.

- ეს საკითხი კონკრეტული პირების მხრიდან ხდებოდა თუ არა ხმა მაღლა მოლაპარაკე საშუალების გამოყენება სხვა მიზნებისთვის, ამის შესახებ მე ინფორმაციას არ ვფლობ...

- ვიდეოს განახებით...

- რაც შეეხება... რაც შეეხება ხმა მაღლა მოლაპარაკეს, აქციაზე მისი გამოყენება ხდება იმისთვის, რომ აქციის მონაწილეებს... გაკეთდეს მოწოდება ღონისძიების დაწყების შესახებ... და საზოგადოება უწყვეტ რეჟიმში ხედავს, რომ ჩვენ ამ საშუალებას ვიყენებთ. მასში არის წინასწარ ჩაწერილი ხმა, რომელიც მუდმივ რეჟიმში ერთი და იგივე ტექსტს იმეორებს... შესაბამისად მსგავსი შემთხვევა, რომ სხვა პირების მხრიდან იქნეს გამოყენებული, არ მინახავს... თუმცა საზოგადოება ასევე ხედავდა, რომ ჩვენი მანქანის ტექსტი გადაწერილი ქონდა ძალიან ბევრ ოპოზიციურ პარტიას, რომელსაც აჟღერებდნენ სხვა ინტერპრეტაციით აქციებზე, შესაბამისად არ არის გამორიცხული სხვა პირების მიერ რომ იყოს გამოყენებული...

ხმაურია... ყველა ერთად ლაპარაკობს, ალექსანდრე ცდილობს დაზარალებული პოლიციელების სტატისტიკის გამოცხადებას. ქეთა ციციშვილი ცდილობს მოასმენინოს ჩანაწერი, მაგრამ სხვა დამსწრეები გამიზნულად არ აძლევენ შესაძლებლობას.  
- თუ შეიძლება დატოვებთ დარბაზი - მოუწოდებენ მას გასასვლელისკენ, ალექსანდრეც იგივეს იმეორებს ტრიბუნიდან..

- გრცხვენოდეთ - დარბაზიდან გასვლამდე ამბობს ქეთა ციციშვილი

3 დეკ / 2024

### ჩემი გეშინიათ?!

ნანა ტომარაძე არღვევს პოლიციის  
ძალების კორდონს  
ფოტო: ნიკოლოზ ურუშაძე

- ეს ყველაფერი, რასაც მე ვხედავ, ეს არის საქართველოს წინააღმდეგ. ანუ თქვენ გინდათ, რომ თქვენ გვნახოთ მუხლმოდრეკილები? და რატომ ეს დედა აფეთქებული? თქვე ნაგავო ხალხო... მე დავილაღე... მე დავრჩები თქვენ საქართველოში... ანუ რა გინდათ? ანუ რა გინდათ? ანუ რა გინდათ? ჩემი გეშინიათ? მაგარი ყლებები ხართ

- შეაგდე... ამის დედას შვევცი



4 დეკ / 2024

### ვისი სახელით?

ელისო ჯარიაშვილი ბრიფინგზე  
დანიშნულ პრემიერ მინისტრს -  
ირაკლი კობახიძეს დაუპირისპირდა  
ფორმულას ეთერი

- დამასრულებინეთ კითხვა: ვის წარმოადგენთ როდესაც საუბრობთ? თქვენ არ გაქვთ არცერთი დემოკრატიული სახელმწიფოს აღიარება. დრო და დრო გილოცავთ და გაქებთ, ხშირ შემთხვევაში არაფხიზელ მდგომარეობაში მყოფი მედვედევი და ლუგინი... ვისი სახელით ლაპარაკობთ, როდესაც ეხლა საუბრობთ... დავასრულებ კითხვას, დაიმახსოვრეთ თქვენც კითხვები... შემდეგი კითხვა...

- მოდი სათითაოდ... ჩემთვის მთავარია რომ თქვენ მაღიარეთ იმიტომ, რომ დღეს თქვენ მობრძანდით ოფიციალურად მთავრობის ადმინისტრაციის შენობაში

- ეს შენობა თქვენ არ გეკუთვინით, მე როგორც

ინსტიტუციაში ისე მოვედი... ჩემს აღიარებას იმას თუ ჩათვლით, რომ კითხვას გისვამთ... თქვენ წარმოადგენთ რუსულ რეჟიმს და შესაბამისად იყენებთ მიტაცებულ ინსტიტუციებს... ვის უნდა დავუსვა კითხვა?

- კუზერაშვილის ტელევიზიის წარმომადგენელთან ასეთ დებატებში... კუზერაშვილს დამტკიცებული აქვს ჯარის ძარცვა, ეს ერთი... ბიზნესის რეკეტთან დაკავშირებით მე პირადად მაქვს ინფორმაცია...

- ძალიან დიდი ბოდში, 13 წელია თქვენი ხელისუფლება ფლობს ძალაუფლებას და ფლობს... მოდით ძალიან გთხოვთ ამ დატკეპნილ რიტორიკას... მოდით ნუ დავდლით ჩვენს მაყურებელს... თქვენ შემპირდით... ვაგრძელებ კითხვის დასმას, ჯერ ვერ გავიგე ვის წარმოადგენთ, ვისი სახელით ლაპარაკობთ?

- გონორით ნუ საუბრობთ... თქვენ წარმოადგენთ კუზერაშვილს, ეს არის მთავარი

- თქვენ ვისი სახელით ლაპარაკობთ? მე არ მრცხვენია ვის წარმოვადგენ... მე წარმოვადგენ ტელეკომპანია ფორმულას, თქვენ ვის წარმოადგენთ?

- მე ვსაუბრობ ქართველი ხალხის სახელით

- რომელი ქართველი ხალხის სახელით, რომელსაც ასახიჩრებთ ქუჩაში? აი მოდით გკითხავთ: თქვენი დაპირება იყო მშვიდობა?

- ერთი წამით, მე ვსაუბრობ მილიონ ასოცი ათასი ამომრჩევლის სახელით, ეს ერთი... მეორე, რაც შეეხება მშვიდობას, ერთმანეთისგან განვასხვავოთ ტერმინები, ეს პირველი... ჩვენ გადავარჩინეთ ეს ქვეყანა ომს

- და ის ომი არ არის, რასაც ეხლა ქუჩაში აკეთებს სპეცრაზმი? ახალგაზრდების დასახიჩრების ბრძანებას რუსეთიდან იღებს ბიძინა ივანიშვილი თუ მისი თვითშემოქმედებაა? ასევე მაინტერესებს, სამშობლოს დალატში თქვენ ფულს იღებთ თუ ესეც თქვენი თვითინიციატივაა? გეკითხებით როგორც მოქალაქე, გურამ როგავას რომ სასტიკად სცემეს, ვინ გასცა ეს ბრძანება? ვინ გასცა ბრძანება, გეკითხებით? ვინ ჩაიდინა ეს დანაშაული და რატომ არ არის დანაშაული გამოძიებული?

- მომიკითხეთ კუზერაშვილი...

- მომიკითხეთ ბიძინა ივანიშვილი და რუსი ოლიგარქები. - ახალგაზრდების დასახიჩრება, მათ შორის ჟურნალისტების, ვისი ბრძანებაა? ივანიშვილის, რუსეთიდან მიღებული ბრძანებაა, თქვენი თვითშემოქმედებაა და თუ რა არის? მიპასუხეთ...

- მე მესმის თქვენი ომიციების...

- თქვენ არავის ემოცია არ გესმით... გეკითხებით, კონკრეტულ კითხვაზე მიპასუხეთ

- კარგით, სირცხვილია

- სირცხვილი იცით რა არის, ქუჩაში რო ხალხს არბევენ, სირცხვილია როცა თავში დამიზნებით ურტყავენ ადამიანებს, გადაივსო კლინიკები, გადაივსო იზოლატორები... ყველა ოპოზიციურ პარტიაში ახალა არის რეიდი... რას ნიშნავს ეს, ვინ გასცა ბრძანება...

- უნდა გრცხვენოდეთ...

- მე არაფრის არ მრცხვენია. გეკითხებით, რა ფასად გაყიდეთ სამშობლო? თუ უფასოდ აკეთებთ ამას?

- სამშობლოს ყიდი კუზერაშვილის ფულის სანაცვლოდ...

- მე ვარ ჟურნალისტი და მხოლოდ ჩემს საქმიანობაში ვიღებ ანაზღაურებას... კუზერაშვილის თემა გავიარეთ, არაფერი არ გაქვთ სათქმელი და თუ გქონდათ, 13 წელი გქონდათ ამისთვის... ვისგან იღებთ დავალებას?

- ბინძურ ფულს იღებ კუზერაშვილისგან...

- თქვენ ხო გინდათ რომ ლეგიტიმურობა გქონეთ? ხომ გგონიათ რომ ლეგიტიმური ხართ. გეკითხებით, ინსტიტუციურად ვინ გასცემს ბრძანებას, ახალგაზრდების დასახიჩრების? რუსეთიდან აქვს მიღებული თუ თვითონ წყვეტს ამას?

- ნაც-მაიდანს არავის არ გავუტარებთ...

- არავის არ უნდა ნაც-მაიდანი, თქვენ ხოცავთ ხალხს ქუჩაში... რა გინდათ სიკვდილამდე მიიყვანოთ ვინმე?

- დებატები ხო გინდოდათ, მოდით ჩვენს არხე დებატებზე

- რა მინდა კუზერაშვილის არხზე, მოდით სადაც გინდათ

- იმ არხზე გინდათ, სადაც პოლიტ-პარტიიდან გადავიდა ვასილ მალაფერიძე დირექტორად? თუ იმ არხებზე გინდათ, რომელიც პროპაგანდად გაქვთ გამოყენებული?

- ომის პარტიიდან რატომ მელაპარაკებით?

- რომელი ომის? ქუჩაში უწყობთ ომს ახალგაზრდებს.

- ნუ ნერვიულობთ

- არ ვნერვიულობ და თუ ვნერვიულობ იცით რატო ვნერვიულობ?

- კანკალებთ...

- იცით რატომ ვნერვიულობ? ჩემი კოლეგები არიან ნაცემები

- ნუ კანკალებთ...

- ახალგაზრდები არიან...

- ჩემი კოლეგები, პოლიციელები არიან ნაცემები თქვენი სამარცხვინო ქმედებების გამო... ნაცემობის, ნაც-მაილდის გამო. თქვენ ხართ სამარცხვინო... ნუ კანკალებთ

- სამარცხვინო ვარ მე? თქვენ გამოგიტანათ განაჩენი საზოგადოებამ... რუსო! იცინე...

კობახიძე ტოვებს დარბაზს. ბრუნდება.

- საცოდავები ხართ

- საცოდავი ხარ შენ... მე ვარ საცოდავი? ოდესღაც ნორმალურ ადამიანად გიცნობდა მედია...

4 დეკ / 2024

სისხლში გასვრილი ხელები



პოლიციის წინ შუკრებილი უფლება დამცველები და აქტივისტები, ძაღადობას აპროტესტებენ წყარო: რადიო თავისუფლება

ჩვენი შვილების სისხლში არის პოლიციის ხელები... ამის სათქმელად მოვედი... უმოწყალოდ სცემენ და იმეტებენ... მათ სახე აქვთ დაფარული, მაგრამ ძალიან კარგად იციან თვითონ ვინ, ვინ არის და არცერთი არ არის დასჯილი...

პოლიტიკური პატიმრის,  
ზვიად ცეცხლაძის მეზობალი, მის  
სახლში შესვლის შემდეგ პოლიციას  
და ჟურნალისტებს მიმართავს  
ტვ პირველის ეთერი


- თქვენ ხო ადამიანები არ ხართ... ბიძინამ რას  
დაგამსგავსათ... თქვე ცხოველებო, თქვენ... შენ კაცი გქვია  
ეხლა? შე ნაძირალა, შენ...

- რა ხდებოდა?

- არაფერი, სახლში ვიჯექი, ადამიანს ორი ოპერაცია  
მაქვს გაკეთებული... პედაგოგი ვარ, აგერ ვმუშაობ ზევით  
სკოლაში და ვერ გამოვდივარ იმიტომ, რომ აი ეხლაც რო  
წავიქცე, რამე რომ მომხვდეს, ერთი თვის ნაოპერაციები  
ვარ, ვერ გადავიტან. ჩემი სამი შვილიშვილი, ყველა  
იქ დგას და მუდმივად იმაშვებიან... მთელი ცხოვრება  
ვიბრძოდი რომ ჩემს შვილებს, ჩემს მოსწავლეებს კარგი  
მომავალი ჰქონოდათ. ბიძინამ არ გაიხაროს... სიკვდილი  
და ამოწყვეტა დაადგება. მოვესწრები იმ დროს, როცა  
აუცილებლად გამწარდება. ოღონდ თვითონ დიდ ხანს  
უნდა იცოცხლოს. მისი საყვარელი ადამიანები უნდა  
გამწარდნენ, როგორც ჩემი საქართველო ამ დღეში  
ჩააგდო. ასევე ყველა, ვინც სხვებიც, აი განსაკუთრებით  
აი ამეებს, (ხელს კიდებს პროპაგანდისტული არხების  
მიკროფონებს) გრცხვენოდეთ შვილო, ახალგაზრდა გოგო  
ხარ და ძალიან შეგრცხვება ამ ქვეყანაში ცხოვრების...  
თქვენი სამარცხვინო ტელევიზია... მოშორდით აქედან,  
არ ხართ ღირსები რამე გითხრათ... რა იყო? რა იყო,  
არ მოგწონთ არა შეურაცხყოფები, ყველა პასუხს აგებს,  
ყველა ვინც 41 შემოხაზა და ჩემი ქვეყანა ამ დღეში  
ჩააგდო, ვერავინ ვერ გადარჩება... საკუთარი შვილები...

- ზვიადის სახლში რა ხდებოდა?

- არაფერი არ ვიცი... მე ისიც არ ვიცოდი, ეგ ბავშვი  
რამდენიმე თვის წინ რალაცეებით შევამჩნიე და არ  
ვიცოდი ზოგადად რო ისა... ეხლა ჩემმა შვილებმა  
მომწერეს რო იქო, რვა ნომერში ცხოვრობს თურმეო და  
აი გამოვარდი როგორც ვიყავი უცბად... კარი ჩაკვტე და  
გამოვედი –



ნანა სანდერი ეკამათება,  
პარლამენტის შესასვლელთან  
განლაგებულ სპეცრაზმელებს  
წყარო: ნეტაზეთი

- შე კრიმინალო შენ... მე ვპროვოკატორობ? ჩემზე  
ძალადობ და ეს არ უნდა ვთქვა, რო მოძალადეები  
ხართ? და მე ვარ პროვოკატორი? თქვენმა კოლეგებმა,  
ორსულებზე, ბავშვებზე, მოხუცებზე, ქალებზე,  
მოძალადეებმა... ვინ იძალადა? არ უყურებ ტელევიზორს,  
შე ჩმორო, შემომხედე... კითხვას რო მისვამ, პასუხს გცემ...  
ვინ იძალადა?! დაიბრმავე თვალები, შე მონა? შენმა  
ნაბიჭვარმა კრიმინალმა კოლეგებმა... ვინ იძალადა?!

- უზრდელი ხარ!

- უზრდელიც ხარ და გაუზრდელიც. ცხვენოდეს დედაშენს,  
ქვეყნის გამყიდველი რო გაგზარდა... სამშობლოს ყიდით  
თქვენ... თქვენ არ იცით სამშობლო რა არის... იმიტომ,  
რო მენტალურად, კულტურულად რუსები ხართ... და  
ჩვენ, მარტო საქართველოს მოსახლეობას კი არა, ჩვენ  
– მილიონზე მეტ ემიგრანტს სამშობლოს გვართმევთ...  
ჩემი მეგობარი გერმანიიდან, სპეციალურად არის აქ  
ჩამოსული და კიდე ბევრნი არიან... რატომ? გიჟები ვართ  
აქ რო ჩამოვედით? გერმანული ცხოვრება დავტოვეთ?  
ჩვენი სწავლა, ჩვენი ცხოვრება, ჩვენი სამუშაო და  
აქ ვდგავართ? გიჟები ვართ? არა ჭკვიანები ვართ...  
ჩვენი ქვეყანა გვიყვარს, თქვენგან განსხვავებით... და  
არ დაგიტომობთ ამ ქვეყანას... რუსეთუმე ნაბიჭვრებს  
არ დაგიტომობთ... ხარებას მონებს, ბიძინას მონებს,  
პუტინისტებს... ჩაენძრიეთ საოკუპაციო ზოლთან თუ  
რამის ტრაკი გაქვთ... არაფერი გაქვთ თქვენ სათქმელი...  
შენ ხარ კრიმინალი...



პირდაპირი ეთერის დროს,  
ტვ პირველის გადამღებ ჯგუფს,  
მაკა ჩიხლაძეს და გიორგი  
შენჭირულს, უცნობი ნიღბიანები  
თავს დაესხნენ. მოგვიანებით ორივე  
მათგანი ჰოსპიტალში გადაიყვანეს.  
ტვ პირველის ეთერი

- თავდამსხმელების კადრებს, რომლებიც ცდილობენ  
ჩვენზე... ჩვენს ოპერატორზე თავდასხმას

- ერთი წამი, ვინახართ მეთქი... - მაკა ჩიხლაძე

- ესენი არიან, მაკამ მიაგნო თავდამსხმელებს ხელი  
გაწიე... მაკამ მიაგნო თავდამსხმელებს, ისინი არიან  
მთაწმინდაზე, სცემენ მოქალაქეებს, ეს არის პირდაპირი  
ეთერი, პოლიცია ადგილზე არ არის, ხელავთ სისხლიანი  
ანგარიშსწორებაა კონსერვატორიასთან და პოლიცია  
ადგილზე არ არის - ნოდარ მელაძე

- უკაცრავად, ვინ ხართ? ხელი არ მოკიდო

- ადამიანები სასტიკად არიან ნაცემები...

- კამერას ხელი არ მოკიდო...

- დავაი აქედან, შენი ღელას შევეცი...

- პოლიცია ადგილზე არ არის

ისმის ჩიხლაძის კვილის ხმა. პირზე უკნიდან აფარებს  
ხელს ნიღბიანი... კამერა ძირს ვარდება



## აქ ვდგავარ

ჩემი მეგობრი დააკავეს იქით... აქედან არ გავინძრევი, არა, შანსი არ არის. მოვიდნენ, აქ ვარ, აქ ვდგავარ და მოვიდნენ. აქ ვიდგები, აქ ვიდგები... და ვიბრძოლებ ბოლომდე... მოვიდნენ, არ მეშინია...



ბუატრის გაზღედიანი სპეცრაზმის წინ დგას და მის დაკავებას ითხოვს ფოტო:

ბასტი მგალობლიძევი / ჰუბლიკა

როცა დამაკავეს, გადამიყვანეს განყოფილებაში... შემიყვანეს რაღაც ოთახში, სადაც იყვნენ შსს-ს თანამშრომლები, ნიღბებში... მიღებდნენ ვიდეოებს... მაყენებდნენ შეურაცხყოფას, ფსიქოლოგიურს და სიტყვიერს... დარწმუნებით შემიძლია გითხრათ, რომ ასე მოექცნენ სხვა დაკავებულებსაც... და ეს არის სრულიად მიუღებელი ქმედება სამართალდამცავების მხრიდან... ჯერ არ ვიცი ვუჩივლებ თუ არა, ვფიქრობ... უბრალოდ პოლიციის იმედიც არ მაქვს დიდად და ამიტომაც. მართლა არ ვიცი რა უნდა ვქნა ამ შემთხვევაში. ყველანაერი ძალადობა არის მიუღებელი... და ძალიან მტკივა გული, რომ საერთოდ ეს ხდება, მაგრამ მე მაინც ვაპირებ აქციაზე გამოსვლას და მაინც ვაპირებ, რომ ვიბრძოლო საქართველოს თავისუფლებისთვის



სცენის რეკონსტრუქცია: დედა მუხლებზე დაჩოქილი უვედრება პოლიციელებს შვილისთვის წყარო: რადიო თავისუფლება

- ჩემი შვილია, ვაიმე, გაუშვით - დედა
- ნუ იღებ... - ოფიცერი
- მიშველეთ, ვაიმე...
- ქალბატონი ვინ არის თქვენი? - ჟურნალისტი
- ბავშვს ხელი არ მოკიდოთ, შემთხვევით ჩემ შვილთან, გეხვეწებით... გეხვეწებით, შემთხვევით
- გადაბრძანდით
- ჩემი შვილია. შენთან არაფერი საქმე არა მაქვს.
- იქით გადაბრძანდით
- არამაქვს მე შენთან არაფერი საქმე...
- ტელეფონი გაწიეთ
- მეღია ვარ გენაცვალე, არ ვარ ტელეფონი... წაიკითხეთ, რადიო თავისუფლება...
- ბიჭებო, სულ პატარა ბავშვია, შემთხვევით...
- იქ რო შეხვალ რას იზავ?
- დაიჭირეს ჩემი ქმარი და შვილი...- ტირის

თქვენი ბანდები

მაკა ჯანაშია უცნობი ნიღბიანების მიერ თავდასხმაზე მთავარი არხის ეთერი

როგორც ვუთხარი, რომ ჟურნალისტი ვარ, ეგრევე თვალში ჩამარტყა, მერე ვიღაცეები მოცვივდნენ და ტელეფონი ესე ხელიდან აიღეს პირდაპირ და გაიტაცეს. ამას დამატებული, ჟურნალისტი ხარ, ხო და წიხლი ამომარტყა. ნიღბიანი ტიპები იყვნენ, აგრესიულები... არ იყვნენ ფხიზელ მდგომარეობაში. ესე გუნდ-გუნდად დადიან ნიღბიანები, შავებში ჩაცმულები. აქციის რამდენიმე მონაწილე ცემეს. ეს არის უბედურება. შსს-ს მინდა მივმართო – გაათრიეთ გომელაურო თქვენი მარბიელი ბანდები. ეს თქვენი ბანდებია, თქვენ ხართ არალეგიტიმური ადამიანები, რომლებიც მარბიელ ბანდებს აგზავნით მშვიდობიან ადამიანებთან...

*ჟურნალისტები ხელშეუხებლები უნდა იყვნენ - ნინო ზაუტაშვილი თავდასხმების დამეზუ საუბრობს მთავარი არხის ეთერი*

- მედიაზე ძალადობა ეს არის ყველაზე დიდი გამოხატულება, ყველაზე დიდი სისუსტის... და ის რაც ჩვენ გუშინ ვნახეთ, ეს ძალადობა არ იყო, ეს არის მკვლელობის მცდელობა. ნამდვილად ასე დავარქმევ იმიტომ, რომ ძალიან დიდი შანსი იყო, ისევე როგორც გურამ როგავას შემთხვევაში, ასევე მაკა ჩიხლაძის და გიორგი შეწირულის შემთხვევაში, ეს ამბავი დამთავრებულიყო საშინელი შედეგით. რაც გამოიწვევდა, მე აღარ მინდა ამაზე ლაპარაკი, იმდენად ყველაფერი თვალნათელია... იმდენად ყველაფერი ყველასთვის უკვე გასაგებია... მე აღარანაერი კითხვის ნიშანი აღარ მრჩება... საერთოდ რასთან გვაქვს საქმე. თუ ვინმეს რაღაც მოსაზრებები აქვს, ეს მის სინდისზე იყოს, მე უკვე დავწერე, რომ ყველამ თავისი სინდისის კარნახით იმოქმედოს. აი ეს იქნება, ის მთავარი რის მიხედვითაც ჩვენ უნდა მივიღოთ გადაწყვეტილებები... ამ რეალობაში ვართ და ამ სიტუაციაში ვართ. მე მათ გამოჯანმრთელებას ვუსურვებ და ქართული მედია იქნება ყოველთვის ფორვარდი, ყველა იმ მოვლენის, რომელიც საქართველოში განვითარდება.

ეს არის ჩვენი პროფესია, ეს არის ჩვენი მოვალეობა და ხელშეუხებელი უნდა იყოს ჟურნალისტი. მითუმეტეს მაშინ, როდესაც ყველაზე ცხელ წერტილში, ყველაზე მნიშვნელოვან ამბავს აშუქებს, ყვება და აწვდის ინფორმაციას საზოგადოებას. ძალიან ვღელავ იმიტომ, რომ გუშინ მთელი დამე მომიწია ამ კადრების ყურება, კონსერვატორიის ქვევით ვიდექით და რაღაცნაერად მოვხვდი ამ ძალიან მძიმე ეპიცენტრში და მე ვუსურვებ ჩემს ქვეყანას, რომ ბოლო იყოს ეს, რაც ეხლა ხდება და წავიდეთ იმ განვითარების გზით, რომელიც ყველას გვინდა...



## სიმართლეს შეუძლია სისტემის დანგრევა

თქვა აბაშიძე მიმართავს  
სამთავრობო პროპაგანდისტს  
ფორმულას ეთერი

- სუველანი უკვე რისკის ქვეშ ვართ, სიკვდილის რისკის ქვეშ ვართ... ჩემი შვილი აგერ მახლავს, ჩემი მესამე, უმცროსი... ამის მამას მივმართავ და ვუბნები, აი ჩემი სხვა შვილებიც აქ არიან... იცოდეთ, აქ რო ტიტუშკები დარბიან იარაღებიანები, რომლებსაც პროვოკაცია უნდათ, რომლებსაც უნდათ რომ ჩვენ დაგვაბრალონ მერე, რო ჩვენ აქ აი ეს მშვიდობიანი მოსახლეობა, თურმე ვიღაცის თითის ტკენას ვაპირებთ

- ვის მიმართავთ, თქვენ თქვით რო მიმართავდით ბავშვების მამას...

- ბავშვების მამამ ძალიან კარგად იცის ვინც არის... ეს არის შალვა რამიშვილი... ჩემი სიმწრით გაზრდილი შვილები, ჩემს გაჭირვებაში გაზრდილი შვილები, ეხლა არიან რისკის ქვეშ... მათთვის აუტანელი იყო ყველაფერი რაც ჩვენ თავს გადაგვხდა ამ ადამიანის გამო... ეს ადამიანი ბედავს და ეხლა მოძღვრავს იქედან. და ვისაც ამ ადამიანის გჯერათ, შეხედეთ ხალხნო, შეხედეთ. ერთი ჩინოვნიკი მითხარით, რომელიც არ არის მდიდარი... ამათი როგორ გჯერათ მეგობრებო... ჩვენ ყველანი ერთ ბედ ქვეშ ვართ, აბსოლუტურად ყველანი... ჩვენ ყველანი დაჩაგრული ადამიანები ვართ. ამ სისტემის გამო, მე 9 აპრილს ბავშვი ვიყავი და აქ ვიდექი... ყველა მიტინგზე ნამყოფი ვარ... მაგრამ მე პიროვნებებს კი არ ვუჭერდი მხარს, მე ვუჭერდი სისტემას, რომელმაც ჩაკლა ჩვენი სული... მაგრამ ეხლა უნდა გავიღვიძოთ. ძალიან გთხოვთ, ყველამ, სინდისთან დადექით... ნუ უსმენთ პროპაგანდას... ისინი იტყუებიან. ისინი არიან ტროლების ქარხნები... გთხოვთ, მოგმართავთ, ჩემო საყვარელო ხალხო, მე თქვენ ძალიან მიყვარხართ, მე ჩემი სამსახურის ხალხიც ძალიან მიყვარს და ყველას სინდისს მოვუხმობ და ვეხვეწები, რომ გამოფხიზლდით ეხლა. თქვენ დადექით მაგრად, ყველგან ვიცი რო იარსებებს ერთი თამამი ადამიანი მაინც. და იმ ერთ ადამიანს შეუძლია შეცვალოს ყველაფერი... იმიტომ, რომ საკაცობრიო ისტორიაც ესეთია. ერთ ადამიანს შეეძლო სიმართლე ეთქვა და ირღვეოდა ყველაფერი, ამან განავითარა მთელი კაცობრიობა... გთხოვთ, გამოფხიზლდით ყველანი, დაგვიცავით... თქვენი ადგილი აღარ არის სამსახურებში, უნდა გაჩერდეს სისტემა... უნდა მორჩეს ეს უბედურება, რაშიც გვაცხოვრებენ ამდენი ხანი... ნუ უსმენთ პიროვნებებს, შეხედეთ ყველაფერს, ყველაფერი ძალიან შიშველია... სისასტიკე ხდება... აი ეხლა, ამ წუთში იქიდან მოვდიოდი და როგორ ურტყამდნენ... როგორ შეიძლება თქვენ გჯეროდეთ ადამიანების, რომლებიც წაქეულებს ფეხებს ურტყამენ... სინდისი ადამიანებო, სინდისი. მარტო სინდისის წინაშე უნდა დადგეთ ეხლა ყველანი...

ევანგელისტურ-ბაფტიკური  
კლასიის წინამძღოლი - რუსუდან  
გოცირიძე მიმართავს პოლიციას  
ურთონიუს ჯორჯიას ეთერი

მე აქ ვდგევარ როგორც ღვთის მსახური, როგორც ამ ქვეყნის მოქალაქე და როგორც დედა, რომელიც ყოველ საღამოს შვილებს უშვებს იმისი ფიქრით და შიშით, რომ შეიძლება შეეჩეხოს ფორმიანს, რომელმაც შეიძლება სცემოს, დაჩეხოს, დაამტვრიოს და დამიბრუნოს ისე. მე არ მინდა ესეთ საქართველოში ცხოვრობდნენ ჩემი შვილები... მე მინდა თქვენ გიყურებდეთ თვალებში და არ მეშინოდეს. იცით, რომ ყოველ ჯერზე, როდესაც აქციებზე გამოვდივარ მეშინია, რომ თქვენს შორის ნაცნობი არ ამოვიცნო... მეშინია, ჩემი ნათესავი, ჩემი კლასელი, ჩემი მრევლის წევრი არ ამოვიცნო...

არ მინდა მე ესეთი ქვეყანა. ჩვენ აქ მოვდივართ ნამდვილი მშვიდობისათვის... ნამდვილი მშვიდობა ისეთია, სადაც მე და თქვენ ვაშენებთ ისეთ ქვეყანას, სადაც ჩემი შვილები და თქვენი შვილები ლაღად ივლიან აი ამ პროსპექტზე... ყველა ჯერზე, როდესაც ბრძანებას მიიღებთ იცოდეთ – თქვენს წინ მარტო ჩემი შვილები არ დგანან... თქვენი შვილებიც დგანან...

თქვენი გულის დახილს უსმინეთ. სამართლიანობას უსმინეთ, სიყვარულს უსმინეთ... ღვთის შვილები ვართ, ამ ქვეყნის შვილები ვართ. ჩვენ ერთი მუჭა ხალხი ვართ და ჩვენ, უერთმანეთოდ მომავალს ვერ ავაშენებთ... დაინდეთ ჩვენი შვილები და დაინდეთ თქვენი შვილები...



საახალწლო ნაძვის ხის გასანათებლად, რუსთაველის გამზირზე პოლიციის დანაყოფები და სპეციალური ძალები იყო მობილიზებული. იგეგმებოდა გზის გათავისუფლება, რათა ქალაქის მერს ნაძვის ხის ანთების საზეიმო კონცერტი გაეხსნა. ყველაფერი ისე ვითარდებოდა, რომ ეს შესაძლოა ისტორიაში ერთ-ერთი ყველაზე სკანდალური ნაძვის ხე გამხდარიყო. მერია მხარდამჭერებსა და ბავშვებსაც კი მოუწოდებდა ცერემონიაზე დასწრებისკენ იმავე ადგილზე, რომელიც სულ რამდენიმე დღით ადრე თორმეტი დამის განმავლობაში უცნობი ქიმიური გაზით იწამლებოდა. ხელისუფლებასა და დემონსტრანტებს შორის დაძაბულობა თანდათან იზრდებოდა. საბოლოოდ, ნაძვის ხის ანთების ცერემონია გადაიდო. სოლიდარობის შესტად, პრეზიდენტი სალომე ზურაბიშვილი რუსთაველის გამზირზე დემონსტრანტებთან ერთად გამოჩნდა.

- თურმე გადაიდო ამ საღამოს, ამ ნაძვის ხის ანთება, განათება... მე მგონია ბარბარობაზე ჩემთან მოდიან... მე მინდა, რომ გისურვოთ მშვიდობიანი საღამო... არ იყოს აქ არანაირი პროვოკაცია. ნაძვის ხის ანთება ამ საღამოს ადარ იქნება და თქვენ ყველანი ერთად იყავით მშვიდობიანად, იყავით კარგად, მე ვარ თქვენთან ერთად იმიტომ, რომ აქ არავის არ დაუშვებთ და არცერთ პროვოკაციას არ დაუშვებთ...

საახალწლო ნაძვის ხესთან მობილიზებული პოლიცია ფოტო: მარიამ ნიკურაძე / ოუსი მედია



*ყოფილი სახალხო დამცველი -  
ნინო ლომჯარია, სხვა უფლება  
დამცველებთან ერთად წარადგენს  
პოლიციის მხრიდან, დაკავებულ  
ქალების მიმართ ჩადენილი  
ძალადობის ოფიციალურ ანგარიშს  
მთავარი არხის ეთერი*

დღევანდელ ბრიფინგზე ჩვენ გვსურს ვისაუბროთ პოლიციის მხრიდან ქალი დაკავებულების მიმართ ჩადენილი ძალადობის და სექსუალური შევიწროების და სექსუალური შინაარსის მუქარის ფაქტების თაობაზე... მოგახსენებთ ნოემბერ-დეკემბრის თვეში პოლიცია აქციებზე აკავებდა არამხოლოდ მამაკაცებს, არამედ ქალებს. 28 ნოემბრის შემდგომ ქართულ არასამთავრობო ორგანიზაციათა ცხელ ხაზზე შემოვიდა ათი შეტყობინება, ათი ქალის დაკავების თაობაზე თუმცა სამწუხაროდ ოფიციალური მონაცემების არარსებობის გამო ჩვენ არ გვაქვს ზუსტი სტატისტიკა თუ ინფორმაცია თუ რამდენი ქალი დააკავეს საპროტესტო აქციების მიმდინარეობის დროს... შემადრწუნებელია ის გარემოება, რომ აქციაზე დაკავებულმა რამდენიმე ქალმა საჯაროდ ისაუბრა, მათ მიმართ დაკავების დროს და შემდეგ პერიოდში, პოლიციის მხრიდან ფიზიკური ძალადობის, არაადამიანური, ღირსების შემლახავი მოპყრობის, სექსუალური შევიწროების და გაუპატიურების მუქარის ფაქტების თაობაზე. ქალების განცხადებით, დაკავების პროცესში სპეც-რაზმი მათ ფიზიკურად გაუსწორდათ, ემუქრებოდნენ გაუპატიურებით და სიცოცხლის მოსპობით... გაუპატიურების მუქარის კიდევ უფრო სიცხადისთვის ადგილი ჰქონდა, სპეცრაზმელების მიერ გაუპატიურების აქტის აღწერას, უწმინური სიტყვების გამოყენებით, დაკავების სპეციალური მანქანისკენ წაყვანის მუქარას, რაც მსხვერპლისთვის კიდევ უფრო დამაჯერებელს ხდიდა აღნიშნულ სიტყვებს. აქციებზე დაკავებული ქალის მიერ გაკეთებული საჯარო განცხადების თანახმად, დაკავების მანქანაში მას არ მისცეს საშუალება სკამზე დაჯდომის, მთელი გზა მუხლებზე დაჩოქილი ამგზავრეს და ამასთან ადგილი ჰქონდა სექსუალური შევიწროების ფაქტს... ერთ-ერთი დაკავებული ქალის მიერ გაკეთებული საჯარო განცხადებით, მას პოლიციის განყოფილებაში გადაუდეს ვიდეოები, ამცირებდნენ სექსუალური შინაარსის კომენტარებით... აქციის მონაწილე ერთერთმა ქალმა, რომელსაც სახეზე ფიზიკური დაზიანებები აღენიშნებოდა, საჯაროდ გააკეთა განცხადება, რომ ის აქციის დაშლის დროს პოლიციელებმა, თითქოს და განრიდების მიზნით გაიყვანეს, რის შემდეგაც სცემეს...



დაუშვებელია სახელმწიფოს წარმომადგენლის მხრიდან ასეთი ქმედებების განხორციელება, ან ისეთი ქმედებების შესრულების მოთხოვნა, რომლებიც დამამცირებელია. ლახავს მოქალაქის ღირსებას და მიმართულია

სექსუალური თუ სხვა ნიშნით შევიწროვებისკენ... წამება, არაადამიანური, ღირსების შემლახავი მოხერხება არის აკრძალული და წარმოადგენს სისხლის სამართლის დანაშაულს... შესაბამისად ჩვენ გვსურს მივმართოთ იმ ქალებს, რომლებსაც შესაძლოა შეემთხვათ მსგავსი ფაქტები და ჯერ საჯაროდ არ უსაუბრიათ... ჩვენ, ქართული არასამთავრობო ორგანიზაციები მზად ვართ აღმოგიჩინოთ სამართლებრივი დახმარება, კონფიდენციალურობის სრული დაცვით და წარმოვადგინოთ თქვენი ინტერესები, როგორც ქართულ, ასევე საერთაშორისო სამართლებრივ მექანიზმებში. ასევე დაგეხმაროთ მიიღოთ ყველა საჭირო სარეაბილიტაციო სერვისი...

ასევე გვინდა იცოდეს ყველა ქალმა, მათი საპროცესო უფლებების თაობაზე, რომ თქვენი პირადი დათვალეობა შეუძლია მხოლოდ და მხოლოდ ჩაატაროს იმავე სქესის წარმომადგენელმა. პირადი დათვალეობა არ ხდება ყველას დასანახად... მას შეიძლება დაესწროს მხოლოდ იმავე სქესის წარმომადგენელი. პირადი დათვალეობების დროს დაუშვებელია თქვენი სრული გამიშვლება. პირადი დათვალეობების დროს, სხეულის ცალკეული ნაწილის დათვალეობა ვიდეო კამერის თვალთახედვის არეალში არ უნდა იყოს მოქცეული. ასევე დაკავების დრო ქალები უნდა განთავსდნენ განცალკევებით მამაკაცებისგან და პატიმრობა შეფარდებული ქალებისთვის უნდა იყოს უზრუნველყოფილი ჰიგიენური საშუალებები. ასევე თქვენ დაკავების დროს და დაკავების შემდგომ პერიოდში უფლება გაქვთ რომ მოითხოვოთ ადვოკატთან დაკავშირება, და ზარის განხორციელება უნდა უზრუნველყოს იზოლაციის ადმინისტრაციამ.

21 დეკემბერი - ათობით ათასი მოცეკვავე და რიგითი მოქალაქე ერთად ასრულებს ქართულ ხალხურ საბრძოლო ცეკვას - ხორუმს  
ფოტო: კოკა ვაშაკიძე





ფოტო 1997 წლით თარიღდება — იმ პერიოდით, როდესაც სოლოლაკის ფერდობზე ერთდროულად ორი „ქართლის დედა“ იდგა. სავარაუდოდ, ფოტო გადაღებულია იმ მომენტში, როცა ძველი ქანდაკება ახალი მონუმენტით იცვლებოდა და ორი დღის განმავლობაში ორი „ქართლის დედა“ ერთმანეთის გვერდით იდგა.


მონუმენტის ავტორია ელგუჯა ამაშუკელი. ქანდაკების პირველი ვერსია სოლოლაკის ფერდობზე 1958 წელს დაიდგა, თბილისის 1500 წლის იუბილეს აღსანიშნავად. თავდაპირველად ხისგან შექმნილი სკულპტურა მოგვიანებით ალუმინით დაიფარა, ხოლო 1997 წელს 20-მეტრიანი „ქართლის დედა“ ახალი ვერსიით ჩანაცვლდა.

*წყარო: ეთ.ჯი*

*ფოტო: ბ. ზურაბიშვილი*

12 დღეში  
ივანიშვილის რეჟიმმა  
500-ზე მეტი ადამიანი დააკავა

300-ზე მეტი ადამიანი  
წამების და არაადამიანური  
მოპყრობის მსხვერპლია



التاريخ

١

التاريخ

١٠

١١

١٢

١٣

١٤

١٥

١٦

١٧

١٨

١٩

٢٠

٢١

٢٢

٢٣

٢٤

٢٥

٢٦

٢٧

٢٨

٢٩

٣٠

٣١



მარცხნივ:

საახალწლო სუფრაზე დემონსტრანტებმა ავტოგრაფები დატოვეს. მოგვიანებით, სუფრა შეინახეს და შემდეგ მსვლელობაზე საპროტესტო ბანერის სახით გამოვიყენეს.

ფოტო: კოკა ვაშაკიძე

მარჯვნივ:


აქციის მონაწილეების მიერ, საახალწლო სუფრის შემდეგ შეგროვილი ნარჩენები. რუსთაველის გამზ.

ფოტო: ეკა ელოშვილი

შურაცხყოფის შემდეგ,  
ჟურნალისტმა, მზია ამადლობელმა  
აჭარის პოლიციის უფროსს -  
ირაკლი დგებუაძეს სილა გააჩნა  
წყარო: ონ.ჯი  
ვიდეო: ტვ იმედი


“ბათუმელების” და “ნეტგაზეთის” დამფუძნებელი და დირექტორი, მზია ამადლობელი 11-12 იანვარს ორჯერ დააკავეს. პირველად სტიკერის გაკვრისთვის, რომელსაც ეწერა: “იფიცება საქართველო 15 იანვარს 15:00 საათზე”. მანამდე ამავე საბაბით აქციაზე დააკავეს კიდევ 9 ადამიანი. რამდენიმე საათში დაკავებულთაგან ოთხი — მზია ამადლობელი, თეონა ბერიძე, ციალა ქათამიძე და ნანა შავაძე გაათავისუფლეს. მალევე აჭარის პოლიციის მთავარ სამმართველოსთან მოულოდნელად ჩოჩქოლი ატყდა და მზია ამადლობელი მეორედაც დააკავეს ორ სხვა პირთან ერთად.

ტელეკომპანია იმედის გავრცელებულ კადრებში ჩანს, რომ მზია ამადლობელი აჭარის პოლიციის უფროსს ირაკლი დგებუაძეს ელაპარაკება, ის ზურგს აქცევს ამადლობელს, შემდეგ ამადლობელი მკლავზე მოქაჩავს დგებუაძეს და სილას აჩნავს, რის შემდეგაც მას აკავენ.



ნინო მხეიძე საუბრობს გაფიცვის მნიშვნელობაზე  
წყარო: ტაბულა

ძალიან მნიშვნელოვანია თვითონ გაფიცვა იმ თვალსაზრისით, რომ ამ გაფიცვასაც ერთადერთი მოთხოვნა აქვს, რომ უკანონოდ დაპატიმრებულები, რომლებსაც ბრალს ვერ უმტკიცებენ, არ არსებობენ მოწმეები, არ არსებობენ დაზარალებულები და მაინც პატიმრობაში ამყოფებენ, ეს ადამიანები უპირობოდ უნდა გათავისუფლდნენ. ჩვენ ჯერ კიდევ ქვეყანა არ ვიფიცებით ალბათ ეკონომიკური პირობების გამო, არ ვიფიცებით სოციალური პირობების გამო იმიტომ, რომ ეტყობა ეს კულტურა ჯერ არაგვაქვს, მაგრამ ამ ჯერად ვიფიცებით უსამართლობის გამო... და ეს უსამართლობა აუცილებლად უნდა აღიკვეცოს...  
და ის, რომ ამდენ ადამიანს აქვს უსამართლობის განცდა, უნდა დაფიქრდეს ალბათ ხელისუფლება, რომ რატომ აქვს ამდენ ადამიანს... ვერ გვთვლიან მართალია და სულ ვეცოტავებით მართალია, მაგრამ ჩვენი რაოდენობა იზრდება და იზრდება, ამიტომ ეს ძალიან მნიშვნელოვანია...



ნინო ზაუტაძვილი, დაკავებული  
ჟურნალისტის, მზია ამალლობელის  
სოლიდარობის აქციაზე  
წყარო: ნეტგაზეთი

საზოგადოებრივი მაუწყებლის წინ, დღეს რვა საათზე დაიწყო მზია ამალლობელის – ბათუმელებისა და ნეტგაზეთის დამფუძნებლის სოლიდარობის აქცია... წარმოდგენილია ძალიან ფართო სპექტრი ჟურნალისტების, ძალიან ბევრი კოლეგა არის მოსული აქ იმისთვის, რომ დავიცვათ მზია ამალლობელის უფლებები და მისი მხარდასაჭერა გამოვხატოთ... აი ეთერს ითხოვენ ეხლა. უნდათ რომ შევიდნენ საზოგადოებრივი მაუწყებლის ეთერში და გამოხატონ თავიანთი მოსაზრებები და გამოხატონ მის მიმართ მხარდაჭერა. მითუმეტეს, რომ მე რამდენადაც ვიცი საზოგადოებრივი მაუწყებლის ყურების საშუალება აქვთ ადამიანებს, მათ შორის საპატიმროშიც... ძალიან გულსაკლავია ეხლა რასაც ვამბობ და ვერ წარმომიდგენია, რომ მზიაზე ვლაპარაკობ... ეს ადამიანი დღეს, ამ წუთას, ჩემი აზრით აბსოლუტურად უსამართლოდ, მას გაუხანგრძლივდა პატიმრობის ვადა და ორი თვე, მარტის თვის 4 რიცხვამდე, მას მოუწევს ასევე საპატიმროში ყოფნა... რაც იყო ძალიან მძიმე გადაწყვეტილება მასთან დაკავშირებით და რა ვიცი, ჩვენ ვთვლით რომ მაქსიმალური მხარდაჭერა უნდა იყოს გამოხატული მის მიმართ, რომ არავინ არასდროს არ დაისაჯოს ისე მწარედ, როგორც ეს მზიას შემთხვევაში მოხდა. და უსამართლოდ, მე ასე ვიტყვოდი. და ზოგადად სანამ არ იქნება სამართლიანობა, სიმშვიდე არ იქნება...



## რომელ კანონიერ მოთხოვნას?

მარიამ სიჭინავა, ზუგდიდის პოლიციის შენობის წინ აპროტესტებს ახალ აკრძალვას, ფოიერვერკის გამოყენების შესახებ.

-  
რამდენიმე დღით ადრე, "ქართულმა ოცნებამ" საჯარო სივრცეში ნიღბის ტარების ამკრძალველი კანონი გამოსცა.

-  
სიჭინავა ორივე მათგანის გამო დააკავეს. მის ერთერთ სასამართლოზე, ის ზუდაპირზე დაბეჭდილი ივანიშვილის სახიანი ნიღბით მივიდა.  
ტვ პირველის ეთერი

- შეგიძლიათ ვიდეოები ჩამიგდოთ? – პოლიცია უღებს სანამ სიჭინავა ფოიერვერკებს ისვრის

- წამობრძანდით - ოფიცერი

- რატომ?

- წამობრძანდით პოლიციაში

- რატომ მიგყავართ?

- თქვენ დაკავებული ხართ

- რისთვის ვარ დაკავებული?

- გაუწიეთ წინააღმდეგობა პოლიციელს

- სად გაგიწიეთ აბა წინააღმდეგობა, მითხარით?

- არ დაემორჩილეთ კანონიერ მოთხოვნას

- რომელ კანონიერ მოთხოვნას? განმიმარტეთ, რომელ კანონიერ მოთხოვნას... მოვდივარ დედას ვფიცავარ, არ გაგიწევ წინააღმდეგობას, უბრალოდ მითხარი რომელ კანონიერ მოთხოვნას არ დავემორჩილე



ნანკა კალატოზიშვილი კითხულობს ახალი თეატრის მანიფესტს — სპექტაკლის რეგიონალური ტურნეს შემდეგ, მისი რეჟისორი - დავით დოიაშვილი კულტურის სამინისტრომ თანამდებობიდან გაათავისუფლა

რეალობას გავუსწოროთ თვალი და ხმა მაღლა ვილაპარაკოთ იმაზე, რაზეც ლაპარაკი ბევრს ერიდება, თითქოს დამნაშავეები ვიყოთ. დამამცირებლად მიგვაჩნია თუ კი ვიტყვით, რომ გვშია, გვწყურია, არ გვაქვს წამლის ფული... არ გვაქვს სწავლის ფული... გვიჭირს ოჯახების რჩენა... ეს სიღარიბეა, პრობლემა, რომელსაც ყოველ ნაბიჯზე ვხვდებით და მერე თავად ვუწყობთ სახელმწიფოს ხელს, რომ ვერ დაგვინახოს... გვერდი აგვიაროს, ჩვენი სიამაყით ისარგებლოს... არადა აქ, ამ ქვეყანაში ყოველი მეოთხე ბავშვი საარსებო შემწეობას იღებს... აქ, ამ ქვეყანაში, მაღალი ტრიბუნიდან, ეკონომიკურ წინსვლაზე გველაპარაკებინ... ცხოვრების დონის ამაღლებაზე... ვერც ამჩნევენ სამათხოვროდ გაწვდილ, გალუულ ხელებს...



აქ, ამ ქვეყანაში ბედავენ და არ ერიდებათ ოლიგარქის ქონებაზე იღელვონ და თქვენც გაიძულებენ ამაზე იღარდოთ... ტყუილებით გაბრუებენ და არც კი აღელვებთ, როგორ ირჩენს თავს უადრესად გაჭირვებული ადამიანი და როგორ არჩენს მის ოჯახს იმიტომ, რომ სახელმწიფოსთვის ესეთი ადამიანები ღიდი თავის ტკივილია... იმიტომ, რომ გაჭირვებული ადამიანები მათ მხოლოდ წინასაარჩევნოდ ახსენდებათ... ისიც დროებით, სანამ გაიმარჯვებენ...

ლიკა გუნცაძე - პოლიტპატიმრის - ანდრო ჭიჭინაძის დედა, იმავე სპექტაკლის პრემიერაზე, რომელიც ღია სივრცეში, თეატრის შესასვლელთან გაიმართა და ყველა ოპოზიციური არხის მემკვიდრით პირდაპირ ეთერში გადაიცა.  
ვიდეო: ბუთა ორჯონიკიძე

აქ, ამ ქვეყანაში უმუშევრობას სპეციფიური მეთოდებით ებრძვიან... კი, რეალური ქარხნები ვერ აამუშავეს, თუმცა წარმატებით ხსნიან სამუშაო ადგილებს თავისივე შექმნილ ტროლ-ბოტების ქარხნებში... აქ, ამ ქვეყანაში ფულის სანაცვლოდ, ენერჯიას ახარჯინებენ ერთმანეთის ლანძღვაში... ზიზღს თესავენ, რადგან სინამდვილეში ეშინიათ, რომ რეალურმა ბრაზმა სადმე არ გაიელვოს სამართლიანი მოთხოვნით... აქ, ამ ქვეყანაში ბედნიერები იქნებიან თუ კი გავქრებით, აღარ ვიარსებებთ, თავს არ შევახსენებთ გაუთავებელი პრობლემებით, გაძვირებული ფასებით, უმუშევრობით... ურჩევნიათ ყურადღება სხვა რამეზე გადაგატანინონ... ოღონდ არავინ ილაპარაკოს რეალურ პრობლემებზე... ოღონდ არავის წამოცდეს და არავინ დაძრას კრინტი სიღარიბეზე. აქ, ამ ქვეყანაში 600 ათასზე მეტი ადამიანი იღებს სოციალურ დახმარებას... ამ ქვეყნისთვის ეს წარმოდგენილად ღიდი ციფრია იმისთვის, რომ ვერ დაინახონ... იმისთვის, რომ ვერ გაიგონონ... იმისთვის, რომ ეშინოდეთ ამ ადამიანების ხმის ამოღების... აქ, ამ ქვეყანაში იღებენ კანონებს, რომელიც ყველა ჩვენგანის დადუმებას ისახავს

მიზნად. არადა, როგორ უნდა დადუმდეს ყოველი მერვე მოქალაქე, რომელიც სიღარიბის მიღმაა. აქ, ამ ქვეყანაში პენსიონერს პენსიას 35 ლარით უზრდიან და მადლობას ელიან მაშინ, როდესაც თავად ათასებსაც არ სჯერდებიან... აქ, ამ ქვეყანაში ბავშვი შემწეობად ორას ლარს იღებს... თუმცა პრემიერ მინისტრი 14600 ლარამდე იზრდის ხელფასს. მარჩენალ-დაკარგულს უუბნებიან, რომ თვეში ასი ლარით უნდა დაკმაყოფილდეს. თუმცა პარლამენტის თავმჯდომარე თვეში 14600 ლარამდე იზრდის ხელფასს... მნიშვნელოვნად გამოსატულ მშპ პირებისთვის 195 ლარს იმეტებენ, როცა პარლამენტარს 11680 ლარამდე უზრდიან ხელფასს... აქ, ამ ქვეყანაში ომის ვეტერანებს, იმ ქვეყნის ბიუჯეტიდან, რომლისთვისაც იბრძოდნენ... რომლისთვისაც თავს აკლავდნენ – 100 ლარს სთავაზობენ და იქვე მინისტრები – 12410 ლარამდე იზრდიან ხელფასს. აქ, ამ ქვეყანაში, ამ ქვეყნის დევნილებს, დაკარგული ტერიტორიების დაბრუნების სადღეგრძელოების მთქმელნი – 45 ლარად აფასებენ... თუმცა საპენსიო სააგენტოს დირექტორს ხელფასს – 14500 ლარამდე უზრდიან... ეს სია გრძელია... თუმცა ეს სია არც თქვენთვის, არც ჩვენთვის არ არის. მხოლოდ საკუთარ თავზეა გათვლილი ისევე, როგორც მათ მიერ მიღებული ყველა კანონი.

მათ ქვეყნის წინაშე დანაშაულისთვის ასანქცირებენ... და ახალი კანონით ისევ ჩვენ გვძარცვავენ... დასანქცირებულ მილიონერს ისევ ჩვენი ფულით სთავაზობენ დახმარებას... და მერე ყველას ჩვენ, აი ამ ყველაფერზე გვეუბნებიან – გიხაროდენ... აქ, ამ ქვეყანაში ხელისუფალთ ბიუჯეტი საკუთრად მიაჩნიათ. საჯარო მოხელე მონად, რომელიც თავის ხელფასის საფასურის ფასად უნდა დადუმდეს და იყოს მორჩილი. საჯარო მოხელის ხელფასი – ქრთამი არაა... და არც სახელმწიფო ბიუჯეტია ვინმეს პირადი ჯიბე... აქ, ამ ქვეყანაში ხელისუფალნი საკუთარ ხალხთან ომით დაკავდნენ... ომით, რომელსაც მშვიდობად ასაღებენ... ასეთ ომში და მშვიდობაში სიღარიბე აბა რა მოსატანია... სიღარიბე არაა სამარცხვინო... სამარცხვინო სიღარიბემდე ამ ადამიანების მიყვანაა.

ხოდა ეხლა ადექი და კითხვა დასვი: რატომ არის მტერი ყველა, ვინც ამაზე იწყებს ლაპარაკს? დასვი კითხვა: რაში ჭირდება და რაში აწყობს ხელისუფლას ღარიბი ხალხი? მე არ მენდო, დასვი კითხვა, მიმოიხედე და საკუთარ თავს დაუჯერე... და მიხვდები, რომ მოვიდა დრო ხმა ამოიღო და თქვა, რომ სოციალურ პრობლემებზე ჩვენ აღარ გავჩუმდებით... ეხლა ჩვენი დროა ვუთხრათ – გიხაროდენ, ჩვენ გავიღვიძეთ, არ გავჩერდებით, არ გავჩუმდებით, არ დავიღლებით იმიტომ, რომ ჩვენ ვართ საქართველო და ეს ქვეყანა – ჩვენია!

*პოლიტიკურმა პატიმარმა, გიორგი ახობაძემ, საქმის პროკურორს - დედამისის სიკვდილზე პასუხისმგებლობა დააკისრა. ახობაძე ნარკოტიკების შენახვის მუხლით იყო დაკავებული, თუმცა ვიდეო მტკიცებულებებისა და მოწმეების არ ყოლის გამო, ის უქვს თვიანი პროცესის შემდეგ, უდანაშაულოდ გამოცხადეს.*

მიმართვა მინდა ამხანაგი გობეჯიშვილის მიმართ... როდესაც მან წინა პროცესზე ადკვეთი ღონისძიება მოითხოვა ჩემს მიმართ, მისი განხორციელებული მოქმედება, ჩემი მხრიდან, შეიძლება ეს სუბიექტური არის, შეფასებული არის როგორც მკვლელი... მე შენ გთვლი მკვლელად ამხანაგო გობეჯიშვილო და რატომ... იმიტომ არა, რომ დედაჩემი დღეს ცოცხალი არ არის და საფლავში წევს... იმიტომ, რომ შენ დედაჩემს, პალიატიურ პაციენტს...

განვმარტავ: პალიატიური პაციენტი, არის ის პაციენტი, რომელსაც აქვს მძიმე ქრონიკული დაავადება, რომლის გამოსავალიც არის არა კეთილ-საიმედო და ის ცხოვრების ბოლო დღეებს ან თვეებს გადის... აი ესეთ პაციენტს, თქვენ როდესაც მე – როგორც ანესთეზიოლოგ-რეანიმატოლოგი, მაღალი კომპეტენციის... და მე თამამად შემიძლია ვთქვა, არა მარტო ამ ქვეყანაში, მათ შორის პლანეტარული მასშტაბის, ნებისმიერ ჩემს კოლეგას შემიძლია გვერდზე დავუდგე და შევეჯიბრო ცოდნაში, გამოცდილებაში და უნარჩვევებში...

მე და ჩემი მეგობარი, რომელიც გარეთ მელოდება, მუხმარებოდა საერთო საქმიანობაში... ორად ორი კონტაქტი ჰყავდა ესეთ პაციენტს... ესეთი პაციენტები არიან მოწყვლადი ნებისმიერი დამატებითი ჯანმრთელობის პრობლემის მიმართ... ნებისმიერმა ვირუსულმა ინფექციამ შეიძლება გამოიწვიოს მათი გარდაცვალება... აი მხოლოდ ამ მომენტამდე გთვლით თქვენ, თქვენი გადაწყვეტილების და მოთხოვნილი ადკვეთი ღონისძიების გამო მკვლელად იმიტომ, რომ იძულებული გავხდით ჩვენ, რომ გადაგვეყვანა იმდენ კონტაქტის მქონე ადგილას...

მართალია ეს ჰოსპიტალია, მაგრამ მე ჩემს კომპეტენციიდან გამომდინარე იგივე პირობები სახლში მქონდა შექმნილი... ჰოსპიტალში ხუთი ცვლა მუშაობს ექთნების, ხუთი ცვლა მუშაობს ექიმების... დაახლოვებით ორმოც კაცამდე არის ლაპარაკი... ადმინისტრატორები, რეგისტრატორები, თანმხლები პირები, რომლებიც მოდიან სანახავად პაციენტების... თქვენ გაზარდეთ პაციენტის ავადობის და სიკვდილობის რისკი... აი ამიტომ ხართ, თორემ მერე მიზეზ-შედეგობრივად რა მოხდა, თქვენგან განსხვავებით მე სიმართლის და სამართლის მხარეს ვარ... და არ ვიკადრებ იმას, რომ ის დაგაბრალოთ, რაც თქვენ არ გაგიკეთებიათ...

და ის რაც მე შემოგთავაზეთ აღკვეთის ღონისძიების ალტერნატივად... ერთ რაღაცას ვიტყვი მხოლოდ, ვიქნებოდი მე მისამართზე საბურთალოზე, თუ ვიქნებოდი მე გლდანში... დანარჩენი ყველა თავისუფლება, რომელიც შეიძლებოდა შეზღუდულიყო ჩემი აღკვეთი ღონისძიებით გლდანში, ზუსტად იგივე და მათ შორის შემოგთავაზეთ, თუ კი რამე კიდეც არის, ის რაც გამომრჩათქო, დაამატეთ და შევასრულებთქო.

არცერთი არ გაითვალისწინეთ და არ მომეცით საშუალება მიმეხედა დედაჩემისთვის. მათ შორის არ მომეცით საშუალება ჩემი ცხოვრების მთავარი პაციენტისთვის გამეწია ის დახმარება, რომელიც აბსოლუტურად ყველა პაციენტს აქვს ჩემი პრაქტიკის მანძილზე გავლილი... არცერთი პაციენტი არ გამიშვია ამ ქვეყნიდან იმ დამატებითი ძალისხმევის გარეშე, რომელიც ყველა სამედიცინო პროტოკოლს ცდება გარეთ. და შეიძლება ზოგ შემთხვევაში ჩემმა კოლეგებმა წყლის ნაცვად შემიფასონ, მაგრამ კონკრეტული ადამიანები დადიან დღეს დედამიწაზე, რომლებიც მხოლოდ იმიტომ არიან ცოცხლები, რომ მე ორმოცი წუთის მაგივრად, ორი საათი არ შევწყვიტე მათი დახმარება. დღეს ეგ კონკრეტული ადამიანები ცოცხლები დადიან... პატარა ბავშვები იყვნენ, რომლებიც დღეს თინეიჯერები არიან...

თქვენ, თქვენი დაუსაბუთებელი და უსისხლო, საერთოდ უგრძობი გადაწყვეტილებით, როცა შეგეძლოთ ეს ყველაფერი სხვანაირადაც მიგედოთ, არ მომეცით საშუალება ჩემი ცხოვრების მთავარ პაციენტთან ზუსტად იგივე ნაბიჯები გადამედგა, რომელიც თითოეულ ჩემს პაციენტს აქვს მიღებული და ამიერიდანაც მიიღებს...



ცეცხლი ოლიგარქიას -  
თაკო ხელაძის პორტრეტი,  
რომელიც ღია ეთერის მოთხოვნით  
საზოგადოებრივი მაუწყებლიდან  
ყოველდღიურ მარშს უძღვებოდა  
ავტორი: თამუნა ბუდაგაშვილი

25 იან / 2025

შიმშილობის მე-14 დღეს იწყებს

ნობელის პრემიის ლაურეატის  
მარია რესასას გამოსვლა  
კატიკანში

პროტესტები მთელი მსოფლიოს მასშტაბით მიმდინარეობს — ვენესუელიდან მოზამბიკსა და საქართველომდე, სადაც მასშტაბური საპროტესტო აქციები დაიწყო გასული წლის აპრილის შუა პერიოდში. დეკემბრიდან კი პროტესტები ყოველდღიურ ხასიათს ატარებდა, ხოლო დღეს საქართველოში მასობრივი საპროტესტო აქციები ქუჩებში 60-ე დღეა მიმდინარეობს.


ჟურნალისტებს და აქტივისტებს ძალადობით ემუქრებოდნენ და დააპატიმრეს. ერთმა ჟურნალისტმა ჩემი წიგნი მიიტანა სასამართლოზე — სათაურით: “როგორ დავამარცხოთ დიქტატორი”. საგამოძიებო ჟურნალისტი შზია ამაღლობელი დღეს იწყებს შიმშილობის 14-ე დღეს ციხეში. მან თქვა: „არ შემიძლია სიჩუმით გვერდზე დგომა.“

27 იან / 2025

შიმშილობის მე-16 დღე

შზია ამაღლობელის სოლიდარობის ნიშნად, “ბათუმელების” მთავარმა რედაქტორმა - ეთერ თურაძემ, დამე ჰარლამენტთან გაატარა და სოციალური ქსელებით პირდაპირ ეთერში გადასცა. ვიდეო ფეისბუქის ლაივიდან





მზია ამაღლობელი მის სასამართლო  
პროცესზე ხელში წიგნით:  
„როგორ დავამარცხოთ დიქტატორი“

2 თებ / 2025

დემონსტრანტ ქალებს  
პოლიციელი ას ლარიანებს  
უწოდებს  
წყარო: დაფიონი

## ას ლარიანები

- მუნდირი გაცვია და ქალებს უბნები ას ლარიანები ხართო... ვინ არის ბიჭო ას ლარიანი? გადამიღე უხლა, გადამიღე უხლა, რო დაიმახსოვრო ვინ ვარ! სამი შვილის დედა ვარ, გაიგე?

- არ გრცხვენია? ას ლარიანებს გვეძახდი?

- შენნაერებს არ ვაჭმევ ამ ქვეყანას. ნუ იცინი კიდე, ნამუსი იქონიე!




## გამოუძიებელი თავდასხმების სერია

- გენეტიკაში გაქვთ მოღალატეობა? კარგად დაიმახსოვრეთ ეს სახე... რამდენი გადაგიხადეს? არ გადაგიხადეს? ქეში არ მოგაქვთ ხოლმე, თუ გერიცხებათ თქვენ? ვის გადახდაზე ლაპარაკობთ თქვე მოღალატე... ვის უხდიან? თქვენ არ გიხდიან? თუ თქვენ უფრო ქეშად იღებთ ხოლმე. მოღალატე! – კვერცხებს ესვრიან... მონა შენ, შენი ღედას შევეცი – აგრძელებენ კვერცხების სროლას...


– მოღალატე, მონა ხარ. ესე გარბის მონა, ეს არის მონის ხვედრი. ვერასდროს ვერ მიაღწევთ იმას, რო თავისუფლად დადიოდეს თქვენნაირი მონა. გასაგებია? – გრძელდება კვერცხის სროლა.

ზურაბიშვილი პირად დაცვასთან ერთად მანქანაში ჯდება.



ეს დაბალი ხარისხის ვიდეო კადრები, თავად თავდამსხმელების მიერ არის გავრცელებული. მცირე ჯგუფი, საქართველოს მე-5 პრეზიდენტს, სალომე ზურაბიშვილს აეროპორტში დახვდა და შეურაცხყოფასთან ერთად, კვერცხები ესროლა. კამერების მიუხედავად, ეს და სხვა საქმეები ჯერ ისევ გამოუძიებელია

ეს იყო ჩემი ცხოვრების ყველაზე გრძელი წუთები. ყველაფერი, რაც ბოლო დროს გამოვიარე, თვალწინ ჩამიფრინდა. დიდი ხანია სცენაზე არ ვყოფილვარ და მორალურად უბრალოდ ვერ შევძლებდი გამოსვლას ამ პროტესტის გამოსატყვის გარეშე. ჩემს სოლიდარობას ვუცხადებ სინდისის ყველა პატიმარს. მე ყოველთვის, ყველგან და ნებისმიერი ფორმით გამოვხატავ ჩემს გულწრფელ პოზიციას. სიტყვის თავისუფლების გარეშე მე უბრალოდ ვერ ვიცხოვრებ.



ანა ამილახვარმა - "მიჯაჭვული პრომეთეს" დასრულების შემდეგ, რუსთაველის თეატრის სცენაზე, სინდისის პატიმრებს სოლიდარობა გამოუცხადა. აქციიდან მალევე, ის როლიდან გაათავისუფლეს. იგივე ბედი ეწიათ, მსახიობებს სხვა თეატრებშიც. მაისურზე: თავისუფლება სინდისის პატიმრებს


6 თებ / 2025

ამათი დასაჩაგრი ვინაა?

შორენა გაბუნია,  
ეთო ბიჭიკაშვილზე

ეს გოგონა და სხვა გოგო-ბიჭები, ყოველდღე, მთელი აქციის განმავლობაში დგანან ხოლმე რუსთაველის თეატრის მხარეს ასე, დროშებით. კიდევ თორნიკეც აქაა ხოლმე, ჩვენი სალამურა, და ჰიმნს უკრავს. ჰოდა, ახლა ამ ადგილას უჩვეულო ხალხმრავლობა შევნიშნე. მივედი და შევიტყვე, რომ თურმე ეს ძუნძგლიანი მილიციელები ამ გოგონას ადგილიდან აძევებდნენ, მაგრამ ხალხი რომ მივიდა ადგილზე, ასე ნაგვად მიეყარნენ.

ჰოდა: ამათი დასაჩაგრი აქ ვინაა?!



9 თებ / 2025

უკანონო მოსმენები

ის, რომ რეჟიმი უკანონოდ გვისმენს ეს არ არის ახალი. ამას მოწმობს ის მასალები, რაც სუსიდან გავრცელდა რამდენიმე წლის წინ. აქ იყო გაშიფრული ჩვენი და ჩვენი კოლეგების საუბრები. ასევე ჩვენი და ჩვენი რესპოდენტების საუბრები... თბილისის პროკურატურამ დაზარალებულად გვცნო, მაგრამ არ დაუსჯიათ ის პირები, რომლებიც ამავე მასალებში აგენტებად იყვნენ მოაზრებულები. მათ შორის მობილურის ტელეფონის ნომრები ვიცოდით ამ ადამიანების. რამდენიმეს ჩვენც კი მივაკვლიეთ, მაგრამ პროკურატურას საბოლოოდ არაფერი გაუკეთებია იმისათვის, რომ გამოეძიებინა ეს საქმე სრულფასოვნად. მხოლოდ ის ქნეს, რომ ჩვენ მოგვანიჭეს დაზარალებულის სტატუსი, მაგრამ ეს არ არის საკმარისი და ის, რომ რეჟიმი უკანონოდ კვლავ აგრძელებს ჩვენს მოსმენას, ჩვენი ექსპერიმენტითაც დადასტურდა. მხოლოდ ჟურნალისტებს არ გვისმენენ, უსმენენ პოლიტიკოსებს, სასამართლოს აქტივისტებს და ყველას პრინციპში, ვინც ქართული ოცნებისთვის და ამ რეჟიმისთვის არის მიუღებელი

ნინა მაჩაბელი, ჟურნალისტებისა  
და პოლიტიკოსების უკანონო  
მოსმენებზე საუბრობს  
მთავარი არხის ეთერი



ვალენტინობის დღისთვის ქალებმა სარკეების პერფორმანსი გამართეს — ისინი პოლიციის თანამშრომლებს სარკეებით პირისპირ დაუდგნენ, რომლებიც სამართალდამცველებს საკუთარ გამოსახულებას აჩვენებდა. თითოეულ სარკეზე გამიზნული გზავნილი იყო დატანილი.

ჯარიმა

შენ ქალს შეაფურთხე და ის ციხეშია

ფოტო: მაკუნა გოჩიაშვილი

ცივი და თოვლიანი ამინდის მიუხედავად, 74 წლის მზისა გაბეშია მარტვილის მუნიციპალიტეტის შენობის წინ უწყვეტ პროტესტს აგრძელებს.

— ყველა ამინდში ვდგავარ იქ და ვაპროტესტებ. ვითხოვ მზისა და ყველა პატიმრის გათავისუფლებას. დიან, ვითხოვ უდანაშაულო დაკავებულებისთვის თავისუფლებას — სამართლიანობა მინდა. ადამიანები სიკვდილის ზღვრამდე მიიყვანეს და არავინ დასჯილა. ყველამ ერთად უნდა დავეხმაროთ ჩვენს ქვეყანას.

პირველად ბათუმელებმა მოკლე ცნობა გამოაქვეყნა მზისა გაბეშიაზე — პენსიონერზე მარტვილიდან. მოგვიანებით იგი პროტესტის და წინააღმდეგობის ერთ-ერთ სიმბოლოდ იქცა; და მასზე სიუჟეტი თითქმის ყველა წამყვანმა ტელევიზიამ და მედიასაშუალებამ მოამზადა.  
ფოტო: სალომე ქინქლაძე



დათო სიმონიას პორტრეტი ცარო  
ოშაყმაშვილსა და პოლიტპატიმარ -  
არჩილ მუსელიანცზე.

რეჟიმის ტყვეებს აქციებზე ოჯახის წევრები  
წარმოადგენენ. არჩილ მუსელიანცს არავინ ჰყავდა, ვისაც  
შეიძლებოდა დაეჭირა ბანერი მისი გამოსახულებით,  
დასწრებოდა სასამართლოებს ან ესაუბრა  
ჟურნალისტებთან რეგიონში გაზრდილ ობოლ ბიჭზე,  
რომელიც კამერის დაზიანებისთვის დააკავეს.

ეს როლი ცარომ იკისრა. სახელდახელოდ დაამზადა  
ტრანსპარანტი პატიმრის ფოტოებით და ცდილობს, ბიჭს  
გააგებინოს, რომ ის ახსოვთ. ცარო მიყვებოდა, არჩილი  
აქციებზე გავიცანი და მეუბნებოდა, მომკითხავი არავინ  
მყავს, თავს არ დავზოგავო. თავი მართლა არ დაზოგა,  
მაგრამ ამასობაში მომკითხავი გაუჩნდა.

ასე შეიძინა დედობილი ობოლმა პატიმარმა, რომელსაც  
ციხიდან გამოუგზავნა საკუთარი ხელით დახატული  
საქართველოს დროშა და გალაკტიონის ლექსი:

“ვინც თავი გასწირა, ვინც სისხლი დაღვარა,

მათ ხსოვნას ქვეყანა სანთლებად აინთებს...

დროშები ჩქარა!”



საყვარელო მამა

მე ჯერ-ჯერობით კარგად ვარ. სულ ერთი პოზიციისგან 112 ვერსზე ვართ. მეორისგან 5 თუ 7-ზე. მტერი ჯერ შორს არის, ძალიან სცხებენ ჩვენები. ძალიან აღფრთოვანებულები არიან.

ცოტა თხილი და თუ შესაძლებელია რამე ტკბილეული გამოგზავნეთ. თავს გაუფრთხილდით, გკოცნით ბევრს. ისე არა ცივა. მოკითხვა ყველა ჩვენებს. ნუ გეშინიათ. გავიმარჯვებთ სახელოვნად.

-

სპორტული საზოგადოება  
"შეჯარდენის" მარში, 26 მაისი 1919

რამდენიმე წელიწადში საბჭოთა  
რეჟიმი "შეჯარდენს" ანტი  
სახელმწიფოებრივ ორგანიზაციად  
გამოაცხადებს და დამლის. მარო  
მაყაშვილიც მათი წევრი იყო

მარო მაყაშვილის წერილი მამას ფრონტის ხაზიდან.  
მეორე დღეს, 1921 წლის, 19 თებერვალს - 19 წლის  
სტუდენტი, წითელი არმიის აფეთქებულმა ყუმბარამ  
იმსხვერპლა

2015 წელს, მარო მაყაშვილის, საქართველოს ეროვნული  
გმირის წოდება მიენიჭა



ეს ვრცელი ჩანაწერი 8 მარტის ღამის სცენას ასახავს — ქალთა საერთაშორისო დღეს, რომელიც საქართველოში განსაკუთრებული ყურადღებით აღინიშნება. თუმცა თავად სცენა ნათლად აჩვენებს, თუ როგორ უპყრობა პოლიცია ქალ დემონსტრანტებს. საგულისხმოა, რომ მოვლენები უშუალოდ გდღ-ს შესასვლელთან ვითარდებოდა.  
წყარო: ია მელითაური



- აბა კაცებივით მოვიქცეთ, კაცებივით – დამეა, 8 მარტი უნდა გათენდეს. ისმის ხმა და ფონზე შავებში ჩაცმული თანამშრომლები ჩანან

- ხარებას ელაპარაკე ეგრე – ყვირის მეორე ხმა, კადრს მიღმა

- დედას შევეცი თქვენი – ისმის კაცის ხმა

- მადლობა

- დავი თქვენზე, ორჯერ შენ, ორჯერ

- კიდე მიდი ბიჭო...

- ნამუსი არ გაქვს ბიჭო? კაცი გგონია შენი თავი?

ერთი გოგო უახლოვდება ჩანთით და რაღაცას ეუბნება. - დავაი გააჯვი აქედან - ისმის კაცის ხმა და გოგოს ქეჩოთი ათრევს.

- ხელი ბიჭო, ხელი ბიჭო – ისმის ქალის ხმა ახლოდან

- ვის აგინებ, შენ კაცი გგონია შენი თავი – ჩხუბობს გოგო, რომელიც გამოათრიეს. გარშემო შავებში ჩაცმული თანამშრომლები დგანან. რამდენიმეს ნიღაბი უკეთია – შენ ხარ ჩმორი, იუბკა უნდა ჩაგაცვა – აგრძელებს ეს გოგო

- ქალის გარდა ყველაფერი ხარ – პასუხობენ იქიდან

- დედაშენს ელაპარაკე ეგრე, უზრდულო შენ

- დაწყნარდით, დაწყნარდით – მოდი სხვა რამდენიმე ადამიანი, რომელიც მოშორებით იდგა.

- ისინი დაწყნარეთ

- დაწყნარდით

- დაწყნარდით კი არა ამოვიდნენ ყელში. სახლში ელაპარაკეთ ქალებს ეგრე

- გაიარეთ

- გვაგინებენ და კიდე ჩვენ უნდა გავიაროთ?

- ნუ წივიხარ, ხო ხედავ...
- რას ქვია, გვაგინებენ. როგორ არ უნდა ვიწვილო
- ნუ წივიხარმეთქი
- ხელს რო არ ვურტყავ არ გიკვირს? რას ქვია ნუ ვწივივარ
- მიბრძანდით
- ნუ გვიწყვიტავთ სად გავივლით
- ნუ კივიხარ გოგო



- ჩემი მიწაა, ეს არის ჩემი მიწა, მე ვარ ქართველი
- მაგრა იყვირე კიდე, უუბნება კეპკიანი ოფიცერი, რომელსაც კეპკაზე ლათინურად პოლიცია აწერია
- კიდე ვიყვირებ, კიდე, ბოლომდე ვიყვირებ
- კიდე უფრო ხმა მაღლა იყვირე...
- დედის მუტელი რატო მაგინე, როცა წყნარად ვიდექი – სხვას მიმართავს
- გაიმეორე, კიდე გაიმეორე – ხელის გამჟვრით პასუხებს ერთერთი

ქალი პროტესტანტების  
პატივსაცემად თინა ცხადაძემ  
8 მარტის დემონსტრაციისთვის  
სპეციალური საფოსტო ბარათები  
შექმნა და მონაწილეებს დაურიგა.

17 მარ / 2025

## სახის დაფარვა აკრძალულია

ახალი შემზღუდავი კანონის მიხედვით, დემონსტრაციის დროს სახის დაფარვა შესაძლოა 5 000 ლარამდე ჯარიმით დასრულდეს, მთავარი გამზირის გადაკეტვაში მონაწილე მომიტინგეების იდენტიფიცირებაში სახის ამომცნობ კამერებს დახმარების მიზნით. თუმცა, დემონსტრანტებმა ამას კრეატიულად უპასუხეს და, მათივე შეფასებით, აბსურდული და არალეგიტიმური კანონი, კარნავალის მსგავს მსვლელობად აქციეს.

ფოტო: დათო სიმონია

## გაცივული ფონდები

ნანუკა ჟორჟოლიანი, მის საქველმოქმედო ფონდის ანგარიშის გაყინვაზე, რომელიც აქციაზე დაჯარიმებულებს, ჯარიმის გადახდაში უხმარებოდა

დაყადაღებულია სხვა ფონდებიც.

[prosperitygeorgia.org](http://prosperitygeorgia.org) - ნიკა გილაურის ფონდი.

Human Rights House Tbilisi - თბილისის ადამიანის უფლებათა სახლი

ფონდები, რომლებიც ბოლოს ძირითადად ჯარიმებს იხდიდნენ.

ბოლო ინფორმაციით ყადაღა მოითხოვა პროკურატურამ.



18 მარ / 2025

## არ ვაღიარებ

წყარო: ბათუმელები

ნეტგაზეთისა და ბათუმელების თანადამფუძნებელი და დირექტორი მზია ამალლობელი პატიმრობაში რჩება. აღნიშნული გადაწყვეტილება ბათუმის საქალაქო სასამართლოს მოსამართლე ვიქტორ მეტრეველმა მიიღო. განაჩენს სასამართლო დარბაზში ხმაური მოჰყვა:

- პუტინის სასამართლო
- მონები
- სირცხვილი, სირცხვილი - სკანდირებდნენ შეკრებილი მოქალაქეები.

სასამართლო სხდომა დაახლოებით ცხრა საათს გაგრძელდა.

მე არ ვაღიარებ და არც ვაპირებ ბრალდების მიღებას. თავს უკანონოდ დაკავებულად მივიჩნევ. საბედნიეროდ, დიქტატურა ჩვენს სამშობლოში ჯერ სრულად არ გამყარებულა. ამიტომ მჯერა, რომ მე და სინდისის სხვა პატიმრები შევძლებთ ჩვენი უდანაშაულობის დამტკიცებას - მზია ამალლობელის წერილი სასამართლო დარბაზიდან. ამ დროისთვის, მზია ამალლობელის სასამართლო პროცესი ბათუმის საქალაქო სასამართლოში მიმდინარეობს.



შინაგან საქმეთა სამინისტრომ OC Media-ს მულტიმედია ჟურნალისტი, მარიამ ნიკურაძე, რომელიც ამავე გამოცემის თანადამფუძნებელიც არის, „გზის გადაკეტვისთვის“ ორჯერ დააჯარიმა, ჯამში 10 ათასი ლარით. ისე, როგორც სხვა დღეებში, 11 და 15 მარტსაც ნიკურაძე ჟურნალისტურ საქმიანობას ასრულებდა, ეკეთა პრესის აღმნიშვნელი ნიშანი და ჰქონდა ფოტოკამერა, თუმცა პოლიციამ მაინც დააჯარიმა

როცა აქციებზე ვარ, ყოველთვის ჟურნალისტურ საქმიანობას ვასრულებ. ახლაც მეკეთა პრესის ბარათი, მქონდა კამერაც... – უთხრა მარიამ ნიკურაძემ რადიო თავისუფლებას

მარიამ ნიკურაძე „ევროკავშირის პრიზი ჟურნალისტიკაში 2024“-ის ერთ-ერთი გამარჯვებულია. ის ყოველდღიურად აშუქებს დედაქალაქში მიმდინარე პროევროპულ აქციებს, რომლის მთავარი მოთხოვნებიც, ახალი არჩევნების ჩატარება და სისხლის სამართლის წესით დაკავებული ადამიანების გათავისუფლებაა



წყარო: რადიო თავისუფლება  
ფოტო: მოსე


### ეთო მაღლობა

დღეს ბესიკის ქუჩიდან ჩამოვუხვით რუსთაველზე აქციის მერე და პატრულის ეკიპაჟებთან რომ ვატრიალებდი, ეთო დავინახე საქართველოს დროშით, ყოველ დღე რომ ეკიპაჟებს შორის დგას და ყველას ამცნობს, რომ იმ დღესაც რუსთაველი პროტესტისთვისაა გადაკეტილი.

ფოტოს ვუღებდი ნაწვიმარი შუშის მიღმა, რომ აი, წვიმაშიც, ქარშიც და ავდარშიც ეთო არ გვალატობს, სულ აქ დგას, რომ უცბად თავში დამარტყა, ეთოსთვისაც შემეძლო მენიშნებინა ჩემი მხარდაჭერა მანქანიდან და დავიწყე სიგნალი. ეთოს უცბად სახე გაუნათდა, გაელიმა და ხელის ქნევა დაიწყო. მისმა ბედნიერმა სახემ სხვა შემართებით დამაბრუნა სახლში!

იმედი მაქვს, ეს სხვასაც ბევრჯერ გაუკეთებია ჩემამდე მაგრამ ვისაც ჯერ არა და ეთოსთან მანქანით მოხვდებით, აუცილებლად გააგონეთ თქვენი მხარდაჭერა, ეს ყველას გვჭირდება!

ეთო, მადლობა! შენი იმედი ნამდვილად მაქვს!



ნათია ბუკია  
ეთო ბიჭიკაშვილზე

28 მარ / 2025

## ანწუხელიძე უკვდავია

ანო ჯიშკარიანი ჰარლამენტის მუშების შესასვლელთან ბანერის ჭერის გამო დაკავებულ თამარ კურატაშვილზე.

პროტესტი თეა წულუკიანის განცხადებას მოჰყვა, რომელმაც რუსეთის არმიის მიერ ნაწამები გიორგი ანწუხელიძის სიკვდილი - ვიღაცის ეგოს დაკმაყოფილებას შუადარა

ფოტო: ლევან ზაზაძე

მინდა რომ პასუხი გამცეს ყველა იმ ადამიანმა, ვისაც ერთხელ მაინც უთქვამს - 'ყველა აქციის მონაწილე დასაჭერია', 'როგორ ექცევიან პოლიციელებს, ეგენი ყველა უნდა ჩააყუდო' - როგორ გიბრუნდებათ ენა ამის სათქმელად? როგორ გგონიათ რომ აქციის მონაწილები 'რევენ ქვეყანას და ეს მთავრობა ცდილობს დააღაგოს? დიქტატურა მეტი კი არაფერი არ არის, ყველა საწინააღმდეგო აზრის მქონეს იშორებენ და ეგ გგონიათ წესრიგის დამყარება?

ამ ვიდეოში მარტო მდგომ პლაკატთან გოგოს იჭერენ, რომელმაც სცადა გაეპროტესტებინა - თვითგამოცხადებული 'ომის მოსამართლე' თეა ამმაზრზენი წულუკიანის ჩატარებული დღევანდელი სხდომა. მაგის ყურებისას კი ვისაც გული არ აგერიათ მაგათზე ლაპარაკიც არ მაქვს...



29 მარ / 2025

## ხომტარიაც დააკავეს

წერს ელენე ხომტარია იზოლატორიდან გამოგზავნილ წერილში

ცნობისთვის: ელენე ხომტარია, გუმინ, 28 მარტს პროტესტის მსვლელობისას დააკავეს წყარო: მთავარი

ყოველთვის ვერიდები ჩემი პირადი ემოციების ან შემთხვევების საზოგადოებისთვის თავს მოხვევას. განსაკუთრებით, როდესაც უამრავი ახალგაზრდა რეჟიმის და წამების მსხვერპლი.

ამასთანავე, ამჯერად გადავწყვიტე, გაგიზიაროთ, ჩემი დაკავების დროს ჩადენილი დანაშაული მხოლოდ და მხოლოდ იმიტომ, რომ ზუსტად ვიცი, მე თუ ასე

მომექცნენ, უამრავ ადამიანს კიდეც უფრო უარესად შეიძლება მოეპყრონ. ეს არც სიახლეა და არც გასაკვირი, თუმცა, ასეთ შემთხვევებში, საჯაროდ საუბარი სოლიდარობა და ერთმანეთის დაცვა არის ბრძოლის იარაღი.

მოკლედ, დაკავების შემდეგ, პოლიციის განყოფილებაში (რამიშვილზე „შუშებიანში“), პოლიციელებმა ნინო ჩხარტიშვილმა და დავით ბოლოთაშვილმა, მას შემდეგ, რაც თანამშრომლობაზე ვუთხარი უარი, ზურგისკენ ხელები ბორკილებით მჭიდროდ შემიკრეს. შემდეგ ნინო ჩხარტიშვილმა და დავით ბოლოთაშვილმა ყბებზე და კბილებზე მომაყენეს დაზიანება. არ შეგარცხვინეთ მეგობრებო, „ოლე, ოლას“ სიმღერით მაგრად ვაწვალე და ვერც ვერაფერი დამაკლეს. კიდეც უფრო შეურაცხმყოფელი ეპიზოდი მოხდა დიდობში, დროებითი მოთავსების იზოლატორში, სადაც ასევე ჩემი ნების საწინააღმდეგოდ პოლიციიდან გამოძახებული ბრიგადის მეშვეობით, ისევ უკან შემიკრეს ხელები. ორ პოლიციელს ვეჭირე (ნინო ჩხარტიშვილს, სალომე ლაშხიას და კიდეც ერთს) მეჭიდავებოდნენ და სრულად გამაშიშვლეს. ეს ძალადობრივი გამიშვლების პრაქტიკა არის ადამიანის ღირსების შელახვისა და მათზე ფიზიკური ძალადობის უღირსი რუსული საძაგელი მეთოდი.

კიდეც ერთხელ ბოდიშს ვიხდი, რომ ამდენი პრობლემის ფონზე, ჩემს თავზე გესაუბრებით, მაგრამ ჩავთვალე, რომ საქმეს ასე სჭირდება და ჩემს პირად დისკომფორტს გადავაბიჯე.



პოლიტიკური პატიმრის, ირაკლი მიმინოშვილის დედა, დამეს პარლამენტთან ატარებს ფოტო: საქართველოს სამსახურში

ანი ქარქაშაძე, როგორც  
ყოველთვიის პოლიციელებს  
მიუჩვენებდა  
წყარო: კესო ქინქლაძე

ნუ იყურები უკან, ნუ გეშინია აქედან არავინ გესვრის – ანი ქარქაშაძე პოლიციელს – რამენაერად, აქეთკენ დასაცავები გამიხდებით მერე და არ იფიქროთ, რომ რომელიმე დაგიცვათ. თქვენს წინააღმდეგვე იქნება გამოყენებული, თქვენივე სიტყვები. ცრუ მოწმეები რო ხართ... ჩვენი ბავშვები რო ჩააჩინეთ ციხეში, სამშობლოს რო უღალატე და რუსეთს რო ემსახურები... თქვენ ეს კანონი მოგიბრუნდებათ უკან... რუსეთი არის ოკუპანტი, რუსეთმა დაიწყო ომი...



მარჯვნივ:  
მაიკო მაჭარაშვილი პროტესტზე  
დროშით. მოგვიანებით მისმა  
მეგობარმა, ანანო სამუშიამ,  
საჯაროდ გამოთქვა ეჭვი იმის  
შესახებ, შეიძლება თუ  
არა მაიკოს გარდაცვალებას  
კავშირი ჰქონოდა დარბევების  
დროს გამოყენებულ ქიმიურ  
ნივთიერებებთან.  
ფოტო: ანანო სამუშია

არ გიცნობდი მაგრამ ამავე დროს ძალიან ახლობელი იყავი. მთელი დღე შენზე ვფიქრობ და ვეკითხები განგებას რატომ? ჯოჯოხეთი და სამოთხე არსებობსო ამბობენ, ჰოდა შენ სამოთხეში წახვედი, რადგან აქ ჯოჯოხეთია. უსამართლო და უსინდისოა ეს ოხერი ცხოვრება. კარგად ლამაზო გოგო, შენი სახელით ვიბრძობ

ანი ქარქაშაძე გლოვობს აქტივისტ მაიკო მაჭარაშვილის გარდაცვალებას — მისი სასამართლო-სამედიცინო დასკვნა ოჯახს ივნისში გადაეცა; თუმცა, თვეების შემდეგ საქმე კვლავ გამოუძიებელია, ხოლო მისი პირადი ნივთები — მათ შორის ტელეფონი — კვლავ პოლიციის განყოფილებაში ინახება.





9 აპრ / 2025

ორსულად ვარ, არ დამარტყა

წყარო: აშკარად  
ფოტო: ელენე ლაპაჩი /  
ეროვნული ბიბლიოთეკა  
9 აპრილს დაღუპული 19  
ადამიანიდან 17 ქალი იყო.

9 აპრილს მოკლული, ერთ-ერთი გმირი, ელისო  
ჭიპაშვილი 25 წლის იყო

რესპუბლიკურ საავადმყოფოში მუშაობდა სანიტრად

6 თვის ორსული გავიდა აქციაზე

იმ დამით ვიღაც ბავშვისთვის დაურტყამთ რუსებს და  
იმას გადაეფარა. მერე თვითონ ელისოს მოუტრიალდა ის  
რუსი

არ დამარტყა, ფეხმძიმედ ვარო, უთხოვია

და იმას კიდევ უფრო გამეტებით დაურტყამს: „იშჩო  
ლუჩშეო!“ (მთლად უკეთესიო)

...

36 წლის თავზეც ამ ძალასთან გვაქვს საქმე, ოღონდ  
ქართული სახელებით

### 9 აპრილის სიმბოლო

ნანა მახარაძე - ქალი დროშით,  
9 აპრილის ერთერთი სიმბოლო  
ფოტო: მოსე

აქ შეკრებილ ადამიანებს ე.წ. მთავრობა უსამშობლოებს  
გვცაბნის, მაგრამ შეგვეჯიბრეთ ჩვენ სამშობლოს  
სიყვარულში — 9 აპრილის სიმბოლო, ქალი დროშით,  
ნანა მახარაძე





ფოტო: სოფო აფციაური

პოლიტიკატიმრების მშობლები 9 აპრილის მემორიალთან დარაჯობენ. მათ ღამე იქ გაათენეს, რათა „ქართული ოცნების“ წარმომადგენლებს არ მისცემოდათ ადგილზე მიახლოების შესაძლებლობა. სივრცესთან, რომელსაც ყოველწლიურად ტრადიციულად სტუმრობენ როგორც პოლიტიკოსები, ისე საერთაშორისო დიპლომატები.

10 აპრ / 2025

გააუქმეთ ჟურნალისტიკა

ჟურნალისტი ელისო ჯარიაშვილს გზის გადაკეტვაში ადანაშეულებენ წყარო: ჰუბლიკა

„ფორმულას“ ჟურნალისტი, ტელეწამყვანი ელისო ჯარიაშვილი ამბობს, რომ შსს გზის გადაკეტვას ედავება. მისი თქმით, საქმე ეხება 12 მარტს, როცა უკვე გადაკეტილ რუსთაველის გამზირზე გადაცემისთვის მოქალაქეებთან ინტერვიუებს წერდა.

ჯარიაშვილი „ჰუბლიკასთან“ ამბობს, რომ შსს-ს წარმომადგენელმა მიაწოდა ინფორმაცია, რომ ოქმი შედგენილია, თუმცა არ აცადა თქმა, რომ ის პროფესიულ მოვალეობას ასრულებდა.

„კი აღარაფერი აღარ გვიკვირს, მაგრამ მაინც მოულოდნელი იყო, ჟურნალისტურ საქმიანობას ვასრულებდი, უკვე გადაკეტილ რუსთაველზე ინტერვიუებს ვწერდი, ზუსტად მახსოვს ეს დღე, რომელზეც მედავებიან, 12 მარტია. [...] თუ ჩემი პოზიციას გაინტერესებთ და შეფასებაც, უკვე ბარემ პირდაპირ ჟურნალისტიკა გააუქმოს რეჟიმმა, ალბათ ჯობია ამდენ წვალებას, იმიტომ, რომ არაფერი არ გვაჩერებს სხვა, ხელავენ“, – ამბობს ელისო ჯარიაშვილი.

## 16 დაფიქსირებული შემთხვევა

წყარო: ნეტგაზეთი  
მოგვიანებით თოზუ გულმამედლი  
ჰოლანდიის საელჩოსგან  
ადამიანის უფლებების ტიტით  
დაჯილდოვდა

“16 თებერვალს, “მაუწყებლის” რეპორტიორი თოზუ გულმამედოვა რუსთაველის გამზირზე საკუთარ პროფესიულ მოვალეობას ასრულებდა. 8 აპრილს, შსს-ს წარმომადგენელმა მას დაჯარიმების თაობაზე აცნობა. ჟურნალისტს გზის გადაკეტვას ედავებთან.” – ავრცელებს ინფორმაციას “მაუწყებელი”.

თოზუ გულმამედოვის შემთხვევა პირველი არაა – აქამდე დაფიქსირდა 16 შემთხვევი, როდესაც პოლიცია ჟურნალისტებს, რომლებიც იმ დროს პროფესიულ მოვალეობას ასრულებდნენ, გზის ხელოვნურად გადაკეტვას ედავება.

13 აპრ / 2025

## ქორწილი ციხეში

ავტორი: დათო სიმონია

11 აპრილს რეჟიმის ერთ-ერთმა ტყვემ, ირაკლი ქერაშვილმა და ქეთიმ ციხეში იქორწინეს. ხელისმომკიდებლად ბადრაგები ჰყავდათ. ათწუთიანი აღნიშვნის შემდეგ ირაკლი საკანში დაბრუნდა, ქეთი – ირაკლის გამოსახსნელ ბრძოლაში. ეგრეა. ზოგ სიყვარულს გისოსები ვერ აკავენ, როგორც ირაკლის და ქეთის შემთხვევაში. ზოგ ტყვეობას გისოსები არ სჭირდება, როგორც ირაკლის დამტყვევებლების შემთხვევაში.



*დაუშვებელია, სანქცირებულმა მოსამართლემ სასამართლო პროცესი წარმართოს — ელენე დევიძე, მათე დევიძის და ტვ პირველის ეთერი*

პირველ რიგში ვიტყვი იმას, რომ 2008 წელს ომი დაიწყო რუსეთმა...

ერთი წამი, ერთი წამი... – აწყვეტინებს მოსამართლე – მე გითხარით საწყის ეტაპზევე, საქმესთან დაკავშირებით შეგიძლიათ ისაუბროთ – მოსამართლე, კობა ჩაგუნავა

საქმესთან დაკავშირებით ვსაუბრობ... 1989 წლის 9 აპრილსაც არა-უცხოურმა ძალებმა, როგორც ამას ჩვენი თვითმარქვია და არალეგიტიმური ხელისუფლება ბოდავს, არამეტ რუსეთმა მოაწყო სასაკლაო საქართველოში, რუსთაველის გამზირზე... და თქვენ იმისთვის მიწერთ ჯარიმას, რომ ამ არალეგიტიმური დაჯგუფების აფსურდებს ვაპროტესტებ? იმისთვის მიწერთ ჯარიმას, რომ ჩემი 21 წლის ძმა უკანონოდ გამოამწყვდიეს ციხეში და რაღაც სისულელეებს ედავებიან? იმისთვის მიწერთ ჯარიმას, რომ სინდისის პატიმრების თავისუფლებას მოვითხოვ? თან მაშინ, როცა ამის კანონიერი უფლება მაქვს... გარდა ამისა, ყოვლად დაუშვებლად მიმაჩნია ის ფაქტი, რომ სანქცირებული მოსამართლე მასამართლებს.

ფაქტთან დაკავშირებით... ფაქტთან დაკავშირებით... კარგით თუ აგრძელებთ, მაშინ არ გსურთ ესე იგი სიტყვით სარგებლობა, რომელიც ფაქტს ეხება...

იმის თქმა მინდოდა, რომ არც თქვენი ჯარიმების მეშინია და არც არაფრის... ვერ შემაშინებთ, უსამართლო სასამართლოს უნდა ეშინოდეს ხალხის ძალის.



23 აპრი / 2025

## ბედნიერ აღდგომას



ფოტო: სოფია ტაბატაძე

ბედნიერ აღდგომას, თუ მას შეიძლება ბედნიერი ეწოდოს საქართველოში - სოფია ტაბატაძე დღესასწაულს ტრადიციულად შეღებილი სააღდგომო კვერცხების ფოტოს გამოქვეყნებით გამოეხმაურა — თუმცა მათზე გაკეთებული საპროტესტო სლოგანები, თეთრი ფერის ფლომასტერით დაფარა. იმავე ფორმით, როგორც პოლიტიკური გზავნილები თბილისის კედლებიდან იშლებოდა. მოგვიანებით მან ეს ვიზუალური ენა, ღია ბარათების სერიად გარდაქმნა და მას „ახალი ქართული ანბანი“ უწოდა. ბარათების გაყიდვიდან მიღებული თანხა მთლიანად მოხმარდა დაჯარიმებულთა დახმარებას.

## ჯარიმა არასწორი პარკირებისთვის

8 მარტს დაჯარიმდი მანქანის არასწორი გაჩერებისთვის, 5000 ლარით. არ მყავს მანქანა. ქეთევან ქერაშვილი – პოლიტპატიმრის, ირაკლი ქერაშვილის და

## შეურაცხყოფა არაა - ფაქტია

ალბი კორძია ერთ-ერთია მათ შორის, ვინც 12 აპრილის დამეს თუა წულუკიანის სახლთან პროტესტის ნიშნად მას შემდეგ მივიდა, რაც თუა წულუკიანმა რუსთავი 2-ის ეთერში საქართველოს ეროვნულ გმირს, გიორგი ანჭუხელიძეს „ვიდაცის პიარისტვის უაზროდ გაჩირული“ უწოდა. წყარო: ბათუმელები

აქტივისტი ალბი კორძია ამბობს, რომ შინაგან საქმეთა სამინისტრომ თუა წულუკიანის შეურაცხყოფის ბრალდებით მის წინააღმდეგ ადმინისტრაციული საქმის წარმოება დაიწყო. ალბი კორძია გამომძიებელთან სატელეფონო საუბარს თავის ფეისბუქ გვერდზე ავრცელებს, სადაც გამომძიებელს მიმართავს: „ჩემი პოზიცია ძალიან კარგად არის თქვენთვის გასაგები, რომ თუა წულუკიანი არის რუსი, ქვეყნის მოღალატე, და ეს შეურაცხყოფა არ არის. ეს ფაქტია“.

ნინო ხარჩილავა მის გაუარესებულ ჯანმრთელობის მდგომარეობაზე. თვეების შემდეგ, ბიბისი დოკუმენტურ ფილმს აჩვენებს - "წყალი რომელიც წავს" და ამ თემას საერთაშორისო სკანდალად გადააქცევს. ხელისუფლების მხრიდან მოკლე პასუხის და საქმის დახურვის მიუხედავად, ხალხი კვლავ ითხოვს საერთაშორისო და გამჭირვალე გამოძიებას.

მეგობრებო, კარგად ვარ. ბევრნი მწერთ და ცალცალკე რომ არ ვწერო, აქვე გიპასუხებთ ყველას. აქციებზე გაზით ინტოქსიკაციის შესახებ ბევრმა დაწერა და მინდა მეც გაგიზიაროთ ჩემი გამოცდილება, რადგან ჩემს შემთხვევაში მწვავე შედეგები გამოვლინდა ცოტა გვიან და პიკს მიაღწია ამ დღეებში, თუმცა სიმპტომები მაშინვე, დეკემბერში სახეზე იყო. დამჭირდა ჰოსპიტალიზაცია სისხლის ანალიზში თრომბოციტების მკვეთრი ვარდნის გამო. სიმპტომები იყო ძირითადად ძლიერი სისუსტე, სისხლჩაქცევები და წითელი წინწკლები კანზე, ჭრილობებიდან გადაჭარბებული სისხლდენა. დროულად ვერ მოვახერხე ექიმთან მისვლა და შედეგად, ჩემი მდგომარეობა დამძიმდა, თუმცა, საბედნიეროდ, მკურნალობას დაექვემდებარა და უკეთ ვარ.

ამას იმიტომ არ ვწერ, რომ შეგამინოთ, მაგრამ მოვალეობად მიმაჩნია, გაგაფრთხილოთ ვინც აქციებზე იყავით გაზის გაშვების დროს ჯანმრთელობასთან დაკავშირებული ნებისმიერი ცვლილების შემთხვევაში ყურადღებით იყოთ. სისხლში თრომბოციტების მკვეთრმა დაცემამ შეიძლება გამოიწვიოს სისხლჩაქცევა არა მხოლოდ კანზე, არამედ სასიცოცხლოდ მნიშვნელოვან ორგანოებში, მათ შორის ტვინში და დამთავრდეს ლეტალურად.

ფაქტობრივად ხალხი სასიკვდილოდ დაგვწამლეს და ისე გაგვძარცვეს, რომ მკურნალობის ფულიც აღარ დაგვიტოვეს. ამიტომ, გთხოვთ ვისაც საშუალება გაქვთ, აუცილებლად ჩაიტარეთ გამოკვლევები და ვისაც არა, ერთობლივი ძალებით მოვიძიოთ რესურსი.



*მირანდა ბაღათურისას  
სასამართლოს მანდატურზე  
თავდასხმაში დასდეს ბრალი  
— მიუხედავად იმისა, რომ ის  
საერთოდ არ იმყოფებოდა  
შემთხვევის ადგილზე.  
ტვ ჰირველის ეთერი*

- ძალიან სასაცილოა... მე იმედი მაქვს, რომ ამ შუამდგომლობას არ დააკმაყოფილებს მოსამართლე იმიტომ, რომ მართლა პრეცედენტი იქნება ადამიანი ციხეში ადმინისტრაციული პატიმრობით გაუშვან, როდესაც... ანუ იმ ადამიანზე ედავებიან შეურაცხყოფას, ვინც ფიზიკურად არ უნახავს იმ დღეს და გადაკვეთა არ ქონია – მირანდა ბაღათურია

- სად იყავით? – ნანუკა ქაჯაია

- მე მეორე სართულზე ვიყავი, ნიკა გვარამიას სასამართლო პროცესი მიმდინარეობდა და იქიდან გამომდინარე, რომ მისი პრეს-სამსახური ვარ, ჩემი პირდაპირი ვალდებულებაა ამ პროცესზე დასწრება. პარალელურად მიმდინარეობდა ჩემი მეგობრის – საბა სხვიტარიძის პროცესი. როდესაც ატყდა აქ ჩოჩქოლი, მე ვიმყოფებოდი ზედა სართულზე და ნიკა აძლევდა ინტერვიუს ჟურნალისტებს და ბუნებრივია, ბოლომდე ვიდექი იქ. შემდეგ უკვე, როდესაც გარეთ გამოვედი, მირიან ქავთარაძეს უკვე დატოვებული ქონდა შენობა. მთავარი ის არის, რომ მოწმეები არიან, რომლებიც მეუბნებიან, რომ თითქოს ფოიეში დამინახეს. ერთი ამბობს, რომ ფოიეში დამინახა რამდენჯერმე... პირდაპირი ლაივ სტრიმი არსებობს საზოგადოებრივი მაუწყებლის, სადაც ჩანს, რომ ნიკა გვარამიას პროცესზე როგორ შევედი და დასრულების შემდეგ გამოვედი. შსს ჩემი აზრით ითხოვს იმიტომ, რომ ეს არის პირდაპირი დაკვეთა. მირიან ქავთარაძე ვნახეთ, რომ არის ეზოში... მე ვარ ერთერთი მთავარი მოწმე საბა სხვიტარიძის საქმეზე... აქედან გამომდინარე, როგორც ყოფილი ჟურნალისტი და მთავარი მოწმე, ზუსტად ვიცი, რომ როდესაც ხარ საქმის მთავარი მოწმე, არა თუ პროცესზე გეკრძალება დასწრება, ახლოსაც კი არ უნდა იყო, რომ ინტერესთა კონფლიქტი არ მოხდეს. დამინებაზე მეტად მე მგონია, რომ შურისძიების მცდელობაა. არ ვართ დაშინებულები... მართლა ფეხებზე მკილია, ბოლიში... მე მგონია რო უბრალოდ შურისძიების ამბავია... ოთხი მოწმე გამოვიდა და ჩემთან მიმართებაში ვერცერთი ვერ ამბობდა ზუსტად რას ვამბობდი და ყველა ამბობდა, რომ მირიან ქავთარაძემ როდესაც დატოვა შენობა, მერე დამინახეს. ორი შსს-ს წარმომადგენელი ქალი ითხოვს პატიმრობას და რავიცი, ვნახოთ... ხუთი დღე თუ გამიშვებენ, დავისვენებ ცოტათი...

1 მაისი / 2025

## მშრომელთა დღე

საქართველოში დამოუკიდებელი პროფკავშირები კვლავ იშვიათობაა. რიგ შემთხვევებში პროფკავშირული საქმიანობა ხელისუფლების ჩარევითა და მანიპულაციებით არის დასუსტებული. ფოტო ალექსანდრე ქეშელაშვილი/ვუბლიკა

მშრომელთა საერთაშორისო დღეს 10 პროფკავშირისა და „მოდრაობა სოციალური დემოკრატიისთვის“ ორგანიზებით, აქცია გაიმართა. მოქალაქეები საღამოს ორბელიანის მოედანზე შეიკრიბნენ, სადაც მშრომელთა სხვადასხვა ჯგუფის წარმომადგენლები გამოვიდნენ სიტყვით. შემდეგ აქციის მონაწილეებმა ორბელიანის მოედნიდან მსვლელობით მთავრობის ადმინისტრაციასთან გადაინაცვლეს, ბოლოს კი საპროტესტო მარში რუსთაველის გამზირზე მიმდინარე აქციას შეუერთდა, სადაც მოქალაქეები უწყვეტად უკვე 155-ე დღეა იკრიბებიან.



3 მაისი / 2025

## გზავნილი ჟურნალისტებს

შზია ამაღლობელის გზავნილი ჟურნალისტებს წყარო: ბათუმელები

მოგმართავთ კოლეგებს...

კოლეგებს, რომლებიც ქართულ კრიტიკულ მედიას და საზოგადოებრივ ინტერესებს წარმოადგენთ. შთამაგონებელია თქვენი სოლიდარობა და დასანანია ახლა თქვენს გვერდით რომ არ ვარ. ახლა, როცა სრულიად დაუცველ გარემოში გიწევთ მუშაობა და თქვენს ყოველდღიურ თავგანწირვაზეა დამოკიდებული ისმოდეს უსამართლობის და წინააღმდეგობის ხმა.

ხმა, რომელსაც ძალადობით, შანტაჟით, მუქარით და ათასგვარი გამოგონილი სასჯელით ახშობს ოლიგარქის

რეჟიმი. აქ პატიმრობისას განსაკუთრებით გამძლიერდა რწმენა ჩემი პროფესიის. ჟურნალისტიკა გაცილებით მეტია, ვიდრე ინფორმაციის მოძიება, დამუშავება და გავრცელება. ბოტების, ტროლების, პროპაგანდის და ოლიგარქების სამყაროში ჩვენ უნდა შევძლოთ გადარჩენა და იდეალებისთვის, უკეთესი, ევროპული მომავლისთვის მუშაობა.

მჯერა, სანამ კიდევ იქნებიან, გამოჩნდებიან ადამიანები, რომლებიც გეტყვიან, რომ მარტო არ ხართ, მანამდე შევძლებთ საკუთარი პროფესიის და ქვეყნის შენარჩუნებას და განვითარებასაც. ამიტომაც მოვუწოდებ ჩემს მოქალაქეებს, ითანამშრომლონ მედიასთან და ჟურნალისტებთან ერთად ამხილონ ყველა ის პირი, ის წრე და ჯგუფი, ვინც ნორმად აქცია კორუფცია, უსამართლობა და ძალადობა. ვინც გვძარცვავს, გვადარბებს და გვღალატობს.

მოვუწოდებ ქართულ ბიზნესს, რომ აიღოს პასუხისმგებლობა თავისუფალი, კრიტიკული მედიის გადარჩენაზე. მივმართავ თანამედროვე ცივილურ სამყაროს – ნუ დაგვტოვებს რუსეთის და მისი ინტერესების გამტარ ავტორიტარულ რეჟიმთან პირისპირ, მარტო.

ნუ დაკარგავთ თავისუფლების ხმას საქართველოდან!



მაცხოვრებლები მიესალმებიან ქაოტურ ლოკაციებზე მარშების მონაწილეებს  
ფოტო: ლიზუ ახალაძე

5 მაისი / 2025


შავი კვამლი სასამართლოში

საპროტესტო აქცია თბილისის  
საქალაქო სასამართლოს უბოში  
ფოტო: ტაბულა




ახალი ქართული ანბანი

ახალი ქართული ანბანი, იყიდება 120 ლარად და  
ფული მთლიანად ჯარიმების გადახდას ხმარდება.



ახალი ქართული ანბანი  
სოფია ტაბატაძის ღია ბარათი

## რუსული მეთოდი



წყარო: ნუცა მახარაძე

ერთი თვეა მე და ქეთის დაგვსდევენ, 15 წუთის წინ ლიფტის კართან დაგვხდა ერთი არარაობა და წიწაკის სპრეი და საღებავი შეგვასხეს და თქვენი ნაცი დედა მოვტყანო ასე მოგვაცახა! დანარჩენს მერე გეტყვით!

პირველ რიგში, ძალიან დიდი მადლობა თანადგომისთვის ჩემო თანამებრძოლებო! კარგად ვართ, მხნედ, შემართებით და ამათი დაშინებული არ გაიშვას, რა ვერ გაგვიცანით ბიჭო, რაღაც ჩაანალიზეთ ცოტა! აქვე ვიტყვი, რომ მხნეობასთან ერთად ქეთევანს და სალომეს აქვთ პირველი ხარისხის დამწვრობა, სალომეს დაზიანებული აქვს თვალის რქოვანა, აქვს საშინლად შეშუპებული და ეწვის, სიბნელეში ზის, რადგან სინათლეზეც რეაგირებს... გუმინ რაც მოხდა, რუსული მეთოდით თავდასხმაა, რუსული დამოკიდებულებაა მოქალაქეების მიმართ, სიძულვილი, ზიზღი და თან უკიდურესი სიმხდალე და სილაჩრე, სინამდვილეში, შიშით ასეთ არარაობებს მართავს ეს რუსული, ბნელი სისტემა და ვერანაირად ვერ გვიმორჩილებს ჩვენ – ასე იქნება მუდამ! მებრძოლ და წესიერ ადამიანებს ვერ შეაშინებთ, შიშები თქვენკენ მოიკითხეთ ცვედანო არაკაცებო! ყველა დაისჯება, აუცილებლად!

ნათია ბუკიამ გააზიარა ადამიანის უფლებათა ანგარიშიდან ამონარიდები, რომლებიც ასახავს იმ ენას, რომელსაც პოლიციის თანამშრომლები დაკავებულების მიმართ იყენებდნენ

- რამდენის ჩადება შეგიძლია პირში ერთად?
- მუხლებზე დაგაყენებთ და პირში მოგცემთ, შე ბოზო, შეგვიძლია პირში ჩაგაჯვათ.
- რო მოგტყნავ, მუტლიდანაც მასე წამოგივა სისხლი

ეს არის ტექსტები, რომლებსაც ნამდვილ ცხოვრებაში და არა თეატრში ქართველი პოლოციელები ეუბნებოდნენ ქართველ ქალებს აქციების დროს! რა ფარისეველია ხელოვნებაში უხამსობით აღმფოთებული ხალხი ან ვითომ რელიგიის შეურაცხყოფით აღმფოთებული, რომელსაც არც ეს აწუხებს, არც ნაწამები და თავ-პირდალეწილი ხალხი აქციების დროს, არც ზილიონკა შესხმული გოგო, არც შემოსავლის გარეშე დაეჩენილი მთელი ქალაქი, არც გელათის ფრესკები და არც ციხეში წამებით მოკლული კაცი. სარკეში ჩაიხედეთ, რას გავხარო. იმედია, ამაზე ბოლოჯერ ვწერ.




სამართალი ურმით დადის - პერფორმანსი თბილისის საქალაქო სასამართლოსთან ფოტო: სალომე კვარაცხელია

11 მაისი / 2025

## თუ ისევ გამოჩნდები

დას უნდა შევხვედროდი და შემდეგ ერთად ავსულიყავით სახლში. გზაში, დამხვდა ორი უცნობი მამაკაცი. ერთმა სახეში წიწაკის სპრეი მომასხა, შემდეგ კი ორივემ ერთად მიწაზე დამაგდო. სანამ მიიმალებოდნენ, მითხრეს: „თუ ისევ აქციაზე გამოჩნდები, უარესისთვის მზად იყავიო.“



თაია ცეკვაძას გადაღებული სელფი მასზე უცნობების თავდასხმის შემდეგ

12 მაისი / 2025

## ტვინის შერყევა

მარიამ მაკასარაშვილის კომენტარი, ყოფილი ვიცე გუბერნატორის მამის თავდასხმის შემდეგ. მორე დღეს მას ტვინის შერყევა დაუდგინდა და იძულებული გახდა საავადმყოფოში დარჩენილიყო ტვ პირველის ეთერი

როცა აქ მოვედით გიორგის [შინჯიკაშვილის] სახლთან, მამამისი აქ იმყოფებოდა. მივედით და ვკითხეთ შეიძლებოდა თუ არა მასთან გასაუბრება. არსებობს ჩანაწერი, რომ გვითხრა “მობრძანდითო”... ჩვეულებრივად გვესაუბრებოდა, ისიც გვითხრა, რომ ხარებასთან არანაირი დაპირისპირება ჩემ შვილს არ ჰქონიაო... დავასრულეთ ინტერვიუ, რაც მისი ნებაყოფლობით იყო. გამოვედით გარე სივრცეში, ჩემი ოპერატორი კადრს იღებდა, მოულოდნელად გამოიქცა, ოპერატორს წაართვა კამერა, ხელში რომ დაიჭირა მოტეხა განათების ნაწილი და კიდევ რამდენიმე ნაწილი

[კამერას]... რომ დაინახა მობილური, რომ მქონდა ეგონა ვიღებდი, ეს მობილურიც გამომართვა... მუშტი მოიქნია და მთელი სიძლიერით მომარტყა სახისა და თავის არეში... თავბრუსხვევა მაქვს, თავის ძლიერი ტკივილი და თვალის ძლიერი ტკივილი. მივდივართ კლინიკაში.

რამდენიმე მანქანა მოვიდა შავი დაბურული მინებით და გვითხრეს: “ამ აპარატურას კი დაგიბრუნებთო, მაგრამ რატომ მოხვედით აქ და ხარებაზე კითხვებს რატომ სვამდითო?”

12 მაისი / 2025

## გილოცავთ, მზია

ჟურნალისტები და აქტივისტები რუსთავის ქალთა ციხის გარეთ შეიკრიბნენ, რათა მზია ამაღლობელისთვის დაბადების დღე მიელოცათ.

სოლიდარობის ნიშნად, კოლეგებმა სურვილები ფრანგულზე დაწერეს და ქალთა ციხის მიმართულებით გაუშვეს.



ნინია კაკაბაძე კედლების მიღმა  
მზია ამაღლობელს მილოცვას  
უგზავნის  
ფოტო: ელისო ჯარიაშვილი

14 მაისი /2025

## სისხლით დავიჭერ

წყარო: ბათუმელები

ირაკლი დგებუაძე იძულებული გახდა ეღიარებინა, რომ პოლიციელი, რომელიც მზია ამადლობელს აგინებს, თვითონ არის. “სისხლით დავიჭერ... ბოზიშვილი ვიყო,” – ისმის ვიდეოში, რომელიც 12 იანვარს, მზია ამადლობელის დაკავების მომენტს ასახავს. დაკავებულ ქალს, რომელიც ორ პოლიციელს მიჰყავს, ირაკლი დგებუაძე უკან მისდევს და აგინებს.

23 მაისი /2025

## ჯარიმა მუშაობისთვის

წყარო: ჰუბლიკა

მოსამართლე ზვიად ცეკვაძამ „ჰუბლიკის“ ჟურნალისტი მარიამ ქავშბაია 5000 ლარით დააჯარიმა. შინაგან საქმეთა სამინისტრო მას 3 თებერვალს გზის გადაკეტვას ედავებოდა. ჟურნალისტი ამ დროს (მანამდეც და მომდევნო პერიოდშიც) პროფესიულ მოვალეობას ასრულებდა, მუშაობდა, და რუსთაველზე მიმდინარე უწყვეტ აქციას აშუქებდა. მარიამ ქავშბაიამ სასამართლოს წარუდგინა მტკიცებულებები – ამ დღეს მის მიერ გადაღებული ფოტომასალა – „ჰუბლიკის“ ფეისბუქგვერდზე გამოქვეყნებული მასალები მისი ავტორობით. თავად შინაგან საქმეთა სამინისტროს მიერ წარმოდგენილ ვიდეომასალაშიც ჩანს, როგორ მუშაობს ჟურნალისტი აქციის მიმდინარეობისას. მიუხედავად ამისა სასამართლომ მარიამი, რომელიც ამავდროულად სტუდენტია, 5 000 ლარით დააჯარიმა.



პროტესტის 167-ე დღე  
რუსთაველის გამზირი  
ფოტო:  
მარიამ ქავშბაია / ჰუბლიკა

„შვილთან მისულს ციხეზე, იქ მომიტანეს 5000 ლარიანი ჯარიმის განჩინების ფურცელი“ — წერს სოციალურ ქსელში რეჟიმის პატიმრის თორნიკე გომადის დედა

### კარმის გეშინოდეთ

წყარო: ჰუბლიკა

ლიკა ლორთქიფანიძეს სასამართლომ 12-დღიანი ადმინისტრაციული პატიმრობა შეუფარდა. მას შინაგან საქმეთა სამინისტრო პოლიტიკოს მარიამ ლაშხის შეურაცხყოფას ედავებოდა. საქმე მოსამართლე დავით თეთრაულმა განიხილა. ადვოკატი მიხეილ თათარაძე „ჰუბლიკასთან“ ამბობდა, რომ ლორთქიფანიძის მხრიდან არანაირ სამართალდარღვევას ადგილი არ ჰქონია.

კარმის გეშინოდეს, შენთანაც მოვა - თათია აფრიამაშვილი მოსამართლეს განაჩენის გამოცხადებამდე. მოსამართლე ცაცუამ ის 12 დღიანი პატიმრობაში გაუშვა

მარიამ ლაშხის საჩივრის საფუძველზე, მაგდა მამუკაშვილი 4000 ლარით დაჯარიმდა. ორი მცირე წლოვანი შვილის ყოლის გამო, ის პატიმრობას გადაურჩა.

-----

„ქართული ოცნების“ დეპუტატმა, მარიამ ლაშხმა სამი აქტივისტი ქალის წინააღმდეგ სარჩელი 17 მაისს მომხდარის გამო შეიტანა. ორი აქტივისტის მიმართ შინაგან საქმეთა სამინისტრო ადმინისტრაციული პატიმრობის გამოყენებას ითხოვს, ერთის მიმართ - ჯარიმის. ერთ-ერთ კაფეში, სადაც ლაშხი თანმხლებ პირებთან, მათ შორის, ბავშვებთან, ერთად იმყოფებოდა, აქტივისტები მივიდნენ შეძახილებით: „თავისუფლება რეჟიმის ტყვეებს, არა რუსულ რეჟიმს, არა რუსეთის მონებს.. ძირს რუსეთის მონები“.

ადმინისტრაციულ სამართალდარღვევათა კოდექსში თებერვალში შესული ცვლილებით, სახელმწიფო-პოლიტიკური თანამდებობის პირის შეურაცხყოფა დასჯადი გახდა - გამოიწვევს დაჯარიმებას 1500 ლარიდან 4000 ლარამდე ოდენობით ან ადმინისტრაციულ პატიმრობას 45 დღემდე ვადით.

მოსამართლე მანუჩარ ცაცუამ ალბი კორძაიას 10 დღიანი ადმინისტრაციული პატიმრობა მიუსაჯა. აქტივისტის მიმართ სამართლებრივი დევნა თუა წულუკიანის შურაცხყოფის საფუძვლით დაიწყო. ფორმულას ეთერი

ჩვენ მზად ვართ იმისთვის, რომ მე წავიდე პატიმრობაში, რადგან მე ვფიქრობ ეს მინიმალურია რაც შეიძლება გავაკეთო იმის ფონზე, რომ ორი პატარა ოცი წლის გოგო, სტუდენტი დღეს არიან იზოლატორში ორი კვირით გაშვებულები... რაც არის აბსოლუტური, არ ვიცი აბსურდია ეს ყველაფერი და მე ვიფქრობ ეს მინიმუმია, რაც შეიძლება ამ შემთხვევაში გავაკეთო... რაც შეეხება მოსამართლეს... რა თქმა უნდა მოსამართლეზე აქ საუბარი ზედმეტია... რაიმე გადაწყვეტილება მიიღოს ადამიანმა, რომელიც არის ლიეტუვის, პოლონეთის დასაწესრიგებელი... ჩვენი სასარგებლო გადაწყვეტილება... სწორი და სამართლიანი გადაწყვეტილება...

### პოლიციის ტატუ

21 წლის სტუდენტის, თათია აფრიამაშვილის მხარდაჭერის ნიშნად, მისმა დედამ და მეგობრებმა რუსთაველის გამზირზე საპროტესტო ბანერი გამოფინეს. პოლიციამ აქცია ადკვეთა და ისინი ძალის გამოყენებით ტროტუარზე გადაიყვანა. ძალადობრივად გაძევების შემდეგ მაგდა მამუკაშვილმა მიყენებული დაჟეჟილობების ფოტო გაავრცელა ტუქსტი - Police edition Tاتoo



ვიდუო შემხვდა – მეტროსთან შავებში ჩაცმული ქალი დგას, ხელში პატიმრების წერილები უჭირავს და გამვლელებს სთავაზობს, რომლებიც ყურადღებასაც კი არ აქცევენ...

რომ იცოდეთ ვინაა ეს ადამიანი და რამხელა ისტორიას ატარებს, ალბათ მიხვიდოდით და გულში ჩაიკრავდით...

ეს მარინა ტერიშვილია – მამუკა და გიორგი ტერიშვილების დედა.

მამუკა ტერიშვილი 17 წლის იყო, როცა 1992 წლის 2 თებერვალს თამარ მეფის ხიდზე მხედრიონის რეჟიმმა სიცოცხლეს გამოასალმა. იმ დღეს მამუკა დროშით ხელში წინ მიუძღოდა დემონსტრაციას, რომელიც ჯაბა იოსელიანის ბრძანებით სისხლში ჩაახშეს. 23 დაღუპულიდან მამუკა ყველაზე პატარა იყო...

გიორგი – მარინას მეორე შვილი – გასულ წელს დააკავეს, ასევე აქციაში მონაწილეობისთვის და მრავალწლიანი პატიმრობით ემუქრებიან...

შვილების ნაცვლად ახლა მათი დედა დგას ქუჩაში, მიუხედავად მისი ასაკისა, და ითხოვს ყველასთვის სანატრელ რამეს – თავისუფლებასა და სამართლიანობას...

9 ძმა ხერხეულიძისა და მათი დედის ისტორია ვითომ სხვა რამეზეა? აგერ ახლა ხდება ჩვენს გვერდით ზუსტად იგივე და ჩვენ ამას ვერც კი ვამჩნევთ. უფრო მეტიც – რუსული პროპაგანდისგან მოწამლული ქართველები ქალბატონ მარინას უსამშობლოს ეძახიან, დასცინიან და ლანძღავენ...

როგორ ვახერხებთ, ამ წიგნიერებისა და განვითარების პიკში მყოფ საუკუნეში, ასეთი ტემპით დეგრადაციას?!..

კახა ურიადმოყელი  
მარინა ტერაშვილის ოჯახზე  
ფოტო:  
მარიამ ნიკურაძე / ოუსი მედია





მათე დევიდის სასამართლო პროცესის მიმდინარეობისას - ნათია ჩიქოვანს, მანდატურებმა შენობა ძალის გამოყენებით დაატოვებინეს. ფოტო და ტექსტი: ნათია ჩიქოვანი

უკვე გარეთ რომ ვიყავი გამოგდებული და ერთ-ერთ იქ მდგომ ზომბ პოლიციელს ვუბნებოდი ცალ ფეხზე ფეხსაცმლის ჩაცმაც არ დამაცადეს ისე გამომადგდესთქო (მანამდე ბევრჯერ დავეცი ამ ღია ფეხსაცმლის გამო, ე.წ. პლათფორმა აქვს და ფეხი მიბრუნდებოდა თრევაში, რტყმაში, ჭყლეტვაში,) ამ დროს მეცა რომელიღაც მანდატური, მთელი ძალით მკრა ხელი, გამიზნულად, ძალით და ქვის იატაკზე დამახეთქა. ამას უყურა ალბათ 50-მა პოლიციელმა, რომლებიც არც კი შეტოკებულან... ცრემლები მომდიოდა თვალებიდან პოლიციელებს რომ ვუყურებდი ძირს დაგდებული და როგორ არ ინძრევითთქო ვეკითხებოდი.. არც ერთი არ განძრეულა...

ხო, ეს დალურჯებები სახლში მრავლდება და მრავლდება... ამ ფეხით დავასკდი ქვას და თავი ამიტომ არ დავარტყი...

ვერთ ერთმა მანდატურმა, ვერც

მანამდე და ვერც მერე (ერთი გამოვიჭირე მერე გარეთ) ვერ მიპასუხა რომელი კანონის რომელი მუხლით გაგვყარეს სასამართლოდან და გვირტყეს კიდე ზემოდან. ვერ ვათქმევინე რა მიზეზით გამოგვყარეს!

დანარჩენს ხვალ მოვყვები.



ქალთა უფლებების დაცვის  
ორგანიზაცია “საფარი”, პირადი  
მონაცემების გადაცემის  
მოთხოვნას ეხმაურება

ქართული ორგანიზაცია საფარი უკვე 24 წელია საქართველოში ქალებს უწევს იურიდიულ, ფსიქოლოგიურ და სოციალურ დახმარებას. ჩვენი ორგანიზაციის იურისტები ყოველწლიურად ათასზე მეტ ქალს უწევენ უფასო სამართლებრივ კონსულტაციას, ეხმარებიან საგამოძიებო უწყებაში, თუ სასამართლოში.

17 ივნისს ივანიშვილ-კუპრაშვილის ბიურომ ანტიკონსტიტუციური რუსული კანონების აღსრულება მურუსიძის სასამართლოს მეშვეობით დაიწყო. ისინი ჩვენგან, უფლება დამცველებისგან, სამართლებრივი საფუძვლების გარეშე ითხოვენ ჩვენი დაცვის ქვეშ მყოფი მოქალაქეების — ძალადობის მსხვერპლი ქალების და ბავშვების პერსონალური ინფორმაციის გადაცემას, კერძოდ, ყველა იმ ადამიანის პირადი ნომრების, სახელების, გვარების, ფოტოსურათების, ფინანსური და საბანკო ინფორმაციისა და ჯანმრთელობის მდგომარეობის ინფორმაციის გადაცემას, ვინც გვენდობოდა და ჩვენი დახმარებით უსარგებლია.

საფარი არ ვაპირებთ ჩვენი დაცვის ქვეშ მყოფი მოქალაქეების ნდობის დაკარგვას, თუნდაც ამას ჩვენი დევნა და დაპატიმრება მოყვეს. ჩვენ სხვა სამოქალაქო ორგანიზაციებთან ერთად მივმართავთ სამართლებრივ გზებს ამ ბრძანებების წინააღმდეგ. ჩვენთვის მათი მიზანი ცხადია – ივანიშვილი საქართველოში თავისუფალი სამოქალაქო საზოგადოების განადგურებას ცდილობს, ზუსტად ისე, როგორც ამას 1920-იან წლებში ბოლშევიკები, ბოლო დეკადაში კი – პუტინისა და ლუკაშენკას რეჟიმები აკეთებდნენ. კიდევ ერთხელ ვაცხადებთ, რომ არ ვაპირებთ რუსული კანონებით ცხოვრებას, საქართველოს ევროპული მომავლის საბოტაჟისადმი შეგუებას და გავაგრძელებთ ბრძოლას ქართველი ხალხის უფლებებზე.

წყარო: ელენე ქაიხოსროშვილი

ყველა (შვილივე) ორგანიზაციას, რომლებსაც რეჟიმი პირველ რიგში მიაღება, მართავენ ქალები! სამაგალითო, პრინციპული, ქვიაიანი, კვალიფიციური, ხმამაღალი, ჯიუტი, მებრძოლი და რაც მთავარია, ადამიანებზე, მათ უფლებებზე მზრუნველი ქალები. ეს ის ქალები არიან, რომლებიც ჩემი ინსპირაცია გახდნენ ჯერ კიდევ ათი წლის წინ, როცა პროფესიულ მიმართულებას ვირჩევდი და ეხლა საერთოდ სუპერძალები აღმოაჩნდათ.

19 ივნ / 2025

## სასამართლოდან

კლეოპატრა ქარუმაშვილი დედის დაკავებაზე, სასამართლოს უზოდან

“ვარ სასამართლოს უზოში. დედაჩემი წაიყვანეს სასამართლო დარბაზიდან – 2 წლით და 6 თვით – 57 წლის ქალი და დააპატიმრეს. ეს ყველაფერი უკავშირდება ჩემს წინააღმდეგ აღძრულ სისხლის სამართლის საქმეს, რომელიც იმიტომ აღიძრა, რომ ჩემი Facebook პოსტი არ მოუვიდა თვალში ანმეტის ყოფილ მერს. ამის შემდეგ, ჩემი მშობლების კომპანიაში, რომელიც ჩემს სახელზეც იყო გაფორმებული, შევარდა საგადასახადო სამსახური და არასწორად გამოწერილი ანგარიშფაქტურების გამო, რომელიც აბსოლუტურად სუფთა ბუღალტრული შეცდომა იყო, აღიძრა სისხლის სამართლის საქმე. ძალიან ბევრი წელი მიდიოდა ეს საქმე – მტკიცებულებები არ ჰქონდათ არანაირი და ეს იყო მიზეზი, რატომაც ვერც მე და ვერც ჩემს ოჯახის წევრებს ვერ ეხებოდნენ... რამდენიმე თვის წინ დედაჩემს ჩემი დაჭერის დაშინებით აღიარებინეს ბრალი, აღიარებინეს მტკიცებულებები, რომელიც ფაქტობრივად არ არსებობს და ახლა წაიყვანეს სასამართლო დარბაზიდან – 2 წლით და 6 თვით” | ამბობს კლეოპატრა ქარუმაშვილი და სასამართლოს უზოდან ვიდეოს აქვეყნებს.

22 ივნ / 2025

აქ იცით, რა ხდება?  
მანუჩარ ცაცუას და ხვდება  
იზოლაციიდან გამოსულ  
საბას, რომელსაც მისმა ძმამ  
მიუსაჯა 30 დღე. ზუსტად ვიცი –  
ერთად ვიმარჯვებთ!



წყარო: დოდი ხარხელი  
ფოტო: ელენე ქაიხოსროშვილი

წყარო: ქეთი მოლაშვილი  
შენიშვნა: 2026 წელს  
საქართველოში პენსია  
30 ლარით გაიზარდა  
და თვეში 450 ლარი  
შეადგინა

თბილისის საქალაქო სასამართლომ პენსიონერი ქალი შსს-ს წარმომადგენელზე კომენტარის დაწერისთვის 2400 ლარით დააჯარიმა: მე რომ სასამართლო მქონდა, ზოგ ჩემს მეგობარს, სასამართლოზე მოსვლა დააგვიანდა და ვეღარ შემოვიდა სხდომაზე. ჰოდა ერთ-ერთი მეგობრის მონაყოლს გეტყვით ახლა: რომ ვერ შემოვედი შენთან, სინდისის პატიმრის დარბაზისკენ გადავინაცვლო,

გზაში ერთი ასაკიანი ქალი შემომხვდა, ბებიამო. მკითხა, შვილო გუშინ დამირეკეს, სასამართლოში დამიბარეს და სად რა გავარკვიო არ ვიცი, პირველად ვარ ამ შენობაშიო. მივეხმარე გარკვევაში და თურმე სხდომა ჰქონია, ისე ანერვიულდა ვუთხარი, არ ინერვიულოთ და შემოგყვებით მეცო. შევყვებო. ერთი კაცის ფეისბუქ პოსტის კომენტარის კომენტარში ეწერა შსს-ს წარმომადგენელზე რაღაც და იმას ეღაპებოდნენო.

ქალი გადაირია, არ ვიცოდი შვილო რომ არ შეიძლებოდა, ის ადამიანი მოიყვანეთ ან მე მივალ და ბოდიშს მოვუხდი, პენსიის ამარა ვარ და რომ დამაჯარიმოთ, მშიერი დავრჩები, რასაც მეტყვით, იმას გავაკეთებ, ოღონდ არ გამწიროთო. შსს-ს წარმომადგენელი ჰო გაიწურა, მოსამართლესაც აღარ იცოდა რა ექნა, გავიდა, ითათბირა, ითათბირა და 2400 ლარით დააჯარიმა ფეისბუქ პოსტის კომენტარის კომენტარში დაწერილი სიტყვების გამო ბებიამო. ჰოდა რატომ დააჯარიმეს ეს ბებია ჰო ვიცით, მე რომ დავწერო, სხვამ რომ დაწეროს, შიში რომ დათესონ. ჰოდა ზუსტად ამიტომ ვწერ... ყველა ქოცი უნდა ძრწოღეთ და ერთ კომენტარსაც ვეღარ წერდეთ, ვაითუ რამე ისე არ დამეწეროს, ლოგიკაში მაჯობონ და მეც სანაგვეზე მომისროლონო.

პოსტებს კი არა, კომენტარის კომენტარებს ვეღარ უნდა წერდეთ ისე გაკონტროლებენ, მესიჯებს ვეღარ უნდა აგზავნიდეთ და სახლში ვეღარ უნდა საუბრობდეთ, აი ეგაა რაც თქვენმა სიჩუმემ მოგვიტანა. აგერ ვწერ საჯაროდ, ვუსრულებ თხოვნას ქოცებს და გეუბნდებით, რომ გეშინოდეთ!

პირველ რიგში თქვენ გეშინოდეთ სოციალურ ქსელში დაპოსტილი ან დაწერილი კომენტარების გამო გეშინოდეთ, მესიჯების გამო და დარეკილების გამო, ყველაფრის გამო გეშინოდეთ და დაე იყავით უტყვი, უუფლებო მხევლები, იმსახურებთ... გილოცავთ, თქვენ ჭეშმარიტად მოგვიტანეთ ის დემოკრატია, რომლითაც ევროპა და ამერიკა გააოცეთ და სანაცვლოდ, სამუდამოდ დადუმდით.

და რაღაა ადამიანი, ვინც ცოცხალია, მაგრამ უტყვი? ანუ ვერ საუბრობს, უტყვია, პირ უტყვი?

ანაკო ტურაშვილი პოლიტპატიმარ  
გიორგი მინდაძის დედაზე -  
ნანი წულაიაზე, რომლის შვილსაც  
მის დაბადების დღეზე 5 წელი  
მიუსაჯეს  
ფოტო: ანაკო ტურაშვილი

შუაში მზესუმზირებით ქალბატონი ნანი წულაიაა, 21 წლის გიორგი მინდაძის დედა. დღეს დაბადების დღე აქვს. გიორგის, 21 წლის ბიჭს, სამედიცინოს სტუდენტს, 5 წლით პატიმრობა მიუსაჯეს, აქციაზე პიროტექნიკის სროლისთვის, ამ პიროტექნიკით არავინ დაზიანებულა.

უსამართლობის შეგრძნებით გამწარებულები სასამართლოს დერეფნებში და ეზოში ერთმანეთს ვასკდებოდით, ვტიროდით და ვყვიროდით. ფოტო/ვიდეოს გადაღებაც კი აკრძალული გვაქვს, ეზოშიც. ამ დროს ყველა ნანის ვეხუტებოდით რომელიც ყვიროდა: “ნუ გეშინიათ, ყველაფერი კარგადაა, არ იტიროთ, ნახეთ რამდენი სტუმარი მოხვედით ჩემს დაბადების დღეზეო!”

ეზოში თითქმის ერთი საათი მიმდინარეობდა ხელჩართული ბრძოლა აბსურდის მცველებთან. ყველას ერთმანეთი გამოყავდა, რადგან ამ დროს თუნდაც შემთხვევით ხელი რომ მოარტყა ვინმეს 7 წელი ციხეა. და არასოდეს დამავინწყდება, როგორ შემოვარდა ქალბატონი ნანი, რომლის შვილსაც რამდენიმე წუთით ადრე 5 წელი მიუსაჯეს და როგორ ყვიროდა: “წავედით ჩემებო, თქვენ ჩემი სტუმრები ხართ, წავიდეთ ჩვენს სახლში რუსთაველზე, დაანებეთ თავი” ვიდექი და ვფიქრობდი, რამხელა ადამიანი ხარ, როცა ასეთ მომენტში ფიქრობ ვინმეს ხელი არ სტაცონ, არ დაიჭირონ და როცა სხვას ეუბნები “ნუ ნერვიულობ, ნუ გეშინია, მაგრად უნდა ვიყოთ”. რაღაც სასწაული ხალხია ჩვენი სინდისის პატიმრები და მათი ოჯახები.

მარჯვნივ  
ავტორი: ნინუკა ცინცაძე




ეკთ სელაჲ ჰსეული რვენი სეა,  
თავისუფლების აჩის გჳა!



### იძულებითი მკურნალობა

მეტრო-მეტრო დავდივარ, დიდია მხარდაჭერა, სადგურებში უფრო მოდიან და მელაპარაკებინ.

ერთმა ვაგონში ორლარიანი გამომიწოდა, ალბათ მათხოვრისთვის კარგად გამოვიყურები!



მას შემდეგ, რაც სისტემა ნინო დათაშვილს იძულებითი ფსიქიატრიული ექსპერტიზით დაემუქრა, თეონა ბეჟიშვილმა, სოლიდარობის მიზნით, საზოგადოებრივ ტრანსპორტში სოლო პროტესტი გამართა.

5 აგვისტოს შზია ამაღლობელს ორ წლიანი პატიმრობა მიესაჯა. წინა დღით მან შესაძლო საპროცესო გარიგებაზე განცხადება გააკეთა წყარო: ბათუმელები

იქ, სადაც მეშვიდე თვეა უკანონოდ გამოკეტილი ვარ, საპროცესო გარიგება, ბევრისთვის სახელმწიფოს მხრიდან გადადგმული ჰუმანური ნაბიჯია. ვერ დავივიწყებ პატარა გოგოს ტირილს, რომლის ხმა ჩემს საკანში აღწევდა... დედა მენატრებაო. როცა გავიგე, რომ მის მშობელთან საპროცესო გარიგებას აწარმოებდნენ, ძალიან გამიხარდა.

ჩემს შემთხვევაში ასე არ არის. პირიქითაა. ცოცხლად დამარხვის ტოლფასია. შემოთავაზებაც კი ძალიან შეურაცხმყოფელია. ადვოკატებმა ჩემი პოზიცია უკვე გაახმოვანეს. არა, ვერ მოვაწერ ხელს ამ საპროცესო გარიგებას. იმ მარტივი მიზეზის გამო, რომ რაც მოხდა, ის არ იყო თავდასხმა. რა სამართალია, ეს არ ვიცი.

ჩემი დაპატიმრების პირველი დღიდან ამ სასამართლო დარბაზში არაერთგზის მკაფიოდ დამიფიქსირებია, რომ პასუხისმგებლობას არ გავურბივარ, განსხვავებით, ე.წ. დაზარალებული დგებუაძისგან. კანონში არსებობს ჩემი ქმედების, სილის გაწვინისთვის ადეკვატური მუხლი

//

# იბრაჰიმოღათ, სანაბ გვიანი არ არის

გზია აბალობელი

დათო სიმონია აფხაზეთიდან  
ომის დევნილ - აზა ჩილაჩავაზე

გაგრა რომ დაეცა, ქალაქი სავსე იყო უსულო ქართველი ჯარისკაცებით. ვინც დამარხვას გაბედავდა, პასუხს სიცოცხლით აგებდა. აზა ჩილაჩავამ გაბედა. ოკუპირებულ ქალაქში 3 თვე დაჰყო. რომ გამოადრწია, წყალტუბოში ცხოვრობდა. ზურგით გასაყიდი შაქრის ტომრებს ეზიდებოდა. მერე ემიგრაციაში წავიდა და შეკონწიწებული ფულით პატარა ოთახი იყიდა თბილისის გარეუბანში. იქიდან ყოველ დღე მოდის ცენტრში. სიარული უჭირს, მაგრამ საზმანს მარშს რუსთაველისკენ მიყვება. ხელში ხმარებისგან გაცვეთილი წიგნაკი უჭირავს – თითო გვერდზე თითო გზავნილით. თანამებრძოლებს ხან ტორტებს უცხობს, ხან ნერგებს ჩუქნის. ერთ-ერთ დარბევაზე ახალგაზრდას გადაეფარა, ნიღბიანებს საწამებლად რომ არ გაეტაცებინათ. ისე დაარტყეს, სამი დღე იწვა. მაინც ადგა და პროტესტს ამაგრებს. რამ უნდა გააჩეროს ქალი, რომელმაც დაცემულ გაგრაში შიშზე გაიმარჯვა?

აი, ვინ დგას რუსთაველზე.






კახა კალაძეს, ქალების მიმართ ფიზიკურ ძალადობასთან დაკავშირებით კითხვა გუშინ, 8 სექტემბერს, მისი საარჩევნო შტაბის სიახლოვეს დაუსვეს წყარო: რადიო თავისუფლება


ქალები არ არიან. რაღაც სხვა ჯიშია – კახა კალაძეს კითხვა დაუსვეს მის შტაბთან გუშინ, 8 სექტემბერს ქალებზე ფიზიკურ ძალადობაზე

- არაფერი დაპირისპირება არ არის... - კალაძე
- ქალები ცემეს თქვენმა... - ჟურნალისტი
- ქალებს სად ხელავ აქ, ქალებს სად ხელავ? - კალაძე
- კი, ქალები არიან... - ჟურნალისტი
- არცერთი არაა ქალი... ქალი არაა აქ არცერთი... - კალაძე
- ვინ არიან აბა? - ჟურნალისტი
- არ ვიცი, რაღაც სხვა ჯიშია. ქალი არაა აქ... სად არის ქალი, აბა მითხარით... ერთი მაჩვენეთ რომელია აქ ქალი. მანახეთ ერთი ადამიანი, რომელია ქალი... თქვენ არაფრით არ განსხვავდებით იმ მოძალადეებისგან, რომლებიც გუშინ მიუვარდნენ საარჩევნო შტაბს - კალაძე

შენიშვნა: კახი კალაძე 2025 წლის თბილისის მერობის კანდიდატია - მესამე ვადით



პალაქის თვით, მის შტაბთან  
ბაღები არ უცემიათ  
08/09/2025  
09/09/2025



12 სექტ /2025

შეგროვდა

წყარო: პუბლიკა

მოქალაქეებმა მეგი დიასამიძეს გირაოს თანხა, 2 000 ლარი უკვე შეუგროვეს.

კახა კალაძის ბანერის დაზიანების ბრალდებით დაკავებულ 23 წლის აქტივისტს, მეგი დიასამიძეს მოსამართლე დავით კურტანიძემ აღკვეთის ღონისძიების სახით 2 000-ლარიანი გირაო შეუფარდა და დარბაზიდან გაათავისუფლა.

ელენე ხოშტარია თბილისის დროებითი მოთავსების იზოლატორიდან რუსთავის ქალთა კოლონიაში გადაჰყავთ.

კონტექსტისთვის: მეგი დიასამიძის სოლიდარობის ნიშნად, ელენე ხოშტარიამ მეორე დღეს იგივე ბანერი დააზიანა, მას შემდეგ, რაც სალამოს ოფისის თანამშრომლებმა ის გაწმინდეს.

შენიშვნა: ბანერის გაწმენდას 15 წუთი დასჭირდა



ამ განცხადებიდან მალევე, ნანა სანდერი, სხვა მოქალაქეებთან ერთად, სახელმწიფო გადატრიალების მცდელობის გამო დააკავეს

დიდგორი 2 არ გაირისკება, დიდგორი 2 – ში არ იქნება სიურპრიზები, ჩვენ სიურპრიზებისთვის არ ჩამოვდივართ სხვადასხვა კონტინენტებიდან!

ჩვენ საბრძოლველად მოვდივართ!

ბავშვები დატოვეთ სახლში

ჩვენ ვართ ის ქართველები, ვინც ბავშვებს ვიცავდით, ვიცავთ და დავიცავთ და მათ რომ უკეთეს ქვეყანაში იცხოვრონ, ამისთვისაც ვიბრძვით და არ არსებობს სამყაროში არანაირი ძვირფასი ინტერესი და მიზანი, რომლის გამოც გამართლება შეიძლება ჰქონდეს ბავშვის გაწირვას! და მშვიდობით კი არ გავდივართ – მშვიდობის დასაბრუნებლად გავდივართ 4 ოქტომბერს, რომელიც არ არსებობს თავისუფლების გარეშე ! და კი ჯერ თავისუფლებას ვიბრუნებთ და ვუბრუნებთ ჩვენს სამშობლოს და მერე მოდის მშვიდობაც.

თავდაცვის საშუალებები წამოიღეთ 4 ოქტომბერს.

აირწინადი, ჩაფხუტი, ხელთათმანები გაზის კაფსულების ხელით ჩასაქრობად, ბაიკერის ხელთათმანები – წაქცევის დროს ან ყბაში მუშტის მოსარტყამად იდეალურია, და ასევე დანარჩენებსაც უეჭველი გქონდეთ ერთჯერადი ხელთათმანები რადგან ისეთი ნივთიერებები გაუშვებს ნოემბერ-დეკემბერში 5 დღე თითებიდან ვერ გავიყვანე და ლინზების ამოღება და ჩასმა იყო ჯოჯოხეთი.

სათვალეების ნაცვლად გქონდეთ ლინზები და ასევე დამატებით ლინზების მარაგი თან წამოიღეთ. შავი ფერის საწვიმარი( მოკლე) და საწვიმარი შარვალი ( თხელი, მსუბუქი) ფენსაცმელი სისწრაფეზე გათვლილი ( ემიგრანტები ვინც მოდიხართ, დამატებითი ფენსაცმელი 2 წყვილი მაინც წამოიღეთ) სამხედრო შარვალი -მუხლების დამცავით. კარგი ტელეფონები სახლებში დატოვეთ და ისეთი წამოიღეთ რაც “გასუფთავებულაია” და რის მოპარვაზეც, დაზიანებაზეც გული არ დაგწყდებათ.

ვისაც დახმარება გჭირდებათ თავდაცვის საშუალებებით, მოგვწერეთ იმ ჯგუფებს თუ ინდივიდებს ვინც თქვენც გაწირვას კი არ ვაპირებთ და კი არ გუუბნებთ თვითორგანიზებული უნდა იყოს თავდაცვის საშუალებებიო, არამედ დროს, ნერვს და ენერჯიას

ვლებთ რომ თქვენი ჯანმრთელობა არ გაიწიროს – გვაქვს სხვადასხვა ფონდები და ვაგროვებთ თანხებს აპარტიული დიასპორული ჯგუფები. ვინც რეგიონებიდან ჩამოდიხართ, ჩამოდით იმ განწყობით და მზაობით რომ რამდენიმე დღე დარჩებით თბილისში.

ვისაც დასარჩენი არ გაქვთ, ამაზეც სხვა პასუხისმგებლიანი ორგანიზაციორები ზრუნავენ პირველ რიგში ემიგრაციიდან ვისაც შეგიძლიათ რეგიონებიდან ან ემიგრაციიდან საბრძოლველად ჩამოსული ადამიანებს დაუთმოდ თქვენი ბინა, სახლი თუ ოთახი, მოგვწერეთ. პასუხისმგებლიანი დიასპორა და პასუხისმგებლიანი ინდივიდები საქართველოდან აკეთებენ ქოლცენტრებს, რომლებიც დაგეხმარებათ ყველაფერში.

პასუხისმგებლიანი ადამიანები ჩაერთვნენ ამ ბრძოლაში და იმედინად იყავით, უპასუხისმგებლო ინდივიდებისგან თუ ჯგუფებისგან გაზღვევთ ოღონდ თქვენც მოგვეხმარეთ ფიზიკურადაც – საქმის მკეთებელი ადამიანები გვჭირდება და ასევე დიდგორი 2-ის მოგებას სჭირდება ბრძად მიმდობი ადამიანები კი არა, ანუ ცხვრები კი არა, მოაზროვნე ადამიანები! მოაზროვნე ტვინები რომლებიც კითხვებს სვამენ, ბავშვებს სახლებში ტოვებენ და სიურპრიზისთვის კი არა, ბრძოლისთვის ემზადებიან.

26 სექტ / 2025

## გაჭმევ მაგ რუპორს

*ნინო კალანდია თავდასხმაზე*

წელან, აქციიდან სახლში რომ ვბრუნდებოდი, არკაში ვიღაც ტიპი მეცა, ჯერ მხარში ჩამავლო ხელი და რომ მივბრუნდი, ვიღაც მალალი, კუპიანი ტიპი შემრჩა ხელში. რა გინდა თქო. შემაგინა. სამკერდე ნიშანი მეკეთა, თავისუფლება რეჟიმის ტყვეებს აწერია და მერე ის ჩაბღუჯა, ეს რა არის, რატომ გიკეთიაო. იგინებოდა თან. შენი საქმე არ არის თქო. მერე ხელში ჩამავლო ხელი და დამიწყო ჯაჯგური, ძირს დაგდება უნდოდა, თუ რა უნდოდა არ ვიცი. შევეცადე გამომეგლიჯა ხელი და ბოლოს რომ გავითავისუფლე თავი, ინერციით კედელს დავეჯახე. ამ ჭიდაობაში ზურგჩანთაც ჩამომძვრა და ეს ზურგჩანთა ჩავარტყი. კიდე გამოიწია. თან მეუბნებოდა რუპორებით რომ დარბიხარ, მაგ რუპორს გაჭმევო. რამდენიმე ბიჭმა ჩამოუხვია მერე არკაში და მათ დანახვაზე გაიქცა.


ქოცებო, ნუ გეგონებათ, რომ ასეთი ტიპები თქვენც არ დაგხვდებათ სადმე ბნელ კუთხეში. კრიმინალი დათარეშობს ქუჩებში და არ გაგიკვირდეთ ვინმე ასეთივე ტლუ თუ დაგაყაჩაღებთ ერთ დღესაც

პროტესტის დროს, ნარკოტიკების  
შენახვის ბრალდებით დაკავებული  
ანასტასია ზინოვკინა, რუსთავის  
ქალთა კოლონიიდან წერილს  
აგზავნის  
წყარო: ჰუმბლიკა

აქციების დროს ნარკოდანამაჟულის ბრალდებით  
დაკავებული ანასტასია ზინოვკინა რუსთავის ქალთა  
პენიტენციური დაწესებულებიდან წერილს აქვეყნებს:

ეს წერილი დახმარების ძახილია.  
მე მქვია ანასტასია ზინოვკინა და ტყვედ ვარ აყვანილი  
რუსთავში, ქალთა №5 კოლონიაში. 12 სექტემბერს 12:00  
საათზე მე და არტემ გრიბულს განაჩენი გამოგვიტანეს. 8  
წელი 6 თვე. ისევე, როგორც ანტონ ჩეჩინს. მიუხედავად  
იმისა, რომ ჩვენს საქმეებში განსხვავებებიცაა, ბევრი  
საერთოც გვაქვს. მაგალითად, პოლიცია, ერთმა და იმავე  
ხალხმა ჩაგვიდო ნარკოტიკი მასაც და ჩვენც. მაგალითად,  
“თარჯიმნები”. მაგალითად, სასჯელაღსრულების  
სისტემის იგივე ქცევა: ჩვენ არ გვიწვევენ სამედიცინო  
დახმარებას, რომელიც გვჭირდება. იმის გამო, რომ  
რუსთაველზე დაზარალებულ ადამიანებს სამედიცინო  
დახმარებას ჩვენ ვუწევდით. ციხეში გვკლავენ. ჩვენთან  
არ მოდიან ექიმები. გთხოვთ, დარეკოთ ციხეებში,  
სადაც ვიმყოფებით, სახალხო დამცველთან, ყველა  
ინსტანციაში, ჯანდაცვის სამინისტროში.  
დარეკეთ, უთხარით ჩვენი გვარები, მოსთხოვეთ პასუხი,  
თუ რატომ ბედავენ ასე თავხედურად პოლიტიკური  
პატიმრების მოკვლას. ზინოვკინა ანასტასია. არტემ  
გრიბული. ანტონ ჩეჩინი.

რეჟიმის ძაღლების თავხედობა გასაოცარია.  
გთხოვთ – არ მისცეთ მათ ჩვენი მოკვლის უფლება.  
გთხოვთ – გამოიჩინეთ სოლიდარობა. გთხოვთ – არ  
დაივიწყოთ პოლიტიკური პატიმრები, დაეხმარეთ ყველა  
მათგანს ციხეებში საკუთარი უფლებებისთვის ბრძოლაში



ზინოვკინას დაკავების პროცესი  
მოსკოვში, საპროტესტი აქციაზე, 2012  
ფოტო: ელენა როსტუნოვა

პროტესტში ჩართული ქალები არიან აქტივისტები, განსაკუთრებულად აქტიურები და მათ წინააღმდეგ განსაკუთრებულ მეთოდებს იყენებენ. ჩვენ ვნახეთ სახლში შევარდნა, ორსული ქალის – მარიამ ბაჯელიძის შემთხვევა. 7 თვის ორსულ ქალს შეუვარდნენ, მცირე წლოვან ბავშვთან ერთად, ოჯახში. ასევე ერთერთი სინდისის პატიმრის დაკავების დროს, ფიზიკური შეურაცხყოფა მიაყენეს მის მეუღლეს, რის შედეგადაც მას მუცელი მოეშალა. ქალებს ამიშვლებენ იზოლატორებში... გვყავს სინდისის პატიმარი ქალები... და ხელისუფლების ეგრეთ წოდებული თანამდებობის პირების რიტორიკაც გვესმის, რომ თურმე აქტივისტი ქალები არ არიან ქალები... აბა დაგვანახეთ რომლები ხართ ქალები და ასეთი რიტორიკაც გვესმის ძალიან ხშირად. საკანონმდებლო დონეზეც ძალიან ბევრი ზომა მიიღეს ქალების წინააღმდეგ. გენდერი ამოიღეს საერთოდ ყველა კანონიდან და დღეს, ყველა დაგროვილ ბრაზს გვინდა, რომ თავი მოვუყაროთ და გავმართოთ გაბრაზებული ქალების მარში...



ელენე ქაიხოსროშვილი -  
გაბრაზებული ქალების მარშიდან  
ევრონიუს ჯორჯიას ეთერი  
ფოტო:  
ბასტი მგალობლიშვილი / ჰუბლიკა

ქალები არ არიან მარტო, ჩვენ ისევ აქ ვართ. მიუხედავად იმისა, რომ გვებრძვის „ქართული ოცნება“ და ტიტუშკებს გვიქსევს და ძალიან ბევრ განსაცდელს გვივლენს... ჩვენ აქ ვართ, არსად არ მივდივართ... ჩვენ აქ ვართ და სოლიდარობას ვუცხადებთ ქალებს, დედებს, ჩვენს დებს, ქალებს რეგიონებში, რომლებიც მარტო დარჩნენ და აღარ ჰყავთ მხარდამჭერი. თუნდაც ის არასამთავრობო ორგანიზაციები, რომლებიც ეხმარებოდნენ მოძალადეების წინააღმდეგ ბრძოლაში – ჩვენ მათ ვუბნებით, რომ არსად არ წავსულვართ. ჩვენ დავიცავთ ერთმანეთს, დავიცავთ ჩვენს დებს, დედებს და „ქართულ ოცნებას“ ვუბნებით, რომ ჩვენ ძალიან გაბრაზებული ვართ. ჩვენ, ქალებს არ გვეშინია მათი...



ნათია გვრიტიშვილი -  
გაბრაზებულის ქალების მარშიდან  
ევრონიუს ჯორჯიას ეთერი  
ფოტო:  
ბასტი მგალობლიშვილი / ჰუბლიკა

პირველად საქართველოს ისტორიაში ჩვენ გვყავს პოლიტიკატიმარი ქალები. ქალები, რომლებიც იბრძვიან ამ ქვეყნის უკეთესი მომავლისთვის, ევროპული მომავლისთვის. და გარდა იმისა, რომ არ იკმარეს 60-ზე მეტი პოლიტიკური ტყვე, მათ ქალები – მზია ამდლობელი, ნინო დათაშვილი, ელენე ხომტარია ჩასვეს ციხეში აბსურდული მიზეზებით. ჩვენ არ გვაქვს დანებების უფლება. არც იმის ფუფუნება უნდა მივცეთ საკუთარ თავს, რომ დავსხდეთ სახლში წვიმა იქნება, თოვლი თუ ყინვა ჩვენ ვალდებული ვართ იმ რეჟიმის ტყვეებისთვის ვიბრძოლოთ, ვიდგეთ გარეთ და მივალწიოთ სამართლიანობას. ეს ქვეყანა აუცილებლად გაიმარჯვებს და აუცილებლად მივალთ მშვიდობიან, ევროპულ საქართველომდე.

ნანა ტოხვაძე -  
გაბრაზებულის ქალების მარშიდან  
ევრონიუს ჯორჯიას ეთერი

დემონსტრანტი მიმართავს  
პრეზიდენტის სასახლესთან  
განლაგებულ სვეტრაზმს

როდემდე? როდემდე? რატომ ჩატარდა არჩევნები მაინც ვერ გავიგე? თვითონ დაესვათ პირდაპირ, ხო იყვნენ? დღეს დილას მე სპეციალურად სამი უბანი შემოვიარე... სამივე უბნიდან ერთი ოცი კაციც არ მისულა, ორი საათი ვიჯექი ხან ერთ სკვერში, ხან მეორეში... გადაღებულ იც მაქვს... სირცხვილია ქართველებო. მეტირება, ვიზე აღმართეთ ხელი, ვისზე? პოლიციელებო, ვინ გაგხდათ თქვენ ნორმალური პოლიციელები? დღეს რას გვიშვებით ჩვენ, ქართველებს? დედებს, შვილებს, რას უუბნებით თქვენ? სირცხვილია, როდემდე, როდემდე? მშვილობიანად მოვედი, რად გინდათ ეს ფარები? უნდა დაგვარტყათ? უნდა გაგვსრისოთ? 9 აპრილი გაიხსენეთ. 9 აპრილსაც ვიდექი მანდ და გადავრჩი. სირცხვილია, გადმოდით ხალხის მხარეს, დიდ ხანს არ იქნება ბიძინა. ბიძინას თავისი ფულები უნდა... ხო გითხრათ – ჩემი ფულები მინდა მეო. შიგნით იმხელა დარღვევა აქვთ, ერთმანეთს ჭამენ ხალხო. გაიგეთ, გაიგეთ

დღეს რუსთაველი ჩვენია,  
მაგრამ აშკარად მტკიცედ აქვთ  
გადაწყვეტილი ჩვენი დამლა. მეტი  
ხალხია საჭირო.  
თამარ ჯაყელი ვიდეო აქვეყნებს,  
სადაც რუსთაველის გამზირის  
გადაკეტვის პროცესში ახალგაზრდა  
ქალი მოულოდნელად ავტობუსს  
გადაუდგა



14 ოქტ /2025

მოქმედების დროა

მარია რესსამ  
ევროპარლამენტის მიმართა  
წყარო: ნეტგაზეთი

ევროპარლამენტის პატივცემულო წევრებო, ვწუხვარ, რომ დღეს ბრიუსელში თქვენთან ერთად არ ვარ. მზია ამადლობელს და მე ერთი ადვოკატი გვყავს, კილან გალაპერი, რომელიც მართლსაჯულებისთვის ბრძოლაში ჩვენს ინტერესებს იცავს. ევროპარლამენტმა ყურადღება უნდა მიაქციოს იმას, რაც საქართველოში ხდება.

სტუდენტები ყველაფერს რისკავენ დემოკრატიული ღირებულებებისთვის. ჟურნალისტები ნათელს ფენენ სიმართლეს. მზია ამადლობელი იქცა იმ მამაცი პროტესტის სიმბოლოდ, რომელიც დამოუკიდებელი ჟურნალისტიკის დასრულების წინააღმდეგ აღმოცენდა. საერთაშორისო სოლიდარობამ გამაძლიერა მე მძიმე პერიოდში და შემახსენა, რომ მარტოები არ ვიყავით. მზიას ასეთივე სოლიდარობა სჭირდება ახლა. ის უკვე 9 თვეა პატიმრობაშია და მისი კოლეგები ამუშავებენ მის მედიას უზარმაზარი ზეწოლის პირობებში. მაგრამ ამას მარტო ვერ აკეთებენ... ეს კრიტიკული მომენტია მზიასთვის და საქართველოსთვის. 310 დღეზე მეტია გრძელდება პროტესტი. ღირებულებები, რომლებზეც ევროპა აცხადებს, რომ დგას, ახლა თბილისში იტესტება. სიჩუმე სახიფათო სიგნალს აგზავნის.

მზია იმსახურებს თქვენ სოლიდარობას. საქართველო იმსახურებს თქვენს სოლიდარობას.

მოქმედების დრო არის ახლა!

15 ოქტ /2025

წასვლის უფლება

თინა ბოკუჩავა, სოციალურ ქსელში  
ქვეყნის დატოვებისას შექმნილ  
პრობლემებზე წერს

ვილნიუსში მივფრინავ ევროპის სახალხო პარტიის (EPP) პოლიტიკურ ასამბლეაზე. საზღვარზე გამაჩერეს თბილისის აეროპორტში და არ მიშვებენ. ხანგრძლივი ლოდინის შემდეგ, მამისამართებენ სასაზღვრო დეპარტამენტის სხვა წარმომადგენელთან სხვა ლოკაციაზე, რომელიც ასევე დაყოვნების შემდეგ მიცხადებს: “თქვენ ჯარიმა გაქვთ, იცით, ხო?”. ერთი ჯარიმის შესახებ ვიცოდი და მეორეც მქონია, აპრილის თვეში დაწერილი, რომელიც ოქტომბერში გაასხენდა რეჟიმს საზღვარზე, მაშინ როდესაც მხოლოდ ბოლო 2 თვეში 6-7-ჯერ მაინც ვიქნები გასული ქვეყნიდან ივანიშვილის რეჟიმის არადიარების, დელეგიტიმაციის და სანქცირების მიზნით .

მოკლედ, გამიზნულად ისე მაყოვნებენ, რომ ჩასხდომა დასრულდეს, უკვე საბოლოო გამოცხადების გაფრთხილება ისმის, მოდის პოლიცია, რომელსაც განვუმარტავ, რომ უკანონოდ მიზღუდავს თავისუფლებას. ვიწყებ გადაღებას, ფრთხებიან, “კარგით, კარგით” და ბოლოს მატარებენ. პარტიების და პიროვნებების აკრძალვასთან ერთად, რეჟიმი ქვეყნის დატოვების აკრძალვასაც განიხილავს და სატესტო ნაბიჯებს დგამს უკვე, როგორც ჩანს, ამ მიმართულებით. როცა მოლდოვა და უკრაინა ევროკავშირში გაწევრიანებისკენ სწრაფად მიიწვეს და შესაძლოა, სომხეთმაც კი მოისურვოს კანდიდატის სტატუსი, საქართველოს საზღვარზე შესაძლოა სულ მალე რკინის ფარდა დაეშვას და საბოლოოდ დიქტატურაში აღმოვჩნდეთ. გავაგრძელებთ საჯარო ურთიერთთანაძღვას, ქილიკს და კრიტიკას თუ შევკავშირდებით ადამიანები, ვინც რეალურად ვებრძვით რეჟიმს? ჩემთვის დღესდღეობით ერთადერთი რელევანტური კითხვა ეს არის. გავრთიანდებით? – გავიმარჯვებთ. თან ძალიან მალე. არა? – ქვეყანაში დამყარდება დიქტატურა და საზღვარზე გასვლასაც ვეღარ შევძლებთ მალე ან თუ გავალთ – სამუდამოდ

## ეუთოს თავჯდომარე დაჯარიმებულია

წყარო: ნეტგაზეთი

ეუთოს (ევროპის უშიშროებისა და თანამშრომლობის ორგანიზაცია) მოქმედი თავმჯდომარე, ფინეთის საგარეო საქმეთა მინისტრი ელინა ვალტონენი, დელეგაციის წევრებთან ერთად, რუსთაველის გამზირზე მივიდა და უწყვეტი პროევროპული პროტესტის მონაწილეებს შეხვდა.

ვალტონენი საქართველოში ჩამოვიდა სამხრეთ კავკასიაში ოფიციალური ვიზიტის ფარგლებში. ის შეხვედრებს გამართავს აშერბაიჯანსა და სომხეთშიც.

სამოქალაქო საზოგადოების წარმომადგენლების გარდა, ვალტონენი შეხვდა “ქართული ოცნების” ლიდერებს. მათ შორის, საგარეო საქმეთა მინისტრს, მაკა ბოჭორიშვილს.

-

შინაგან საქმეთა სამინისტრომ ეუთო-ს თავმჯდომარე, ფინეთის საგარეო საქმეთა მინისტრი ელინა ვალტონენი „გზის გადაკეტვისთვის“ 5 000 ლარით დააჯარიმა. ინფორმაცია „ფორმულას“ შინაგან საქმეთა სამინისტროში დაუდასტურეს. ვალტონენი საქართველოში ოფიციალური ვიზიტით იმყოფებოდა. ის 14 ოქტომბერს რუსთაველის გამზირზე მივიდა, სადაც აქციის მონაწილეებს შეხვდა.

15 ოქტომბერს ოცნების მთავრობამ გაავრცელა განცხადება, რომ კობახიძემ საქართველოში მყოფ ვალტონენთან შეხვედრა „კანონსაწინააღმდეგო საპროტესტო აქციაზე გასვლის გამო“ გააუქმა. მოგვიანებით კი ცნობილი გახდა, რომ შეხვედრა თავად ფინეთის საგარეო საქმეთა სამინისტრომ გააუქმა

მარიამ მეყანწიშვილის დაკავება  
წყარო: ბათუმელები  
ფოტო: ლევან ზაზაძე

წუხელ დაკავებულთა შორისაა მარიამ მეყანწიშვილი, რომელიც არის მარტოხელა დედა.

ოჯახის წევრების ინფორმაციით, სპეცრაზმი მეყანწიშვილის სახლში მაშინ შევიდა, როცა 7 წლის შვილთან და მშობლებთან ერთად იმყოფებოდა.

მეყანწიშვილი რუსთაველზე მიმდინარე უწყვეტი საპროტესტო აქციების აქტიური მონაწილეა და 4 ოქტომბრის შემდეგაც არაერთხელ იყო აქციაზე. მათ შორის, 14 ოქტომბერს, როცა პარლამენტთან უთოს თავმჯდომარე, ფინეთის საგარეო საქმეთა მინისტრი ელინა ვალტონენი მივიდა. მეყანწიშვილი მაშინ წერდა, რომ თარჯიმანმა, “რომელიც სავარაუდოდ ჩვენმა არალეგიტიმურმა საგარეო საქმეთა სამინისტრომ მიაწება მათ”, უთოს თავმჯდომარე და მისი დელეგაციის წევრები “ტურისტების ჯგუფად” გააცნო. თუმცა, მეყანწიშვილმა საერთაშორისო დელეგაციის წევრები იცნო, ესაუბრა და მიმდინარე უწყვეტი პროტესტის შესახებ მოუყვა.



## პროტესტი როგორც კრიმინალი

თუ ხატიაშვილი საუბრობს კანონის ახალ შესწორებაზე, რომელიც გზების გადაკეტვას ეხება და რომლის მიხედვითაც განმეორებითი დაკავების შემთხვევაში დემონსტრანტს სისხლის სამართლის კოდექსით გაასამართლებენ.  
წყარო: ნეტგაზეთი

შეიძლება ვთქვათ, რომ ეს ბოლო ცვლილება, რაც მიიღეს საპროტესტო აქციებთან დაკავშირებით არა გამკაცრებაა, არამედ ამ უფლების ჩამორთმევაა. მით უმეტეს, რომ მთელი ამ ერთი წლის განმავლობაში, იგივე დაკავებული ადამიანების თუ მათი სასამართლოების მიხედვით, ჩვენ ვხედავთ, რომ ამ ფსევდო-ხელისუფლებას არ სჭირდება არანაერი რეალური სამხილი... არანაერი კანონიერი არგუმენტაცია... მას თუ აქვს გადაწყვეტილი, რომ უნდა დასაჯოს მისი მოწინააღმდეგე, ის დასჯის. ეს კანონიც, იქნება ეს რამდენიმე დღიანი ციხე, მე რე კიდე უფრო დამძიმებული, ესეც ძალიან პირობითია ალბათ. ისევე და ისევე პოლიტიკურ ნებაზეა დამოკიდებული. ამიტომ ჩვენი აქ ყოფნა ბუნებრივად კიდია ფაქტიურად. ყველა ჩვენგანი, ჩვენს თავისუფლებას ვაყენებთ ძალიან დიდი საფრთხის ქვეშ. მაგრამ ეს საფრთხე იმასთან არაფერია, რაც გველის მომავალში. თუმცა არ ვიცი, ყოველდღიურად ისე მძიმდება სიტუაცია, რომ ამაზე უარესი რაღა უნდა იყოს. გაფორმებული საბოლოოდ ავტორიტარიზმი, ყველას და ქვეყანას საბოლოოდ გადაიყოლებს. ამიტომაც შემართება... შეუძლებელია, რომ იყოს სხვანაერად... უნდა ვიბრძოლოთ, თუმცა ვფიქრობ რომ რაღაც ბრძოლის ფორმები, თუნდაც იგივე საპროტესტო აქციების სტრატეგია რაღაცნაირად შესაცვლელი და გადასახედია ალბათ, რომ ისედაც ამ გამრავლებული სინდისის პატიმრების ფონზე კიდე უფრო ბევრი აქტივისტი არ მოექცეს მათ ხელში

20 ოქტ / 2025

## ზეწოლის მექანიზმები

დაჯარიმებული პროტესტანტების მზარდი რაოდენობა ერთსა და იმავე პრობლემაზე იწყებს საუბარს: ქვეყნის დატოვების მცდელობისას შეზღუდვებსა და სირთულეებს აწყდებიან.  
წყარო: თამთა დოლენჯაშვილი

ფსიქოლოგიური ზეწოლის ახალი მექანიზმი მოუფიქრებია შსს -ს , ნახევარ საათზე მეტი მაყურებულს პასპორტ კონტროლთან თბილისში. მეტეი რა ხდება? მე რე მითხრეს , აი, იქ ორი ქალი რომაა, იმათთან მიდიო. მივედი და ჯარიმა გაქვთ გზის გადაკეტვის გამოო. მეტეი ჯერ არ ჩამბარებია უწყება და რა შუაშია ახლა ეს ჩემს ფრენებთან. ჰოო.. აი რავციტოთ, აქ არ ჩანს რა პროცესშიაო. მეტეი, წიგნის წარგენა მაქვს ფრანკფურტში დღეს 3 საათზე, ან მიშვებთ , ან ჩემს გერმანულ გამომცემელს ვურეკავ და საქართველოს აეროპორტს, როგორც შსს – ს ფილიალს და მისი სამარცხვინო ბრძანებების შემსრულებელს, საერთაშორისო სკანდალში გაგხვევთ. არა , გიშვებთო, – დაშინდნენ. ხელი მოგვიწერე ოღონდ ამაზეო, ამოიღეს შსს განაცხადი ჯარიმაზე.

20 ოქტ / 2025

## ჩემამდეც მოვიდნენ

ფორმულას ცნობა მის  
დაკავებულ ჟურნალისტებზე  
ფოტო:  
მარიამ ნიკურაძე / ოუსი მედია

„ფორმულას“ ჟურნალისტი ქეთა ციციშვილი,  
სავარაუდოდ, გზის გადაკეტვის მიზეზით დააკავეს

„ჩემამდეც მოვიდნენ! მომაკითხეს მილიციელებმა“ რო  
გონიათ ან მე შემეშინდება ან ჩემი ოჯახის რომელიმე  
წევრს ან ჩემს რომელიმე მეგობარს!

ბოლოს მაინც ჩვენ მოვიგებთ. „ქართული ოცნება“ —  
რუსებო!!!

p.s დე-მა ბებო/ბაბუ არ ინერვიულოთ“ — დაწერა ქეთა  
ციციშვილმა სოციალურ ქსელში

„ოცნების“ პოლიციამ 19 ოქტომბერს ფორმულას კიდევ  
ერთი ჟურნალისტი და ტელეწამყვანი ვახო სანაია  
გზის გადაკეტვით დააკავა. მას 6-დღიანი პატიმრობა  
შეუფარდეს



მზია ამდღობელს სახაროვის სახელობის პრემია გადაეცა  
წყარო: რადიო თავისუფლება

„ბათუმელებისა“ და „ნეტგაზეთის“ დამფუძნებელი, ჟურნალისტი და მედიამენეჯერი, პატიმრობაში მყოფი მზია ამდღობელი ევროკავშირის ადამიანის უფლებათა უმაღლესი ჯილდოს, სახაროვის პრემიის მფლობელია. მასთან ერთად პრემია მიიღო ბელარუსელმა ჟურნალისტმა ანდრეი პაჩობუტმა. სახაროვის პრემია ევროკავშირის უმაღლესი ჯილდოა ადამიანის უფლებათა დაცვის სფეროში გაწეული საქმიანობისთვის და აღიარებს და ეხმარება იმ ადამიანებს, ჯგუფებსა და ორგანიზაციებს, რომლებსაც განსაკუთრებული წვლილი შეაქვთ აზრის თავისუფლების დაცვის საქმეში. პრემია 1988 წელს დაარსდა და საბჭოთა დისიდენტის ანდრეი სახაროვის სახელს ატარებს – პრემია აღიარებს ისეთ სფეროებში გაწეულ ძალისხმევას, როგორცაა გამოხატვის თავისუფლება, უმცირესობების უფლებები და კანონის უზენაესობა. სახაროვის პრემიის ყველაზე გავლენიან მფლობელებს შორისაა ნელსონ მანდელა, პაკისტანელი აქტივისტი მალალა იუსაფზაი, რუსი ოპოზიციური ლიდერი ალექსეი ნავალნი. 2022 წელს პრემია გადაეცა უკრაინულ ხალხს რუსეთის აგრესიის წინაშე გაწეული წინააღმდეგობისა და ეროვნული სუვერენიტეტის დაცვისთვის



ეს მზიასთვის - შეძახილის ფონზე თამარ ლორთქიფანიძემ პოლიციის მანქანას გადაურბინა ფოტო: მოსკ

დოდი ხარხელის საზოგადოებრივი  
უსაფრთხოების გზამკვლევი.  
რამდენიმე თვით ადრე ის  
სოციალურ ქსელებში აქტიურობის  
გამო, საკუთარი შვილის საბავშვო  
ბაღთან დააკავეს და მისი ბინა  
გაჩხრიკეს

ვეცდები გავითვალისწინო ყველას რჩევები და თავი  
არავის დავაჭერინო. ანუ ვეცდები:

გზა არ გადავკეპო,

ტროტუარზე არ ვიდგე,

ფეისბუქზე პოსტი არ დავწერო,

რამე ემოჯი არ ვიხმარო,

ვიდეოში არ გამოვჩნდე,

სახლში არ მივდიოდე ჩემთვის, სადაც გამვლელს ხელი  
მოსტყდება,

სახლში არ ვიყო ბავშვებთან ერთად,

პირბაღე მეკეთოს,

პირბაღე არ მეკეთოს,

ვინმეს არ მივაწოდო პირბაღე ან აირწინალი,

მილიციელმა შემაფურთხოს და სილა არ გავაწნა,

მილიციელმა შემაგინოს და მანქანაზე არ ავძვრე,

მანდატურმა სახეში მირტყას და თავი არ დავიცვა,

ნაგვის ურნას არ მოვკიდო ხელი,

არ მეჭიროს ხელში “ანწუხელიძე გმირია”,

არ მეჭიროს ხელში საქართველოს დროშა.

### შეხსენება

მარჯვნივ:  
ავტორი: ეთერ ჭკადუა

ეს ნახატი 1988 წელს შევქმენი — იმავე წელს, როცა  
საბჭოთა საქართველოდან შეერთებულ შტატებში  
გადავედი საცხოვრებლად. (მაშინ საქართველო საბჭოთა  
კავშირის შემადგენლობაში იყო.) დღევანდელმა  
მოვლენებმა როგორც საქართველოში, ასევე ამერიკაში ეს  
ნახატი გამახსენა და მინდოდა თქვენთან გამეზიარებინა.




25 ოქტ / 2025

## უფლისთვის მიმინდია

*მოსამართლე მანუჩარ ცაცუას და,  
ელენე ცაცუა საჯაროდ აკრიტიკებს  
მისი ძმის ქმედებებს და პროტესტს  
სოლიდარობას უცხადებს.*

დანარჩენი უფალს უნდა მიანდო! ჩემი ძმა უფლისთვის მიმინდვია! მინდა შეწყვიტოს ადამიანებისთვის ტკივილის მიყენება! ყოველ ჯერზე მეც მკლავს. ზოგჯერ მგონია დავიძინებ და ვერ გავიღვიძებ ამდენი დარდისგან. ყველას ვისაც გული ატკინა, ვიმახსოვრებ და ჩემი დარჩენილი ცხოვრება მათი მსახური ვიქნები.

მე არ ვარ პასუხისმგებელი მის საქციელზე, მაგრამ და უნდა შეეხილო საკუთარ ძმას როცა ის განსაცდელშია. ასე აღგზნარდეს მშობლებმა! არ შეიძლება ღვთის ხატს, უდანაშაულო ადამიანს გული ატკინო, მითუმეტეს სხვის ბედს შეეხო! მიყვარხართ ყველა და ძალიან განვიცდი ამ ყველაფერს



29 ოქტ / 2025

გთხოვთ, არ ჩამეხუტოთ


წყარო: რადიო თავისუფლება  
ფოტო:  
მარიამ ნიკურაძე / ოუსი მედია

მასწავლებელმა, სამოქალაქო აქტივისტმა ნინო დათაშვილმა რუსთავის ქალთა პენიტენციური დაწესებულება დატოვა. მან ციხის უზო ნელი ნაბიჯებით გაიარა

„უბრალოდ, მინდა, რომ დავჯდე... გთხოვთ არ ჩამეხუტოთ არავინ, მტკივა ყველაფერი...“ – მიმართავდა ის მეგობრებსა და მხარდამჭერებს, რომლებიც რუსთავში პენიტენციურ დაწესებულებასთან შეიკრიბნენ

ნინო დათაშვილს საპატიმროს დატოვების უფლება მას შემდეგ მისცეს, რაც პროკურატურამ ადვოკატის ღონისძიებად შეფარდებული პატიმრობის გირაოთი შეცვლა მოითხოვა. მოსამართლე თამარ მჭედლიძე ილმა ბრალდებულს 5000 ლარის გადახდა დააკისრა – მხარდამჭერებმა დათაშვილს ეს თანხა რამდენიმე წუთში შეუგროვეს





გზის გადაკეტვის გამო პოლიციამ თავისუფლების მოედნის მეტროსთან დააკავა ორი პენსიონერი — აზა ჩილაჩავა და მარია სულაბერიძე. სამართალდამცავების მიერ დაღუპულ ნივთებს შორის იყო ერთ-ერთი დაკავებულის კუთვნილი 2.55 ლარი ნაღდი ფული. ფოტო: მოსკ

კარგად მახსოვს როცა დაწერა - თავი ლაჩარი მგონია, დაჭერის შიშით ქვეყნიდან წავედი და უცხოეთიდან ვადევნებ თვალს ქვეყანაში რა ამბებია და რა დღემია ხალხიო.

ცოტა ხანში დაბრუნდა ქვეყანაში. დღეს, აქციას აზას სასამართლო პროცესიდან შეუერთდა, გზის გადაკეტვაში დებულობდა მონაწილეობას და სრულიად ჰქონდა გააზრებული, რომ დააკავებდნენ, თუმცა ერთი წამითაც არ დაუხევია უკან.

ანუკა გამსახურდია სამაგალითო ადამიანი ხარ!



აზა ბებო, აქ ვართ, განაცვლებთ - ტექსტი ქაღალდზე. აქედან მალევე, ანუკა გამსახურდია მეორეჯერ დააკავეს, რაც ახალი კანონით სისხლის სამართლის დანაშაულს უტოლდება. ტექსტი და ფოტო: ლევან ზაზაძე

71 წლის აზა ჩილაჩავას პირველი ინტერვიუ სასამართლოდან გათავისუფლების შემდეგ ტვ პირველის ეთერი

– ხელისუფლებას იმას ვეტყვი, რომ არ ვემორჩილები მათ კანონს. მე რუსეთი არ მინდა. ოკუპირება გაგვიკეთეს, გენოციდი მოგვიწყეს. მე რუსეთს არ ვეთანხმები რომ იყოს აქ, ჩვენთან რუსეთი და ბობოქრობდნენ. არა ბებო, მე ვიბრძვი. სვალაც გამოვალ. მე სვალ იქ დავდგები, მეხვეწებოდნენ არაო ბებო

– თქვენ საქმის კურსში იქნებით ალბათ, რომ განმეორებით შემთხვევაზე უკვე სისხლის სამართლის საქმე აღიდრება თქვენს წინააღმდეგ

– ვიცი, ვუთხარი... მე არ შევუშინდები, მე მაინც გავაკეთებ ჩემსას.

– ქალბატონო აზა, თქვენ გაგასამართლათ დევნილმა მოსამართლემ გალიდან, იცით ალბათ ხო? რა გაქვთ მისთვის სათქმელი?

– არ ვიცი რა უნდა ვუთხრა... ბებოს კი არ უნდა ებრძოლონ, სიმართლისთვის უნდა იბრძოლონ. არაკანონიერი კანონი რომ აქვთ მიღებული, რომ იძახიან კანონიო... თვითონ ირგებენ იმ კანონს

– რა არის მიზანი თქვენი პროტესტის კიდევ ერთხელ რომ განუმარტოთ საზოგადოებას და იმ ხელისუფლებას, რომელმაც მიიღო თქვენი, 71 წლის ქალის დაკავების გადაწყვეტილება?

– მე არ ვემორჩილები. მე არ დავემორჩილები. მე ვიცი რომ სვალ რო გავალ ვიქნები სისხლით გასამართლებული. ვიქნები, წავალ დავჯდები... მე თუ დავჯდები, სხვაც გამოჩნდება. დღეს იჯდა ახალგაზრდა გოგო, მაგრად იბრძოდა, ანასტასია ჯაფარიძე მე მგონი. ერთად ვიჯექით და ბევრი ვუჩიჩინეთ ამათ, ბევრი ვეწინააღმდეგეთ. ბევრი კიდევ შემოიყვანეს. ბრძოლა ბოლომდე, გავძახოდით იქ, შიგნით. ვიბრძვით ბოლომდე ბებო და რავიცი

– სვალ ისევ გახვალთ? თქვენ ხომ იცით რომ ერთწლიანი ციხე გემუქრებათ?

– ვიქნები, ისევ გადავკეტავ ბებო, პირველი გადავალ...

## დამ დაინახა და და გადავიდა

დავით ჩხეიძის ჩანაწერი,  
ოჯახის დაკავებაზე

დამ დაინახა და – გადავიდა; შვილმა – დედა და დეიდა  
და გადავიდა; ძმამ – ძმა დაინახა და გადაჰყვა.

ზღაპრებში წაგიკითხავთ ასეთი ამბები?

ასეთ მოქალაქეებთან, ასეთ ადამიანებთან ერთად  
ვცხოვრობთ.

დამარცხებელია ეს ქვეყანა!

არასდროს დამარცხდება.

დღეს, 3 ნოემბერს დააკავეს ქიმიის მასწავლებელი  
და თბილისის თავისუფალი ვალდორფის სკოლის  
ერთ-ერთი დამფუძნებელი მანანა ჯავაშვილი, გზის  
გადაკეტვის საბაბით. იმავე საქმეზე სასამართლოში  
იბარებენ მანანას დას, ასევე მასწავლებელ ეკა  
ჯავაშვილს. დააკავეს მანანა ჯავაშვილის შვილი გიგა  
წიბახაშვილი, სასამართლოშია დაბარებული მანანას  
მეორე შვილი ლადო წიბახაშვილი.

სასამართლომ მანანა ჯავაშვილს  
ერთ დღიანი პატიმრობა შეუფარდა.  
მის ორივე შვილს, ლადო და გიგა  
წიბახაშვილებს - 8 დღე მიუსაჯეს  
ეკა ჯავაშვილი კი 5 ათასი ლარით  
დაჯარიმდა



ლეილა ცომბიამ გათავისუფლების შემდეგ კვლავ გადაკეტა გზა. ფორმულას ეთერი ფოტო: მარიამ ნიკურაძე / ოუსი მედია

იცით რა, ქართველი ერი საერთოდ ვართ მებრძოლი ერი... ზოგჯერ იყო ისტორიულად შემთხვევები, რომ ჩვენ ვმარცხდებოდით, მაგრამ არ ვნებდებოდით... და როგორ შეიძლება დავნებდეთ ჩვენ, უკანონო ივანიშვილის ხელისუფლებას. როდესაც ხელისფლების სათავეში არის პირი, რომელიც არის ჩრდილოვანი მმართველი. ეს შეურაცხყოფს ჩვენს ღირსებას. ჩვენში აკუმულირება ხდება პროტესტის და ის რაოდენობა, რომელიც ეხლა აქ არის წარმოდგენილი, ამაზე გაცილებით მეტი, ასჯერ მეტი რაოდენობა არის დღეს დამუხტული პროტესტით. იმისათვის, რომ ჩვენი ევროპული კურსიდან უკან დავიხიეთ და ფაქტიურად უკან, საბჭოთა კავშირში გვაბრუნებენ. ამას ვერცერთი ქართველი... საშუალო ფენა იქნება, უმაღლესი თუ საერთოდ ინტელიგენცია, ყველა აუჯანყდება. ჯანყი უკვე დაგროვილი არის ხალხში და ამათ ძალიან კარგად იციან, რომ ეს ის რაოდენობა არ არის, რომელზეც მათ შეიძლება იმედები დაამყარონ. ამიტომ, არავითარ შემთხვევაში არ უნდა იყოს უკან დახევა... მე პირადად არასოდეს არ შემშინებია არცერთი რეჟიმის. თვით შევარდნაძის რეჟიმისაც კი, რომელიც გვხრიტავდა ჩვენ... ხომ წავედით წინ... პროგრესი ხომ იყო ქვეყანაში იმის შემდგომ... ასე, რომ პროგრესი ეხლაც იქნება და დადგება ძალიან მალე. უიმედობის საფუძველი არ გააჩნია ქართველ ერს. ამიტომ უნდა მოვიდეს, უნდა იბრძოლოს და არ არის სავალდებულო ასეთი რისკები გაწიოს და ცოცხალ ჯაჭვში ჩადგეს. მოვიდეს, ფიზიკურად დადგეს თუნდაც ერთი საათი... ეს არ იქნება დიდი მსხვერპლი მათგან, მაგრამ იქნება მოვალეობა, რომელიც უნდა გააჩნდეს თითოეულ ინდივიდს...




5 ნოემ / 2025

მტკიცედ

რუსიკო კობახიძის კომენტარი  
დაკავებამდე რამდენიმე წუთით  
ადრე  
ტვ პირველის ეთერი

მე გუშინ არ დავუჭერივართ ასე, რომ არამგონია დღეს სისხლზე წავიდე... მაგრამ ნუ ეგეც არ არის დიდი პრობლემა იმ საშიშროებასთან შედარებით, რაც ქვეყანას უდგას... ჩვენ, ყველას მოგვიწევს მერე ამ რაღაც საშინელ დიქტატურაში ცხოვრება, თუ ჩვენ არ ვივაჟკაცეთ და თუ არ შევანწყვეტინეთ ეს რეპრესიული კანონი...



6 ნოემ / 2025

როგორ კრიმინალი

სლამოს ცხრისთვის, უსამართლო ჩაგვრის და ციხის შიშის მიუხედავად, რუსთაველს ნახევარი საათით კეტავს 20-მდე ადამიანი. დანარჩენები ტროტუარზე ვდგავართ, შევცქერით და ვამხნევებთ ამ უშიშ ხალხს. ისე მოვარდება ხოლმე პოლიცია, გეგონება ინტერპოლის წითელი ცირკულარით ძებნილი დამნაშავეები დავდიოდეთ რუსთაველზე. საქმიანი, გაგულისებული სახეებით დგანან, ან მინივენებით დაქრიან და ღრიალებენ – გაათავისუფლეთ ტერიტორიაო. ამ მცირე დროის განმავლობაში, ჩემს ვიდეოში რომ ნახავთ, ისეთი პროვოკატორები მოდიან ხოლმე. ეს მძლოლი მართლა იმსახურებს წარსულში ცხოვრებას... რომ მოუშვა, სიამოვნებით გადასრესდა ხალხს, მაგრამ წინ ვინც გადაუდგა, იმ ადამიანმა რა დააშავა?! ის ხომ თავისუფალ ადამიანად დაიბადა და ეგეთ ქვეყანასაც იმსახურებს!

წყარო: ელენე თოიძე



ავტორი: მკა ზედელამვილი

ბერძნულ მითებს ვკითხულობდი, ქალების ისტორიებს და გმირ, გაწამებულ დედოფლებს ვხატავდი... მერე აზას სურათი შემხვდა, მისი ისტორია წავიკითხე და მივხვდი რომ ჩვენს გვერდით იყვნენ ეს გმირი ქალები. მერე ეთოს და აზას სურათი ვნახე და მისი გამძლეობა, თავდადება, მოთმინება გამახსენდა, ერთად კიდევ უფრო მზრუნველობით ედგნენ მხარში ერთმანეთს. სანამ ამ მცირე ჩანახატს მივუძღვნიდი მათე დევიდეს დის განწირული ხმა ჩამესმა. არ ვიცი გავბედავდი თუ არა იგივეს. და კიდევ ბევრი ქალის ჩამოთვლაა შესაძლებელი, რომლებიც ჩვენს გვერდით ცხოვრობენ, თანაარსებობენ და გზას გვინათებენ, ან ეკალს გლეჯენ.

მათ არც ხოტბას ვასხამთ და არც ბალადებს ვუწერთ, მაგრამ საკუთარ არსზე ნამდვილად გვაფიქრებენ. ღირებულებებზე და შინაგან სიმართლეზე, საკუთარი სინდისის ხმას გაგონებენ...

13 ნოემ / 2025

### შეჩერებული აკრედიტაცია


წყარო: ბათუმელები

„დროების“ ჟურნალისტ თიკო ერაძეს პარლამენტის აკრედიტაცია ერთი თვით შეუჩერეს. მიზეზი ჟურნალისტის მიერ საჯარო პლენარულ სხდომაზე გადაღებული კადრია, სადაც „ქართული ოცნების“ დეპუტატ ეკა ჭიჭინაძის მობილურის ეკრანი ჩანს — ის ვიკა ბუკიას ეთერს უსმენდა.

წერილში, რომელიც თიკო ერაძემ პარლამენტის აპარატის უფროსისგან მიიღო, წერია, რომ 2025 წლის 12 ნოემბერს მან პარლამენტის სხდომათა დარბაზში, მედიისთვის განკუთვნილი ადგილიდან „ნებართვის გარეშე“ გადაიღო ეკა ჭიჭინაძის მობილური ტელეფონის ეკრანი და კადრები სოციალურ ქსელში ატვირთა.

17 ნოემ / 2025

### ჩემო კარგო ქვეყანა



ილია ჭავჭავაძის სახლ მუზეუმთან მოქალაქეებმა - ჩემო კარგო ქვეყანა შეასრულეს.  
ვიოლინო - გვანცა ჩხეიძე  
წყარო: ნეტგაზეთი

თათია მექვაბიძვილის კომენტარი  
პროფესორ - ქეთევან ხუსკივაძის  
დაკავებაზე  
ტვ პირველის ეთერი

წარმოუდგენელია... იმიტომ, რომ ქეთი არის ამ სტუდენტებისთვის მაგალითი როგორი უნდა იყოს ლექტორი, როგორ უნდა იდგეს სწორ მხარეს... ქეთი დგას ამ ბავშვების გვერდით ყოველთვის. ამიტომ ეგ არის ჩემთვის წარმოუდგენელი. მე ამიტომ ვთხოვდი მას პასუხს, რომ გაეცა პასუხი... სამართალ დამცავებს თუ დამრღვევებს, რატომ დააკავეს ამ სტუდენტებისთვის ყველაზე საპატივცემულო ადამიანი – ქეთი ხუსკივაძე... იმიტომ, რომ აი ამ ადგილას სადაც დააკავეს მათე, სადაც უამრავ სტუდენტს გამოუტანეს განაჩენი, ეხლა მიადგნენ ლექტორებს იმიტომ, რომ ზუსტად ხედავენ საიდან მოდის ეს ჯანსაღი და განათლებული ახალგაზრდობა

მარშის დროს დაკავებულთა სია

ქეთევან ხუსკივაძე /  
დავით გიუნაშვილი /  
ლუკა ხიზაძე /  
ხალიბეგ მაგამედოვი /  
რეზი დუმბაძე / გიორგი  
ქამერაშვილი / ელენე  
ბერიკაშვილი /  
ვასო ბერიძე / გია  
ჯვარშეიშვილი / ნინო  
ბარძიმაშვილი / ნ.დ.  
მარიამ სვანიშვილი /  
ნინო გუდაშვილი

გზის გადაკეცივის აკრძალვის  
შესახებ ახალი რეგულაციის  
შემოღების შემდეგ, პროტესტმა  
უფრო დინამიური ხასიათი მიიღო  
და ერთი ქუჩიდან მეორეზე  
გადაადგილება დაიწყო. ამის  
მიუხედავად, პოლიცია წინასწარი  
გაფრთხილების გარეშე ჩნდებოდა  
და პროტესტის მონაწილეებს  
ტროტუარებზეც აკავებდა აქ  
წარმოუდგენელია ერთ დღეში  
დაკავებულთა სია.

„ნუ გამრიყავ! მეც ქართველი ვარ!“

რომში საიუბილეო წელთან დაკავშირებით გორის ქალთა გუნდმა თეონა ცირამუას ხელმძღვანელობით კონცერტი გაიმართა პანთეონის შენობაში, სადაც მიწვეულები იყვნენ ქართველი ემიგრანტებიც. რომში მცხოვრებმა აქტივისტმა, ეკა კაჭარავამ, ერთი ადამიანის პროტესტით დაგმო ემიგრანტებისთვის ხმის უფლების წართმევა...!!

რომში მცხოვრებმა ემიგრანტმა, ეკა კაჭარავამ ემიგრანტებისთვის საარჩევნო უფლების ჩამორთმევა ერთი ადამიანის პროტესტით გააპროტესტა



ემიგრანტი ეკა კაჭარავა აპროტესტებს საარჩევნო სისტემაში შეტანილ ცვლილებას, რომლებიც საზღვარგარეთ ხმის მიცემას ზღუდავს და ფაქტობრივად აიძულებს ემიგრანტებს, მომდევნო არჩევნებში მონაწილეობის მისაღებად საქართველოში დაბრუნდნენ.  
წყარო: ქარები

24 ნოემ / 2025

## პოლიციელის ფიცი

*ოთხდღიანი პატიმრობის შემდეგ ელენე ბერიკაშვილი რუსთაველის გამზირზე დაბრუნდა და პოლიციის თანამშრომლებს პოლიციელის ფიცს წაუკითხა. ის ამ მოქმედებას ყოველდღიურად იმეორებდა. ტექსტი: მოსე ფოტო: ლევან ზაზაძე*

ელენე ბერიკაშვილი პოლიციის ფიცს უკითხავს პატრულის თანამშრომლებს. შეგახსენებთ ის რამდენიმე დღის წინ ამავე ქმედების გამო დააკავეს და 4 დღე იზოლატორში გაატარა: ნეიტრალიტეტი... კანონიერების პრინციპები და თანაზომიერება... არ დავუშვა ნებისმიერი სახის დისკრიმინაცია... მაგალითად დისკრიმინაცია ფიცის წაკითხვაზე რომ მიჭერდით... ვიყო გამბედავი, დამნაშავეობასთან შეურიგებელი და დისციპლინირებული თანამშრომელი. კეთილსინდისიერად შევასრულო ჩემზე დაკისრებული მოვალეობა...



27 ნოემ / 2025

## იდენტობის შეცვლა

*ანა რიაბომენკო საუბრობს ოკუპანტების მიერ ქართული იდენტობის ცვლილებებზე ტვ ჰირველის ეთერი*

ცოტა გარედან უნდა შევხედოთ ხოლმე სიტუაციას... ჩვენ იმდენად ვართ შიგნით, ამ პროცესში, რომ ძალიან გვიჭირს ცივი გონებით აღქმა, სად ვიმყოფებით და რა ხდება. სინამდვილეში დღეს დღეისობით გავდივართ ქართული იდენტობის და ქართველი ერის ახალ ფორმირებას. რასაც აკეთებდა საუკუნეები ოკუპანტი და ოკუპანტის ხელით აკეთებს რეჟიმი... ვთქვათ, საკუთარი ქვეყნის მოქალაქე მოქალაქის წინააღმდეგ... რეალურად ეს არის ფორმირება ისეთი მორჩილი საზოგადოების,

რომელიც ჩვენ გვჭირდება...

ჩვენ 90-იანები როგორ გამოვიარეთ? ყველაფერს არ დავარქვით თავისი სახელი. ძალიან ბევრი, შორსაც რო არ წავიდეთ, გვაქვს ყალბი მაგალითები, ყალბი სახელწოდებებით. ფსევდო ნარატივი, რომელიც ასე ძალიან უყვარს ოცნებას... რომ იდენტობას გვართმევს დასავლეთი, რითიც საკმაოდ აპელირებს პროპაგანდა. ზუსტად ეს, თავს მოხვეული საბჭოური და რუსეთის იმპერიის ნარატივია, რომ ქართველი არის ასეთი ზარმაცი, მორგებული ადამიანი, რომელიც მარტივად მოერგება სისტემას და იქნება კომფორტულად... და ამ კონფორმიზმში გაიტანს თავს იმიტომ, რომ რა ვქნათ სისტემა მძიმეა... რეჟიმი არ გვაძლევს საშუალებას... როგორც შეგვიძლია... მაგრამ სამაგიეროდ ჩვენ გვაქვს რაღაცა პრივილეგიები... ჩვენ უკეთესად ვცხოვრობთ, ვიდრე ბელორუსები მაგალითად...

ამიტომ ამ ნარატივში მთელი ერი გვაქციეს რაღაცა სერვისის, მომსახურე პერსონალად... როცა ჩამოდის დიადი ბატონი, ჩვენ მას ვემსახურებით და ვართობთ... შენი კულტურა და შენი იდენტობა დაიყვანეს აქამდე... დღესდღეისობით, როცა 90-იანები მოხდა და მოხდა ეს გარღვევა, და რეალურად უნდა ჩამოყალიბებულიყო ქართული იდენტობა, იმდენად ძლიერი იყო ის პროპაგანდის ნაწილი და იმდენად ძლიერი იყო იმპერიული გავლენა ჩვენს საზოგადოებაში, რომ მანდაც მოახდინეს ეს განლექა იმიტომ, რომ არ გვქონდა ჩამოყალიბებული ზუსტად ვინ ვართ ჩვენ და რას ვაკეთებთ... ქრონიკულად ველოდებით ვიღაცას. რომ ვიღაცა ამას ჩვენს მაგივრად გააკეთებს. ზუსტად ამ ნარატივმა, რომ შენ არ წყვიტავ და წყვიტავს ბატონი შენს მაგივრად, მოგვაშორა ეს პასუხისმგებლობის გრძნობა და დღეს მოვედით იქამდე, რომ პირობითად ვიღაცა ელოდება, რომ საჯარო სამსახური დაულაგებს სადარბაზოს. როდესაც ეს სადარბაზო არის შენი და მარტივად შეგიძლია ამის გაკეთება...

არავინ არ გთხოვს რაღაცა განსაკუთრებულს, იმას რისი გაკეთებაც შენ არ შეგიძლია. მაგრამ როგორც მოქალაქეს, შენ შეგიძლია ერთი ნაბიჯის გადადგმა. როდესაც ვამბობთ და ხშირად ვშფოთავთ, რომ აზრი არ აქვს და ხალხი ჭრდება... ვინ არის ეს ხალხი? მე ვარ, თქვენ ხართ, ყველანი ჩვენ ვართ ის ხალხი ხო? ანუ ეს ზეციერი ლიდერიდან კი არ მოდის, რომ ლიდერი გამოჩნდება და ყველა ამას აყვებით... თან ვითხოვთ, რომ გვინდა სამართლიანი, დემოკრატიული სახელმწიფო, მრავალპარტიული და თან ვითხოვთ ლიდერს... ცოტა არათანხვედრაში ვართ ერთმანეთთან. თუ ვითხოვთ ასეთ სახელმწიფოს, სადაც მე მომწონს ერთი პარტია და იმას ვირჩევ... ვიღაცას სხვა და იმას ირჩევს... მიუხედავად იმისა, რომ განსხვავებული მსოფლმხედველობა აქვთ, განსხვავებული პროგრამები აქვთ, მაგრამ თანხმდებიან და ერთად შეუძლიათ ეს სახელმწიფო მიიყვანო რაღაცა კონსენსუსამდე... და კი არ იჩხუბონ ერთმანეთთან, არამედ ეს ჩხუბიც იყოს ჯანსაღი პოლიტიკური პროცესი. და საზოგადოება თუ გვინდა რო ვიყოთ ამ პროცესში ჩართული, აი ამ ინფანტილიზმს უნდა დავანებოთ თავი და გავაანალიზოთ, რომ ამ პროცესში დღეს ვართ ყველანი იდენტურები...



უწყვეტი პროტესტის 365-ე დღე  
თბილისი, რუსთაველის გამზირი  
ფოტო: ნინო თარხნიშვილი

#365


წყარო: ნათია ბუკია

და ვინმე კიდევ გაბედავთ და ხმას ამოიღებთ! 'BBC-ის მიერ ჩატარებულმა გამოძიებამ აჩვენა, რომ საქართველოს ხელისუფლებამ შესაძლოა გამოიყენა პირველი მსოფლიო ომის დროინდელი ქიმიური აგენტი — “კამიტე” (Bromobenzyl cyanide) დემონსტრანტების წინააღმდეგ.

იწვევს მწვავე წვას, რომელსაც წყალი არ რეცხავს, იწვევს სუნთქვის გაძნელებას, ხველას, გულისრევას, მოქმედება არის ხანგრძლივი, დღეები და კვირები. ეს ის ნივთიერებაა, რომელიც საფრანგეთმა გერმანიის წინააღმდეგ გამოიყენა 1915–1916 წლებში. მერე ამოიღეს მიმოქცევიდან, რადგან ეფექტი იყო მძიმე, ხანგრძლივი და პოტენციურად საშიში. 1930-იანებში ცივილიზებულმა სამყარომ გადაწყვიტა: ეს ნივთიერება ადამიანებზე აღარ უნდა გამოეყენებინათ.

ქიმიური საშუალებაა, რომელიც ხასიათდება ძლიერი ნერვული მოქმედებით.

ადამიანისთვის ძალიან საშიშია და იწვევს: შფოთვის, თავის ტკივილს, თვალების წვას, ცრემლდენას, ცხვირის და ყელის წვას, გულისრევას, გონების დაბინდვას, ხასიათის არასტაბილურობას. მძიმე შემთხვევებში სუნთქვის შეფერხებას, უგონო მდგომარეობას, კუნთების სპაზმს, შესაძლებელია გახდეს სიკვდილის მიზეზიც, თუ მაღალი დოზით შეიწოვება ან დიდ ხანს იმყოფება ორგანიზმში. კამიტე მოქმედებს ნერვულ სისტემაზე და აფერხებს სხეულის ბუნებრივ რეაქციებს.



## ჯერ კიდევ არ ვიცით

წყარო: ლიკა ქელიძე

2024 წლის დეკემბრის დარბევების დროს, გარდა იმისა, რომ საერთო დარბევებში მოჰყვა ქეთო, ერთ ღამეს დამიზნებით შეასხა სპეცრაზმმა მას და მის მეგობარს რაღაც, ვიდეოს უღებდნენ ადამიანების ცემისას და ამიტომ. მთელი ღამე ცალკე ოთახში იყვნენ ეს გოგოები, რომ სხვებიც არ დაეხრჩო ამ გაზისმაგვარ რაღაცას. მე მხოლოდ მეორე დღით გავიგე, სახლში ძლივს მოიყვანეს.

მანამდე გაზაფხულზეც მოჰყვა დარბევებში, თუმცა სულ სხვა იყო დეკემბრის ამბავი. დღემდე შენახული აქვს დროშა, რომელიც ამასწინათ ამოვიღე ყუთიდან და მთელი დღე ცუდად ვიყავი. ახლა ძალიან ვცდილობ ზედმეტი ემოციების გარეშე დავწერო ეს ამბავი და თუ მაინც გვემოციურათ, წინასწარ ბოდიშს გიხდით. სიმწრით მყავს შვილი გაზრდილი.

წელიწადი გავიდა და ჩვენ ისევ ვერ მივაკვლიეთ ქეთის ცუდად ყოფნის მიზეზს (მე კი ვიცი, თუმცა არ ვიცი რა დაუზიანდა). 2024 წლის დეკემბრის შემდეგ ბავშვი ყოველდღე ცუდადაა. სასუნთქი გზების და წიაღების ანთებას ვუმკურნალებთ, თუმცა ცხვირიდან სისხლდენა მაინც გაგრძელდა. წნევები 160-110 და უეცრად 90-50. პულსი მუდმივად 120-ზე მაღალი. თავის უსაშველო ტკივილები და ხმაური ყურებში, რომელიც თვეები გაუგრძელდა. ამ სიმპტომებს რომ ვწერ, იცოდეთ რომ ეს აქვს ყოველდღიურად.

ბოლო კვლევის პასუხები გუშინ მივიღეთ, ამჯერად თირკმლის რაღაცას იკვლევენ (წნევების გამო). ისეთი ანალიზები გაიკეთა, არასოდეს გაგებულნი არ მქონდა. თუ არსებობდა ასეთი ანალიზები არც ის ვიცოდი.

ენდოკრინოლოგი  
ოტორინოლარინგოლოგი  
ნევროპათოლოგი

ჩვენი უკარგესი ოჯახის ექიმი ჯული უბერი ხომ დავტანჯეთ უკვე წელიწადია. გარშემო ძალიან ბევრი ადამიანი ვიცი, ვინც იგივე ღღეშია. თავად ვიყავი მძიმე დარბევებიდან რამდენიმე დღის შემდეგ რუსთაველზე და მთელი ღამე მახველებდა რადგან ისევ იყო იქ ყველაფერი გაქვნილილი გაზით თუ რაცაა.

სიცოცხლის ფასად რომ დამიჯდეს, ჩემს შვილს ვუშველი. სამშობლოსაც ვუშველით, მაგრამ სამართლიანობის აღდგენისთვის უკლებლივ ყველას დასჯას ვითხოვ! ბრძანების გამცემიდან თითოეულ შემსრულებლამდე!

წყარო: ანანო სამუშია

5 აპრილს გარდაიცვალა. გამომძიებელი და დანარჩენები რომ მოვიდნენ, რა თქმა უნდა უამრავი კითხვა იყო და ყველა ვერსიაზე მიდიოდა საუბარი, მათ შორის იმაზეც, რომ დედა ჰყავდა ანეკრიზმით გარდაცვლილი და შეიძლება ახლაც ეგ ყოფილიყო??

იმავე დამეს დამიბარეს ჩვენების მისაცემად, ოჯახს ექსპერტიზა რომ არ დაუგვიანდესო. როგორ მდგომარეობაში მივედი განყოფილებაში, თქვენ წარმოიდგინეთ, მაგრამ ექსპერტიზის პასუხი რომ დაგვიანებულიყო, არ მინდოდა. იქაც დეტალურად გამომკითხეს მშობლებზე, და ვუთხარი, რომ დედა გარდაცვლილი ჰყავს. ექსპერტიზის პასუხს ველოდეთ 2 თვე. ივნისში გამომძიებელმა მითხრა, რომ პასუხი მოვიდა, მაგრამ მე ჯერ ვერ მეტყვის, ამისთვის მშობლები უნდა დაიბაროს განყოფილებაში. ისევ შევასხენე, რომ მშობლებს(!) ვერ დაიბარებს, რადგან დედა გარდაცვლილია.

როგორც იქნა, დაურეკა გამომძიებელმა ნათიას და უთხრეს, რომ ექსპერტიზის პასუხი მოსულია და მშობლებთან(!) ერთად მივიდეს განყოფილებაში. ნათიამ უთხრა, რომ დედა გარდაცვლილია, მაგრამ მამას მიიყვანს.

მივიდა მამა განყოფილებაში და პირველი იცით რა ჰკითხეს? თქვენი მეუღლე სად არისო. ჰოდა, ივნისის მერე ველოდებით, რომ პროკურორმა საქმე დახუროს (რომელიც სულ 5 გვერდია, ექსპერტიზის დასკვნის ჩათვლით) და მაიკოს ტელეფონი დაგვიბრუნონ, რომელშიც, ალბათ, მაიკოს უამრავი ფოტო და ვიდეოა.

არ ვიცით რას ელოდებიან, მაგრამ პოლიციის განყოფილებაში დავდივარ ლამის კვირაში ერთხელ, ზოგჯერ გულისხმიერი პოლიციელი მხვდება, რომელიც მართლა ცდილობს, რამე გაარკვიოს, ზოგჯერ სკამზე გადაწოლილი პოლიციელის უხემ პასუხებს ვისმენ, თუმცა, ჯერჯერობით, ყველაფერი უშედეგოდ. და დღეს ვიგებთ, რომ შეიძლება სულაც ციანიდით რომ მოგვწამლეს, მაგიტომ მოხდა ეს ყველაფერი.

ისეთი ქაოსი მაქვს ახლა თავში და ისეთი გაბრაზებული ვარ, მხოლოდ მაიკოს რომ შეეძლო ჩემი დამშვიდება, მაგრამ აბა...

## ახლაც ასე ვარ

წყარო: შორენა გაბუნია

ეს ფოტო 2024 წლის 17 აპრილსაა გადაღებული. ზუსტად არ მახსოვს, ეს დღე იყო თუ რომელიმე მომდევნო დღე, როცა რუსული კანონის გასაპროტესტებელი ერთ-ერთი მსგავსი აქციის დროს, ზედ მარჯვენა ფეხთან ამიფეთქეს გაზის კაფსულა. რა თქმა უნდა, ეს საწამლავი ჩემთვის არც პირველი ყოფილა და არც ბოლო, მაგრამ იმ დამეს, ალბათ ტოქსიკური ნივთიერებების ჭარბად მიღების გამო, ნამდვილი კომშარი დაგვემართა. მე ძირითადად მარჯვენა თვალი გამირთულდა, ლევანს კი სუნთქვის პრობლემები შეექმნა და ამ დღიდან დაახლოებით ერთი თვე საშინელებები სჭირდა.

ამის შემდეგ ჩემს ცხოვრებაში კიდევ უარესად მძიმე ამბები მოხდა, რის გამოც ყოველდღე ვტიროდი და ისედაც მქონდა თვალები დაოსებული. მხოლოდ რამდენიმე თვის შემდეგ, როცა დედაჩემი გარდაიცვალა და ტირილს მოვუკელი, აღმოჩნდა, რომ მარჯვენა თვალი არ მირჩებოდა. აი მაშინ მივხვდი, რომ იმ დამემ რაღაც სამუდამო კომშარი მაჩუქა.

ახლაც ასე ვარ – ცალი თვალი სხვანაირი მაქვს და უამრავ წამალს ვიღებ. შარშან, ზამთრის დარბევების დროს, ეპიცენტრში უკვე ვეღარ ჩავდიოდი და ძირითადად ოპერასთან ვმოძრაობდი, რადგან ჰაერში გაფრქვეულ საწამლავს შორიდანაც კი ლამის სიბრმავემდე მივყავდი. თურმე ციანიდით დავუსაჩუქრებივართ ივანიშვილს. მიკვირს? – საერთოდ არა. ჩემი ყველა მეგობარი მსგავსი და კიდევ უარესი სიმპტომებით იტანჯებოდა ამ დარბევებისას. თავს მსხვერპლად ვგრძნობ? – საერთოდ არა. ივანიშვილნაირი საცოდავი ნაბიჭურის მსხვერპლი ვერავინ იქნება ჩვენ შორის, სულ რომ დავიხოცოთ. ამ დაბოღმილ და უკიდურესად უბედურ არარაობაზე ბედნიერი, მდიდარი და თავისუფალი მართლა ყოველთვის და ყველგან ვიქნები.



წყარო: მანანა ხუჭუა

ეს არის ის მდგომარეობა, რომელიც სახლში მისვლისას აღმოვაჩინე იმ წყლის ჭავლით რომ დაგვმალეს პარლამენტთან მაშინ ჩიტაძის ქუჩაზე ვიდექი წყლის შადრევნები რომ გადმოაფრქვიეს და დიდი აურზაური რომ ატყდა... ძალიან დავიბენი ხალხმა რუსთაველის მეტროსკენ იბრუნა პირი და ყველა იქით მხარეს გარბოდა... წყლის გარდა გაზსაც უშვებდნენ და მივხვდი, რომ თავისთვის უნდა მეშველა... მე თავისუფლების მეტროსკენ შევიბრუნე პირი და ხალხს გამოვეყავი... ქაშვეთის ეკლესიამდე არც ვიყავი მისული, ფეხებზე წვის შეგრძნება რომ გამიჩნდა... ჰოდა დავადე თავი და თავისუფლების მეტროსკენ დავიწყე გზის გაკვლევა... ვიღაც ბიჭმა გამომძახა პარლამენტთან არის უკვე წყლის ჭავლი და თანაც რობოკოპები დაგიჭერენო... რუსთაველის მეტრომდე ძლივს მივლასლასდი ფეხები მეწვოდა თუმცა მეგონა დასველებული შარვლის ბრალი იყო... სახლში რომ მივედი და გამოვიცვალე – აი ეს მქონდა



6 დეკ / 2025

### ხალხის წინააღმდეგ

ლანა დოდობერიძის კომენტარი  
კამიტის შესაძლო გამოყენებაზე  
ტვ პირველის ეთერი

პირველი რაც მახსენდება, 9 აპრილია. რომ ვიდეი აქ, ეს რაღაცა უცნაური არსებები წამოვიდნენ ჩვენზე ტანკებით და მერე, მე და ჩემს შვილს, ნუცას მოგვსდევდა, რატომღაც ჩვენ ამოგვიჩემა, ერთი ესეთი ნიჩბიანი აი ის... ვინ, რა იყო არ ვიცი. თან აფარებული ჰქონდათ ეს რაღაცა სახეზე. აი, ის მომწამვლელი გაზი, მაშინ ისეთი შოკი იყო მაინც... და მაინც ისინი გახდნენ იძულებული, რომ ეთქვათ რა გამოიყენეს. და დღეს ამ სინამდვილის წინაშე როგორ უნდა ვიყოთ მართალი გითხრა ვერ ვეგუები ამას. ძნელია დაუშვა, რომ შენი ხელისუფლება იბრძვის შენივე ხალხის წინააღმდეგ.

8 დეკ / 2025

### სოლიდარობა ბალდას

წყარო: სალომე სიმონია

დღეს, 74 წლის მზისა გაბეშია მთელი დღე გარეთ იჯდა მარტვილის ცენტრში. ასე გამოხატა ბალდელი დედებისა და ბებიებისადმი თანადგომა, რომლებიც უკვე მე-10 ღამეს ათენებენ ღია ცის ქვეშ, ერთი მარტივი მოთხოვნით: გაუქმდეს კორუფციული ხელშეკრულება და ბალდის კანიონი დაუბრუნდეს ხალხს.

დიდებულია მეგრელი ქალების შეუპოვრობის, პრინციპულობისა და ერთმანეთისადმი სოლიდარობის გამოხატვის აქტების ხილვა. დიდებული და აღმაფრთოვანებელია.



ნინო ლალიძე მოქმედებისკენ  
ხალხს მოუწოდებს  
წყარო: ქეთი ბაბუნაშვილი

ჩემო ძვირფასო მეგობრებო, გილოცავთ. 45 წუთში დადგება ის წელიწადი, როდესაც ჩვენ მთლიანად გავიღვიძებთ დიქტატურაში იმიტომ, რომ არალეგიტიმურმა, რუსულმა ძალამ, რომელმაც მიიტაცა სახელმწიფო, თავზე დაგვანია კონსტიტუცია ერთი წლის წინ, მიიღო კანონი დაჩქარებული წესით იმასთან დაკავშირებით, რომ თურმე ტროტუარებზე დგომა და გაპროტესტება აღარ შეგვიძლია საზოგადოებას. აქვე მინდა ყველას შევახსენო, განსაკუთრებით ჩემს მეგობრებს, რომლებიც დიდ აქციებზე გამოდიხართ... მინდა გითხრათ, რომ ავტორიტარიზმიდან დიქტატურამდე გზას გადის არა მარტო ოლიგარქი, რომელიც ამ ყველაფერს აწესებს, არამედ ის საზოგადოებაც უწყობს ხელს, რომელიც ამაზე არ რეაგირებს. ამიტომ დროა რო გამოფხიზლდეთ, გამოიღვიძოთ და დადგეთ ფეხზე, თუ არ გინდათ რომ ხვალ თქვენ ოთახებში ჩაგიკეტონ ჰაერი და იმ ფორმებით და იმ ვიზუალით იაროთ, როგორც ბიძინას გაუხარდება, დროა გამოფხიზლდეთ და გამოსვიდეთ რუსთაველზე და გააპროტესტოთ. იმიტომ, რომ ტროტუარზე მე და ჩემს მეგობრებს თურმე გვეკრძალება, რომ დავდგეთ და ვილაპარაკოთ. ამიტომ პროტესტში ჩართვის, მობილიზების და ქართული ოცნებისთვის იმის დამტკიცების დრო დადგა, რომ საზოგადოება ვართ ერთიანი, საზოგადოება ვებრძვით ამ ძალას, რომელიც ანტი-დემოკრატიულია და ყველანერად არღვევს ყველა წესრიგს და ყველა ნორმას, რაც დემოკრატიულ სახელმწიფოს შეეფერება.





სახალწლო ნაძვის ხის  
პარალელურად, დემონსტრანტებმა  
პარლამენტთან ალტერნატიული  
ნაძვის ხე აანთეს  
რუსუდან ჯაყელის ვიდეოდან

## 12 დეკემბერი წლების შემდეგ

წყარო: სალომე კვარაცხელია

წლების შემდეგ, როდესაც 12.12.2025-ს გაიხსენებს  
მომავალი თაობა, დღეს, როდესაც საქართველოს  
არაკონსტიტუციურმა მთავრობამ ტროტუარზე დგომა  
აკრძალა – ჩვენ გვექნება ამაყი პასუხი:

ვერ შეგვაშინეს!  
არ დავნებდით!  
სხვაგვარად არ შეგვეძლო!  
დიდებული ხალხი ვართ – მართლა!

*მზია ამალღობელის წიტიყვა  
ევროპარლამენტში სახაროვის  
პრიზის გადაცემისას  
კითხულობს ირმა დიმიტრიძე*

სტრასბურგში, ევროპარლამენტში მზია ამალღობელს და ბელორუს ჟურნალისტ ანდჟეი პოჩობუტს ევროკავშირის უმაღლესი ჯილდო, სახაროვის პრემია გადასცეს.

ჯილდოები მათმა წარმომადგენლებმა ჩაიბარეს: ანდჟეი პოჩობუტის შვილმა იანა პოჩობუტმა და „ბათუმელების“ ჟურნალისტმა, ირმა დიმიტრიძემ.

მზია ამალღობელის სიტყვას „ბათუმელები“ ავრცელებს:

ძვირფასო ევროპარლამენტარებო,

ადამიანის უფლებების ამ უმნიშვნელოვანესი ჯილდოს მიღება უდიდესი პატივი და პასუხისმგებლობა – მას ვიღებ ჩემი კოლეგების, იმ ჟურნალისტების სახელითაც, რომლებიც დღეს საქართველოში იბრძვიან ჟურნალისტიკის გადასარჩენად. იბრძვიან იმისთვის, რომ საქართველოს მოქალაქეების წინააღმდეგობის ხმა გაგაგონონ თქვენ.

ამ ჯილდოს ვიღებ ყველა იმ პოლიტპატიმრის სახელით, რომლებიც უსამართლოდ იხდიან სასჯელს ციხეებში და „ექვმიტანილები“ არიან საქართველოს ევროპული მომავლისათვის ბრძოლაში.

ეს ჯილდო იმის მაჩვენებელია, რომ ჩვენი ხმა, საქართველოს მოქალაქეების ხმა გესმით ევროპაში.

ჩემმა ხალხმა ძალიან გრძელი გზა გამოიარა იმისთვის, რომ ეს ხმა გაგეგოთ, რადგან ჩვენ შორის ყოველთვის იდგა რუსეთი.

ჩემმა თაობამ კარგად იცის, რომ საქართველოს მტერი რუსეთია და ამისთვის ისტორიული წყაროების მოშველიება არ გვჭირდება. საკუთარი თვალთა გვინახავს და გვახსოვს საბჭოთა ოკუპაციის წლები, რუსი სამხედროების მიერ ნიჩბებით აჩეხილი და ქიმიური იარაღით მოწამლული ქართველები, გვახსოვს 2008 წლის აგვისტოს ომი და საქართველოს ხელახალი ოკუპაცია.

რუსეთის მუდმივი მუქარის ფონზე ჩვენ მთელი ძალისხმევა, როგორც შეგვეძლო, სახელმწიფოს განვითარებისკენ მივმართეთ.

არჩევნებში საკუთარი ხმის მნიშვნელობა დავინახეთ, კორუფციის გარეშე უმაღლესი განათლების გარემო

შევქმენით, სასამართლოს, მედიის მიუკერძოებლობა მოვინდომეთ, ადამიანის უფლებების დაცვაზე, სახელმწიფოს ვალდებულებაზე და მოქალაქის პასუხისმგებლობაზე ვმსჯელობდით.

ამ წლებში საქართველოში გაიზარდა თაობა, რომელმაც რუსულის ნაცვლად ინგლისური და სხვა ევროპული ენები ისწავლა. ევროპამ გაიწიო თანამედროვე ქართველი მწერლები, მხატვრები და რეჟისორები.

ჩვენ ვცვლიდით ცოდნას, გამოცდილებას და კულტურას თქვენთან, ევროპასთან.

ჩვენ სამსახურები, მეგობრები, საყვარელი ქალაქები აღმოვაჩინეთ და გავიჩინეთ ევროპაში.

დღეს ევროკავშირისკენ სწრაფვას რეპრესიებით პასუხობენ ჩემს სამშობლოში. ხელისუფლება მიტაცებული აქვს რუსული ინტერესების გამტარ რეჟიმს. საქართველოს მოქალაქეები წელიწადზე მეტია, უწყვეტად, ჟურნალში აპროტესტებენ ევროკავშირში გაწევრიანების პროცესის შეჩერებაზე განცხადებას. ეს განცხადება ნაკვერჩხალს ჰგავდა – საქართველო ააღდა და მას შემდეგ ვიწვით.

ეს რეჟიმი დაუნდობელია: სცემს, წამლავს, აჯარიმებს, აპატიმრებს და ამანტაჟებს პროტესტის მონაწილეებს. ანადგურებს თავისუფალ ჟურნალისტიკას, აუქმებს ოპოზიციურ პოლიტიკურ პარტიებს და ციხეში ამწყვდევს მათ ლიდერებს, ფაქტობრივად აუქმებს არასამთავრობო ორგანიზაციებს, იქ დასაქმებულ ადამიანებს კი აგენტებად აცხადებს და როგორც ახლახან BBC-ს საგამოძიებო ფილმით შევიტყვეთ, სავარაუდოდ, ქიმიური იარაღით წამლავს მოქალაქეებს.

თუმცა პროტესტის ჩახშობა მაინც ვერ შეძლო. ალბათ, სწორედ ამიტომ, რომ ევროკავშირისგან ისეთი ცხადი მხარდაჭერის განცხადებები ისმის ქართველი ხალხის, ქართული საზოგადოების მისამართით, როგორც არასდროს. ამის გამო ძალიან მაღლიერი ვარ.

ვისურვებდი ეს განცხადებები მოქმედებაში გადაიზარდოს და ევროპელმა ლიდერებმა ყველა არსებული მექანიზმი გამოიყენონ, რაც გააჩნიათ ავტოკრატიულ მმართველებზე ზეგავლენისთვის. ვისურვებდი ქართული საზოგადოება, მისი დემოკრატიის და ევროპისკენ სწრაფვა დაიცვან ისე, როგორც დაიცავდნენ საკუთარი ქვეყნის თავისუფლებას. რადგან საბოლოოდ, ყველაფერი ერთ რამემდე დადის: ახლა უკვე უდავოდ ნათელი უნდა იყოს, რომ ძალა, რომელიც

ბელარუსში, უკრაინასა და საქართველოში ჩადენილი საშინელებების უკან დგას, ევროპის გულს უახლოვდება. ის თქვენი სახლებისკენ მიემართება – ჩვენ კი უბრალოდ წინაღობა ვართ მის გზაზე.

მალე შობას, ახალი წლის დადგომას იზეიმებს ევროპული სამყაროს უდიდესი ნაწილი. ბოლო დღეებია ვფიქრობ, როგორ მიულოცავთ ევროპის, ამერიკის და სხვა დემოკრატიული სახელმწიფოების ლიდერები დანარჩენ მსოფლიოს. რას ეტყვიტ მათ მომავალზე? ახალ მსოფლიო წესრიგსა და მშვიდობაზე?

ეტყვიტ, რომ დემოკრატიული მმართველობის და უსაფრთხოების განვრცობა აღარ წარმოადგენს კაცობრიობის სიკეთეს? ეტყვიტ, რომ ავტოკრატიული და დიქტატორული ძალების შემოთავაზებული „მოჩვენებითი მშვიდობა“ და „საზღვრები“ უნდა მივიღოტ?

ეტყვიტ, რომ ეკონომიკური გავლენებია უპირატესი და არა თანასწორობაზე, სოლიდარობასა და ნდობაზე დაფუძნებული პარტნიორობა? რომ საერთაშორისო სამართალმა და ინსტიტუციებმა ძალა დაკარგეს და არაფერი შეუძლიათ, მაშინ როცა რეპრესიული რეჟიმი თავისუფლების, დემოკრატიის, სამართლიანობისა და ღირსებისთვის მებრძოლ მოქალაქეებს ატერორებს – ციხეებში კეტავს ან ემიგრაციას აიძულებს?

ჩვენ აქ ვრჩებით, საქართველოში, ქალაქების ქუჩებში, სადაც უკვე აქციების გამართვაც იკრძალება, ციხეებში, სადაც უკანონოდ გამოგვკეტეს.

და ჩვენ, ვინც რუსეთის საფრთხეს კარგად იცნობს, გეუბნებით, რომ თუ ცივილიზებული სამყარო დაუშვებს, რომ მოსკოვმა ცალმხრივად, თავისი იმპერიალისტური მისწრაფებებითა და კარნახით შეადგინოს ე.წ „სამშვიდობო შეთანხმება“ და შეცვალოს საზღვრები, ცხადია, ეს იქნება დაუსრულებელი ომების ანონსი ამ მშვენიერ კონტინენტზე.

თუ ჩემი სამშობლოს მსგავსი – უძველესი და მცირე ერები და უკრაინისნაირი მებრძოლი, დამოუკიდებელ სახელმწიფოები დარჩებიან რუსეთის ჰიბრიდული ომის, თუ სამხედრო აგრესიის პირისპირ მარტო, ეს იქნება გამოუსწორებელი ისტორიული შეცდომა.

ჩვენი თავისუფლება მარტო ჩვენს ბრძოლაზე არაა დამოკიდებული. ჩვენ გვჭირდება თქვენი – ევროპის ხალხების და ცივილიზებული მსოფლიოს თავისუფალი ადამიანების სოლიდარობა და მხარდაჭერა.

იბრძოლეთ ჩვენთან ერთად და ჩვენთვის. იბრძოლეთ ისე, როგორც საკუთარი ქვეყნის თავისუფლებისთვის იბრძოლებდით. გამოიყენეთ თქვენს ხელთ არსებული ყველა მექანიზმი, ვიდრე გვიანი არ არის.

მე მჯერა თავისუფალი, დემოკრატიული და ძლიერი ევროპის!

მადლობა.

მზია.



ვიზუალური კონტრიბუცია  
ქრონოლოგიური თანმიდევრობით

ფოტო:

ვანო ქარელი / გურამ როგავა / გურამ მურადოვი / თეონა ჭალიძე / ინგა აბიგლუკოზა / ნიკოლოზ ურუშაძე / ფრენსის პრიმერსკი / ბასტი მგალობლიშვილი / მარიამ ნიკურაძე / კოკა ვაშაკიძე / ბ. ზურაბიშვილი / ეკა ელოშვილი / ბუტა ორჯონიკიძე / ეთერ თურაძე / ანა ამილახვარი / შორენა გაბუნია / მაკუნა გოჩიაშვილი / სალომე ქინქლაძე / დათო სიმონია / ია მელითაური / მოსე / ნათია ბუკია / ლევან ზაზაძე / კესო ქინქლაძე / ელენა ლაპაჩი / სოფო აფციაური / სოფია ტაბატაძე / ალექსანდრე ქეშელაშვილი / ლიზუ ახალაძე / ნუცა მახარაძე / სალომე კვარაცხელია / თაია ცეკვაძე / ელისო ჯარიაშვილი / მარიამ ქავშბაია / მაგდა მამუკაშვილი / ნათია ჩიქოვანი / ელენე ქაიხოსროშვილი / ანაკო ტურაშვილი / თეონა ბექიშვილი / მეგი დიასამიძე / ელენა როსტუნოვა / რუსუდან ჯაყელი / ელენე ცაცუა / რუსიკო კობახიძე / ეკა კაჭარავა / ნინო თარხნიშვილი / მანანა ხუჭუა / სალომე სიმონია / ქეთი ბაბუნაშვილი

ნამუშევრები:

ეკატერინე კატო ბექიშვილი / თამუნა ბუდაგაშვილი / თინათინ ცხადაძე / მაკა ზედელაშვილი / დათო სიმონია / სოფია ტაბატაძე / ნინუკა ცინცაძე / პროტესტი 24 / ეთერ ჭკალუა / დემნა

მედია:

მთავარი არხი / მედია აპრილი / ტვ პირველი / ნეტგაზეთი / ფორმულა / საზოგადოებრივი მაუწყებელი / რადიო თავისუფლება / პუბლიკა / ევრონიუს ჯორჯია / ოუსი მედია / ეთ.ჯი / ტელე იმედი / ბათუმელები / დაფიონი / ვესმახურები საქართველოს / ეროვნული ბიბლიოთეკა / ტაბულა / პროტესტი 24 / ქარები



ინსტალაციის ლინკი











SilkRoadFragments

გამოცემა: 001 / 2026

მაროს შვილები: ქართველი ქალების  
წინააღმდეგობის ქრონიკა 2024-2025

[www.silkroadfragments.com](http://www.silkroadfragments.com)